



ԳՐԱԿԱՆ, ՔԱՂԱՔԱԿԱՆ, ՊԱՏՄԱԿԱՆ ԵՒ ՀԱՆՐԱՅԻՆ

ԱՄՍԱԳԻՐ

ՏԱՍՆԵԻՅԻՆԳԵՐՈՐԴ ՏԱՐԻ

1910

№ 2

ՓԵՏՐՈՒԱՐ

Թ Ի Ֆ Լ Ի Ս

ԷԼԵԿՏՐՈՂԱԳՐԱԿԱՆ ՍՐ. Ն. ԱՂԱՆԵԱՆԻ. ՊՕԼԻՑ 7
1910

Մի օր. Վէպ. Արսէն	3
Արի, եղբայր, Բանաստ. Յար. Պետրոսեան	12
Լեզենդներ քրիստոսի մասին. Սէմա Լազերլեօֆի. Թարգմ.	
Արսէն ս. Սիմէօնեանց եւ Ն. Տէր Մանուէլեան	13
Պատմութիւն Սասանեանց և Իրանի նուաճումը արաբա-	
ցիներէրց. պրօֆ Ա. Կրիմսկու. Մ. Շովրեան	20
* * Բանաստ. Յար. Պետրոսեան	35
Թէոդորոս Բ. Կիլիկեցի. Մաղափա աե. Օրմանեան	36
Գիտութեան սօճր. (Մոսկուայից) Ա. Վ.	45
Նորագոյն պատմագիտութիւն Կարլ Լամբոետսի. Pes-	
simist	58
ՄԱՏՆԱԽՕՍԱԿԱՆ	
Կիրակոս Գանձակեցւոյ պատմութիւն Հայոց. Գ. Ենգի-	
բարեան:— Ստացուած գրքեր	74
ԱՄՍՈՒԱՅ ՏԵՍՈՒԹԻՒՆ	
Մի խոշոր թիւրիմացութիւն: Խմբագրութիւն:— Լուրեր:	77
ԽՄԲԱԳՐՈՒԹԵԱՆ ՊԱՏԱՍԽԱՆՆԵՐ	
ՅԱՅՏԱՐԱՐ ՊԻԹԻՒՆՆԵՐ	

ԲԱՅՈՒԱԾ Է ԲԱԺԱՆՈՐԴԱԳՐՈՒԹԻՒՆ

1 9 1 0 Թ.

**ՔԱՂԱՔԱԿԱՆ ՀԱՍԱՐԱԿԱԿԱՆ ՏՆՏԵՍԱԿԱՆ
ԵՒ ԳՐԱԿԱՆ**

ԳԱԽԱՐ

ՇԱԲԱԹԱԹԵՐԹԻ

Բաժնեգինն է՝ Ռուսաստանի համար տարեկան 3
ր. կէս տարին 1 ր. 75 կոպ. մի ամիսը 35 կոպ. Արտա-
սահմանի համար տարեկան 5 ր. հասցէն՝ Герюсы, Елис.

Губ. Редакция газеты „Г А В А Р Ъ“



ԳՐԱԿԱՆ, ՔԱՂԱՔԱԿԱՆ, ՊԱՏՄԱԿԱՆ ԵՒ ՀԱՆՐԱՅԻՆ

ԱՄՍԱԳԻՐ

ՏԱՍՆԵԻՅԻՆԳԵՐՈՐԴ ՏԱՐԻ

1910

№ 2

ՓԵՏՐՈՒԱՐ

Թ Ի Ֆ Լ Ի Ս

ԷԼԵԿՏՐԱԶԱՐԺ ՏՊԱՐԱՆ ՕՐ. Ն. ԱՂԱՆԵԱՆԻ, ՊՈԼԻՑ 7

1910

ՄԻ ՕՐ ¹⁾

III

Եւ, ինչպէս ասացի, պատրաստուելու համար էի փախել օտարութիւն: Իմ սեեռեալ զաղափարն էր՝ պատրաստուել, որքան կարելի է աւելի պիտանի զէ՞քերով զինուել, անվեհերութիւն և կամքի ոյժ մշակել, հաստատուն ոյժեր հաւաքել ապագայ կռուի մէջ յաղթանակով զուրա գալու համար:

Առհասարակ ամեն մի ուսանող ուսանողական նստարանի վրայ գոնէ մի բանով ոգևորուած է լինում: Սաարգէն մի տեսակ սովորութիւն է դարձել—անիդէալ ուսանող չկայ: Ամենքը խօսում-ասում են իդէալների անունից, երդում են նրանով, ճառում անվերջ ոգևորութեան տենդով համակուած: Թողնում եմ մի կողմ այն հարցը, թէ քանիսն են այդ բարձրագոյ իդէալներին գոնէ սակաւ ժամանակ հաւատարիմ մնում, քանիսն են իրենց երդումները կեանքի մէջ կատարում, և բոլորովին մոռանում են նրանց, ովքեր կեանքի խլացնող ժխոր ներկայացնող հրապարակում ոսկի հորթին ծախում են և՛ խիղճ, և՛ իդէալ: Թողնում եմ այդ հանգամանքը, իրողութիւնն այն է, որ չկայ անիդէալ ուսանող:

Ես, հայրական տանից փախած թշուառս, անիդէալ չէի: Ունէի իմ իդէալը, իմ գուրգուրած, փայփայած նպատակս: Պատրաստում էի յանուն այդ իդէալի: Երդում էի այդ իդէալով: Ես մոլեռանդ հաւատացող էի իդէալիս: Ի՞նչ էր այդ, այսպէս ասենք՝ անգողտրիկ իդէալը.—կուր մեր ընտանիքի, հօրս և մի քանի պայմանների դէմ, որոնցից ինձ փաստած, սաստիկ տուժած էի համարում: Ընկերներս ոգևորուած խօսում, ճառում և բարձրագոյ աղաղակում էին ժողովրդի, հասարակութեան, ազգի շահերի, հանրամարդկային զաղափարների, սիրոյ, ազատութեան, ճշմարտութեան, բարու, գեղեցկի մասին: Ես այդքան խոշոր նպատակներ չէի դրել ինձ համար: Լաւ գիտակցում էի, որ նմանօրինակ մեծ գործեր կատարելու համար անգործ եմ, անզամ ապիկար:

Ուսանողական խնջոյք է: Ամենքն էլ տաքացած գլուխներով, փրփրադէզ գինու բաժակների առջև, մաստակի պէս ծամծմում

¹⁾ Լումայ № 1

են խեղճ ու կրակ իղէալներ Նախշուն շարանները: Ես էլ եմ ոգևորուել, խօսում ու ճառում եմ: Պէտք է խոստովանել, բաւական գեղեցիկ խօսել գիտեմ, ճարտասանելու քիչ թէ շատ ձիրք ունիմ: Այդ իրիկուն միտքս երկրից երկինք էր թռչում: Պատկերաւոր դարձուածքներ, հիանալի համեմատութիւններ, բանաստեղծական այլաբանութիւններ: Ես խօսում եմ հարկաւ ամենքին հետաքրքրող հարցերի մասին, սակայն ինձ ոգևորողը և հոգեզմայլութեան մէջ ձգողը ոչ մի ուրիշ բան չէ, բայց եթէ իմ տարօրինակ նպատակը, որի համար պատրաստում էի ինձ: Սօսում էի հայրենիքի մասին.— հայրենիք ասելով մեր ընտանիքն էի հասկանում, իմ հայրական տունը: Սօսում էի ազատութեան, անհատականութեան մասին.— դրանով իմ ստրուկ, հալումաշ եղած մօրս պատկերն ի նկատի ունէի, որին այդ վիճակից ազատելը սրբազան պարտքս էի համարում: Սօսում էի դարի, ժամանակի թուլութիւնների, բարքերի ապականութեան և անբարոյականութեան մասին.— այստեղ մտքիս առաջն էի բերում իմ անպատուած քոյրերս: Սօսում էի մեր աշակերտող, դպրոցական սերնդի փեղցփեղ, անվայելուչ և անբարեկարգ վիճակի մասին.— իմ դիմացս կանգնած էի տեսնում իմ անբարոյական կրտսեր եղբօրս, նրա անամօթ, գարշ ու աղտեղի արկածներն ու արարքները: Սօսում էի ստրուկ, ճորտ ու չքաւոր մի դասակարգի մասին, որ մաշում է, փչանում հոգեպէս ու ֆիզիքապէս հարուստների տան ապականուած մթնոլորտում, այդ խօսքերն ասելիս չէի մոռանում իմ հայրական տան սպասաւոր խեղճուկ, դեռահաս, մրայօն աղջկան, որին հայր ու որդի, տմարդի ու անխղճմտանք կերպով, շահագործել էին և շահագործում էին օգտուելով իրանց յարմարաւոր դիրքից: Սօսում էի մի կարգ մարդկանց մասին, որոնք դիմակ ծածկած մտնում են խաղաղ ընտանիքները, փոթորիկ բարձրացնում, մատաղ սերունդը հոգեպէս ու մտաւորապէս, չ'թագցնենք՝ և ֆիզիքապէս փչացնելուց, այլանդակելուց յետոյ թողնում ու հեռանում.— ուրիշ բանի մասին չէր խօսքս՝ հայրական օջախում յուզումներ առաջացնող ուսուցչի մասին էի մտածում և խորհում, որը կրտսեր եղբօրս ատրճանակից խուսափելով՝ ապաստան էր գտել անյայտութեան գրկի մէջ իւր յաղթանակի պատմութիւնը բերնէ բերան տարածելու համար:

Եւ այսպէս շատ ու շատ բանների մասին...

IV

Այո, պատրաստում էի: Թուլութիւններս ամենից լաւ ես էի հասկանում: Հիանալի կերպով ինքս ինձ բնորոշել գիտէի: Մի

քանի խօսքերով՝ կարճ ու ճիշտ: Ներքին, խղճիս դատաստանի առաջ խոստովանում էի, որ կամազուրկ բնաւորութիւն ունիմ, անհետեւողական և թոյլ եմ: Այո՛, այդ բոլորը շատ լաւ գիտակցում էի:

Կան որոշ դասի, հոգեկան յատուկ խմբութեան պատկանող մարդիկ, որոնք իրանց ներքին աշխարհում ներկայանում են իբրև ազնիւ, վսեմ և ասպետական յատկութիւններ ունեցող անհատներ: Սակայն միայն ներքին աշխարհում: Դրանք սեփական պակասութիւնները մերկացնել և մտրակել գիտեն: Անաղօտ կերպով գիտակցում են իրանց վատ ու աղտոտ արարքների գերապոյն զզուելիութիւնը: Թքում ու մրոտում են իրանց եսը: Գարշում են իրանցից: Կծու, դառն ու ծանր խօսքերով ներկում են իրանց գործերն ու արածները: Այս բոլորը միայն իրանց մենախօսութիւնների ընթացքում, ներքին աշխարհի մէջ թափանցուած, մրտորումների գրկում, մեն-մենակ, աշխարհի, մարդու աչքից հեռու:

Ես այդպիսիներից մէկն էի: Մէկը, որ արդար զայրոյթով լցուել գիտէ և շատ բան պարզ ու պայծառ հասկանալ գիտէ: Գիւրազանցօրէն ըմբռնում էի բնաւորութեանս թերի, պակասաւոր, կեղտոտ կողմերը ու աշխատում էի ամեն կերպ ազատել ինձ: Դիշեր ու ցերեկ հոգ էի տանում: Հոգսերիս մեծ մասն ուղղուած էր դէպի այդ խնդիրը: Կամազուրկ եմ,—գիտէի: Պէտք է փրկուել, աշխատում էի, ամեն միջոց ձեռք էի առնում: Ուզում էի ազատուել ծայրացեալ ապականութեան ու դարձութեան կենտրոններից: Կայացնող հայրենի ծանրաշունչ մթնոլորտի խեղդուկ հետքերից: Զանք էի գործ դնում հոգիս մաքրելու անմաքրութիւններից, և ամեն կերպ ճգնում էի արեանս մէջ մտած հակումներն արմատախիլ անել, սրբուել, նորից մկրտուել: Այդ բոլոր ժամանակ մխիթարում էի այն ողորմելի գիտակցութեամբ, որ ինքս անձամբ մեղաւոր չեմ, բոլորովին անպարտ եմ, որովհետեւ ծնուել եմ դժբախտ և հարկադրուած եմ քարշել այդ հանգամանքի ամբողջ ծանրութիւնն իմ թոյլ և նուաղկոտ ուսերիս վրայ: Այնուամենայնիւ ուզում էի ուժեղանալ, թուլութիւններիս դէմ մղած մարտից յաղթանակով և պատուով դուրս գալ:

Հեշտ չէր:

Հայրս տուել էր ինձ աղտեղի արամադրութիւններ, անասնական բնազդներ, անհուն կրքոտութիւն և զիւրազգայնութիւն: Մօրս տուածնիրը նախանձելի բաներ չէին.— թուլութիւն, վախկոտութիւն, կամքից խեղճութիւն: Այս խառնուրդից գոյացել էր մի էակ, որ այնպիսի ընտանեկան դաստիարակութեան բովարտնով էր անցել, որի սոսկ մտաբերութիւնը զարհուրանք է ազդում

վրաս: Տգէտ, սարսափելի տգէտ ծնողներ: Աշխարհից, կեանքից ու նրա պահանջներից և ոչ մի տեղեկութիւն չունին: Մէկն ապրում է իւր պիղծ զգացումների համար, միւսը՝ իւր բախտազուրկ վիճակը լալու և ողբալու: Անբովանդակ մի միջավայր, ուր խեղդում է, շնչասպառ լինել կարելի է: Մանուկ հասակում ծծել էի այդ միջավայրի անմաքուր օդը իմ դեռափթիթ, անկազմակերպ թոքերով և տոգորուել էի պատանեկան հասակին անվայել տպաւորութիւններով: Ինձ չեն դաստիարակել, այլ խմորել են կրքի և վախի զգացումներով: Աչքս բացել եմ և տեսել կեղտ ու անբարոյ կեանք և սին վայելքներ:

Դպրոցը, որտեղ մի ամբողջ տասնեակ եմ ծախսել իմ կեանքի տարիների գումարից՝ կանոնաւոր կերպով ընտանեկան անմարդավայել դաստիարակութեանս շարունակողը հանդիսացաւ: Դպրոց... Մի խումբ մարդիկ, որոնք գրեթէ ոչինչ հոգեկան կապ, առնչութիւն ու յարաբերութիւն չունին նրանց հետ, որոնց դաստիարակելու, կրթելու և մարդ դարձնելու են կոչուած: Զանգ տուեց—մտնում են: Զանգը կրկին հնչեց—գուրս են գալիս՝ հըռչակաւոր «այստեղից այնտեղը» մրմնջալով: Թուեր են դնում: Լաւ են—«փոխւում ես», անցնում յաջորդ դասարանը, իսկ եթէ վատ—«Մնում ես միևնույն դասարանում»: Եւ այսպէս տարիների շարունակ, միանման, ըստ երևոյթին զուարթ, ուրախ, բայց իրապէս հոգեմաշ սպանող տարիներ...

Անցաւ որոշ ժամանակ և նոր միայն գիտակցեցի, թէ ի՞նչ մեծ կորուստ եմ ունեցել, նոր միայն զգացի, որ հոգեպէս և ֆիզիքապէս սպանուել էի, տանջուել ու մաշուել: Ուզում էի թօթափել անցեալի ծանր հետքերը, ձգտում էի ապրել մաքուր կեանքով, մտքերս կամենում էի մաքրել անմաքուր կապերից և կաշկանդումներից. իզո՛ւր: Գալիս է մի օր տեսնում եմ ինձ անզօր՝ հզօրեղ թափ ստացած, սովորութիւն դարձած հակումների, կրքերի, կեղտոտ ցանկութիւնների դէմ: Այլևս հնար չկար ազատուելու, ես գերի էի, ստրուկ: Չէ՞ որ ծառի արմատի վրայ փորուածքները մեծանում, աճում են ծառի հետ զուգընթաց:

Չէի դաստիարակուել, որովհետեւ չեմ ունեցել դաստիարակիչներ: Ես սոսկ կրթուել էի—ունեցել եմ կրթողներ: Մտքեր, թուեր ու անուններ,—ահա բոլորը, դաստիարակներիս ուշադրութեան առարկան: Տալ հոգու կրթութիւն, զգացումների վեհութիւն, մարդ լինելու համար պատրաստել,—սրանք ուսուցիչներիս համար տակաւին վերացական հասկացողութիւններ էին, որի իրադրութեման համար մատ մատի չէին խփում:

Այս բոլորից պարզ է, որ ես մի զոհ եմ եղել, զոհ-ընտանե-

կան և դպրոցական դաստիարակութեան: Դպրոց և ընտանիք ձեռք ձեռքի տուած աճեցրել, զարգացրել և հիմնաւոր են դարձրել այն բոլոր սրտմաշուկ յատկութիւնները, որ ստացել էի հօրիցս և մօրիցս իբրև մի աւանդ յաջորդներս յանձնելու համար: Եւ կը յանձնեմ: Դպրոցը խօսք է տալիս, երաշխաւորում է:

Ես շուտ հասկացայ իմ փափուկ դրութիւնը: Որքան կարող էի աշխատեցի դուրս գալ անել վիճակից: Պիտի կռուէի արմատացած չարիքների դէմ: Քսան տարի շարունակ ես փայփայել էի զարհուրելի արատները: Կռիւ յայտարարեցի: Կամ պէտք է յաղթէի, ոչնչացնէի կաշկանդող, մինչև հոգուս խորքը ապականող զարշուրիւնները, կամ պէտք է ընկնէի յաղթուած՝ վերստին գերի ախտերին:

V

Կամազուրկ էի:

Առաջին և ամենազլխաւոր հարուածը պէտք է հասցնէի հոգուս այդ պակասաւոր, թերի կողմին: Եւ ուղղեցի նրա դէմ ինչ որ կարող էի և ինչ գէնք, որ ձեռս ընկաւ: Ես շատ լաւ գիտէի, որ կռոււմ եմ մօրս դէմ, գիտէի, որ մօրս ախտն էր բուն դրել իմ մէջ և այդպէս տանջում էր, անխնայ կսկծեցնում ինձ. երբեմնապէս սրտիցս անէծքի և բասրանքի խօսքեր խլում, երբեմնապէս էլ ցաւակցութեան և ափսոսանքի: Դէս ընկայ, դէն ընկայ և վերջապէս նպատակ դրեցի նախապէս կամքի ոյժի տեսութիւնը քննել, ուսումնասիրել և ապա գործնականին անցնել:

Այդպէս էլ արի: Եռանդով լսում էի հոգեբանութեան դասախօսութիւններ և ոչ պակաս եռանդով սկսեցի Նիշշէ ուսումնասիրել, կարծում էի, թէ մեծ փիլիսոփան ինձ կ'փրկէ կամքի թուլութիւնից: Յետոյ ձեռք զարկի մի շարք գրքերի ընթերցման: Կամքի, կամեցողութեան վերաբերիալ գրքեր էին: Մէկմէկու վրայ շարուած էին գրասեղանիս վրայ մօտաւորապէս մէկ ու կէս տասնեակ գրքեր նման բովանդակութեամբ. «Կամք», «Կամքի ոյժ» «Կամքի ոյժի գաղտնիքը», «Կամքի կրթութիւնը», «Նար կամքը» «մեր կամքը և յոյզերը»...

Ի՞նչպիսի վառ զգացմունքով էի պարապում. գիշերը ցերեկ էի դարձնում, յոգնութեան և քաղցի չէի նայում: Պարապմունքներիս մէջ խորասուզուած՝ ես համոզուած էի, որ դուրս կգամ տեսական վարժողութիւնից վերամկրտուած, նոր ոգի և ընթացք ստացած և որ զլիաւորն է կամքի ոյժ ձեռք բերած: Այդ ժամանակ ես համոզուած էի կեանքի մի պահանջի ճշմարտութեան մէջ. այդ այն է, որ

ընկածը պէտք է աշխատէ բարձրանալ, ոյժերը հաւաքել և ճան-
բան շարունակել, եթէ ուզում է փրկուել, ապրել և յարատեւել:
Բայց դրա համար, համոզուած էի, նոյնքան ոյժ և դիմացկունու-
թիւն է պահանջում, որքան և անկման վտանգից խուսափելու
աշխատանքը: Ես, պարզ է, ընկած էի բարոյապէս, ինձանից պա-
հանջում էր մաքրութիւն, իսկ այդ բոլորի համար ամենազլխա-
ւոր պահանջը զօրեղ կամքի հարցն էր, որի բացակայութիւնը իմ
մէջ սրտի կսկիծով գիտակցում էի:

Թէև ընկերական շրջաններում արտաքուստ ամենաթունդ
անաստուածեանների հետևող էի ցոյց տալիս ինձ, բայց ներ-
քուստ հաւատացող էի և միշտ նեղ տեղ ընկած ժամանակը բը-
նազդաբար աղօթք էի մըմնջում: Մօրս ազդեցութիւնը ապարդիւն
չէր կորել: Առանց այդպիսի ազդեցութեան էլ՝ ես ժառանգել էի
մօրիցս բարեպաշտ, հաւատացող հոգի: Մի բացատրութիւն միայն
կարողանում էի տալ. վախկոտ մարդիկ երկիւղած են լինում:

Այս շրջանում իմ անձի մի այլ նշանակելի յատկութիւնն
էլ այն էր, որ ես շատ էի սիրում երազել: Ամբողջ ժամերով կը-
նստէի և կերազէի: Այդպիսի երազային վիճակի մէջ ընկնելով
գրեթէ չէի նկատում: Թէ ինչ է կատարւում շուրջս: Կատարեալ
խանդավառութեան մէջ ընկած դերվիշի էի նմանում: Մտքով
վերանում էի մի այլ աշխարհ, մի վայր, ուր ինձ երեւակայում
էի իբրև մի ամենակարող էակ, օժտուած ամենատեսակ վեհ, վսեմ
ու սքանչելի յատկութիւններով: Սիրում էի ցնորելը, երազելը,
ինչպէս իսկական արեւցողը՝ խմիչքները: Ես համարում էի երա-
զելու ընդունակութիւնս իմ միակ հարստութիւնս: Եթէ խլէին,
կորզէին ինձանից ցնորելու սովորութիւնը, կզրկուէի իմ ամենա-
գրաւիչ յատկութիւնների, հոգուս հակումների ամենազլխաւորից:
Աղքատից խիլ քսակը, սարսափելի քաղցածից՝ հացի պատառիկը,
իսկ ինձանից՝ ևրազելու հակումս, — նոյն բաներն են: Այդ գողտ-
րիկ երազների ժամանակ յայտնագործեցի հրաշքի զաղափարը,
որ պիտի պսակէր իմ բոլոր յոյսերս: Հրաշքը ամեն ինչ էր ինձ
համար: Նա ամեն բան կարող էր անել: Նա մի աստուածային
ոյժ էր:

Այո, ես հաւատում էի, որ հրաշքը պիտի ինձ կամքի ոյժ
տայ: Հաւատում էի, որ յանկարծապէս կարող է հրաշքը տեղի ու-
նենալ: Ի՞նչ պիտի բերէր մի այդպիսի հրաշք: Ամենից առաջ ես
բնախօսապէս կ'իփոխուէի: Յետոյ: — Յետոյ կամքի ոյժ կ'ստանայի,
որով կ'սանձուէր իմ պախարակելի վախկոտութիւնը, ախտաւոր
հակումները: Եւ կ'լինէի վերածնուած մարդ: Մարդ՝ բառի իսկական

մտքով, մաքուր զգացումներով, ազնիւ կրքերով և վսեմ ցանկութիւններով տոգորուած:

Միթէ ես չունէի ցանկութիւններ: Ունէի: Կամազուրկ մարդու ցանկութիւններ: Վսեմ ցանկութիւններ ասելով, ես բոլորովին ուրիշ բան էի հասկանում: Ասում էի, վսեմ ցանկութիւնները կամքի ոյժ ունեցող մարդիկ կարող են ունենալ: Կամազուրկ մարդու ցանկութիւնները՝ ինչպէս կուգես անուանիր, սակայն «վսեմ» մակդիրով չ'պսակես այն: Ես պարզօրէն գիտէի, որ վսեմ ցանկութիւններ չունիմ, գիտէի, որ այդպիսի ցանկութիւններ միայն այն ժամանակ կարող եմ ունենալ, երբ հրաշքը, երջանիկ պատահականութիւնը տեղի կ'ունենայ:

Հրաշքի էի սպասում և մի այլ կերպ: «Մի զօրեղ հիւանդութիւն փրկարար է». այս խօսքերն ասող հանճարը ներշնչել էր ինձ: Կարծում էի, որ ինքս էլ նրա պէս կ'վերածնունամ նոր ոգով, նոր կեանքով: Մի այդպիսի «հիւանդութեան» էի սպասում, որ պիտի բերէր ինձ համար հրաշալի առողջութիւն—կամքի ոյժ: Եւ օր, և՛ գիշեր սպասում էի, ակնկալում էի, թէ ահա կ'գայ փրկութիւնը, ցանկալի, առողջացնող հիւանդութիւնը:

Սպասում էի և պարապում: Դա ծրագրիս տեսական մասն էր: Ես կատարում էի այն, ամենայն բարեխղճութեամբ, առանց մի նշանախեց անգամ անտեսելու: Անցաւ բաւական ժամանակ: Վարժութիւնս վերջացաւ: Այժմ պէտք է սկսէի զործնականը: Ուրիշ խօսքով ասեմ՝ տեսականապէս սովորածս, ստացածս և իւրացրածս պիտի աշխատէի իրականութեան մէջ, վերացական աշխարհից հեռու իրագործել:

Ափսոս, Բոլոր ջանքերս զուր էին անցել: Թափած՝ արիւնքրտինքս, դիշերային աշխատանքներս գրեթէ ոչ մի արդիւնք ցոյց չ'տուին: Տարաբախտաբար ինձ համար տակաւին կեանք առուած բանը մութ էր մնացել: Ես չէի կարողանում լիովին ըմբռնել ներան, ինչպէս այն մարդը, որ քանքարաշատնկարչի հրաշագեղ նրկարի մէջ միայն տեսնում է գոյների պէսպէս շերտեր, քաթան, ձև, նիւթ. իսկ ոգին, իմաստը, գեղեցկութիւնը և բովանդակութիւնը չի կարողանում ըմբռնել: Այն ինչ մի ուրիշը գծերի, գոյների և որոշ զարդարուն՝ շերտերի մէջ մի ներքին ներդաշնակութիւն է տեսնում և աշխատում է պարզել այն յարաբերութիւնը, որ արտայայտել է նկարիչը գծերի և գոյների խաղերով: Կհանքը չ'հասկանալով հանդերձ՝ ես չէի կարողացել իմ ներքին աշխարհն ևս պատրաստել այդ անհասկանալի կեանքի մէջ մաքառելու համար, և նոյն կամքի տէրն էի մնացել, ինչպիսի կամք որ ունէի իմ պարապմունքներից, տեսական վարժութիւնից առաջ: Եւ ոչ

մի քայլ առաջ: Հրաշքը տեղի չէր ունեցել: Բուժիչ «հիւանդութիւնը» վրայ չէր հասել: Ո՛չ մեծն Նիշէն և ոչ էլ կամքի թէօրիւն ինձ չ'փրկեցին:

Հայրենիքից դուրս, ընտանեկան յարկից հեռու մի շրջանի մէջ էի ապրում, որ ունէր իւր չարն ու բարին, օրուայ կրքերու շահեր, յուզումներ ու բռնկումներ, լաց ու ծիծաղ: Ես շատ բան էի տեսնում այդտեղ, և արդարութիւն, և անարդարութիւն: Քաջալիւրելու և մտրակելու կողմեր, գուրգուրելի և պախարակելի բազմաթիւ գործեր: Ե՛ս, ապագայ ընտանեկան դործիչս, ինչպէս կոչում էի ինձ՝ իմ մենախօսութիւնների մէջ, պէտք է այդտեղ ցոյց տայի իմ ինչ լինելս:

Եւ ցոյց էի տալիս:

Քիչ թէ շատ հասկացող, մարդ ճանաչելու հոտառութիւն ունեցող մէկը կամ հետս մի քանի խօսք փոխանակելիս, կամ դէպի ուրիշները ցոյց տուած իմ վերաբերմունքը դիտելիս իսկոյն կը հասկանար, թէ ինչ բան էի ես, ապագայ գործիչս: Այնտեղ, երբ հարկաւոր էր զայրանալ, գրգռուել, արդար զայրոյթով և ազնիւ կրքերով վառուել՝ գերազանցօրէն լուում էի, ներքուստ տապակւում, բայց ոչ մի ծպտուն չէի հանում, և եթէ այդպիսի կամ դրա նման մի բան էլ բերանիցս դուրս էր թռչում, դա այնքան խղճաւի, կանացիական և ողորմելի էր լինում, որ աւելի ծիծաղ էր շարժում, քան ազդեցութիւն թողնում: Ինչո՞ւ այդպէս: Որովհետեւ առաջս կանգնած էի տեսնում մէկը, որից ես ակնածում էի, որ հասարակների թուին չէր պատկանում, այլ հրամայող էր և ազդեցիկ: Իսկ այնտեղ, ուր հարկաւոր էր ցոյց տալ հոգու վեհութիւն, գութ և բարեսրտութիւն, ես անտեղի կերպով զայրանում էի, կիրքս և անազնիւ բարկութիւնս հզօրապէս արտաւիժում, ոտնակոխ անելով վայելչութեան և փափկանկատութեան սահմանները: Ինչո՞ւ: Ասել չի ուզիլ, որովհետեւ առաջս ցցուած էր մի խեղճ ու կրակ հասարակ մարդ, որի հետ կարելի է վարուել, ինչպէս քմահաճոյքը և փաշայական քմապաշտութիւնն է թելադրում: Այդպիսի դէպքերում, ի հարկէ, ես ունէի կամքի ոյժ, որ անհետ չքանում էր միայն հզօրների առաջ: Ամենից շատ կատաղում էի այնպատճառով, որ փոքրիկ հզօրներին արհամարհելու ընդունաթիւնից զուրկ եմ: Վերջ ի վերջոյ համոզուեցի, որ արհամարհելու ամար էլ հոգեկան ոյժ պէտք է ունենալ: Քանի՞ քանի՞ անգամ փորձել եմ ինձ համար ատելի մարդկանց արհամարհել կամ առհասարակ խիստ սառն, սեփական գերագոյն արժանապատուութեամբ վերաբերուել, բնաւ և հրքէք չի յաջողուել:

Այդ բոլորի դեղ ու դարմանը՝ կամքի ոյժը՝ չ'ստացայ:

Վերստին գիմեցի ամենազօր հրաշքին. այս անգամ ուզում էի միւս պակասաւոր կողմերից ազատ մնալ: Յոյս ունէի, որ հրաշքն ինձ այս անգամ օգնութեան կ'հասնի և ինձ կ'փրկէ շուտափոյթ: Յիշեալ հրաշքի ոյժի օգնութեան էի դիմում, ի միջի այլոց, նաև այն դէպքերում, երբ իմ մէջ փառասիրական մտորումներ էին ծնւում: Բաւական մեծ զօրութիւն էր դարձել ինձ համար փառքի տենչը, որ սրտիս մէջ վառւում և փայլփլում էր, սակայն իսկոյն և եթ հանգչում, երբ թոյլ կամքիս յարուցած խոչնդոտների էի հանդիպում, ուստի և ես ողորմելի և յուսահատ վիճակի մէջ էի ընկնում: Այո, թոյլ ու անկարող կամքիս պատճառով՝ ես շատ զբոհանքներ էին կրում:

ԱՐՄԵՆ

(Կը շարունակուի)



ԱՐԻ՛, ԵՂԲԱ՛ՅՐ.

Արի՛, եղբա՛յր, ելնենք հսկայ սարն ի վեր,
Ազատ շնչէ սիրտս խոցուած եւ աւեր...
Բանս է այստեղ, կալանաւոր՝ իմ հոգին,
Տանջուում եմ ես մի վառ սիրով կաթոգին:
Ա՜խ, ես կուգեմ քոչել հասնել այն կատար,
Ամպերի մէջ բազմել ժայռին հողմահար,
Ոսկերիս տակ կայծակ, որոտ ու հեղեղ,
Ողջ բնութիւն՝ պայքար մտած, խելայել...
Սիրտս այնտեղ ընկեր դարձած փոքրեկին
Կըստանայ հեռո՛ւ, հեռու մոլեգին,
Կըխուզարկէ ձոր ու հովիտ ծաղկազարդ,
Երգ կը կանչէ ազատ, անվախ ու հպարտ...

ՅԱՐՈՒԹԻՒՆ ՊԵՏՐՈՍԵԱՆ

ԼԵԳԵՆԴՆԵՐ ՔՐԻՍՏՈՍԻ ՄԱՍԻՆ

Տիկին Ս. Լագերլէօֆի ներկայ աշխատութիւնը, որի հայերէն թարգմանութիւնը մենք առաջարկում ենք հայ ընթերցող հասարակութեանը, արժանացել է թէ իւր հայրենիքում և թէ Ռուսաստանում այնպիսի մի ընդունելութեան, որպիսին շատ քիչ աշխատութիւնների է բաժին ընկնում: Ռուսական լաւագոյն թերթերից մէկը՝ „Русскія Вѣдомости“ համարում է սոյն աշխատութիւնը կին հնդկնակի գլուխ-գործոցը:

Թարգմանիչներ.

Ա.

ՍՈՒՐԲ ԳԻՇԵՐԸ

Հինգ տարեկան էի, որ մի ծանր դժբախտութիւն կըրեցի և թերևս այդ ամենամեծ վիշտն էր երբ և է իմ զգացածներից: Մեռել էր տատս: Մինչև այդ օրը նա իւր ժամանակն անց էր կացնում իւր սենեակում, որտեղ նրատում էր անկիւնի դիւանի վրայ և մեզ համար հեքիաթներ պատմում:

Շատ բան չեմ յիշում ես տատիս մասին: Յիշում եմ, որ նա ունէր գեղեցիկ և ձիւնի նման ճերմակ մազեր, որ ման էր գալիս խիստ կռացած և միշտ գուլպա էր գործում:

Ապա, յիշում եմ նոյնպէս, որ նա մի որևէ հեքիաթ պատմելիս, երբեմն ձեռքը դնում էր գլխիս և ասում.

—Եւ այդ բոլորը ճշմարտութիւն է, որ պատմում եմ ձեզ, այնպիսի ճշմարտութիւն, ինչպէս որ, այ, մենք տեսնում ենք իրար:

Յիշում եմ նաև, որ նա հիանալի երգեր գիտէր, սակայն յաճախ չէր երգում: Այդ երգերից մէկը վերաբերում

էր մի ինչ որ ասպետի և մի յաւէրժահարսի և նրա բոլոր տները վերջանում էին այսպէս:

«Իսկ ծովի վրայ, ծովի վրայ փչում էր ցուրտ քամին»:

Յիշում եմ այլ ևս մի աղօթք և սաղմոս, որ նա սովորեցրել էր ինձ:

Նրա պատմած բոլոր հեքիաթներից միայն աղօտ ու թոյլ յիշողութիւններ են ֆնացել իմ մէջ և միայն մէկը դրանցից ես յիշում եմ այնչափ պարզ, որ կարող եմ պատմել: Դա մի փոքրիկ պատմութիւն է Քրիստոսի ծննդեան մասին:

Ահա այն բոլորը, ինչ որ ես յիշում եմ տատիս մասին, եթէ չը հաշուենք նրամահուան պատճառած կսկիծը: Այս մէկը ես ամենից լաւ եմ յիշում:

Կարծես հէնց երեկ էր, այնպէս լաւ յիշում եմ ես այն առաւօտը, երբ սենեակի անկիւնում դռւած դիւանը յանկարծ պատարկ տեսայ և ես չէի կարողանում երեւակայել, թէ ինչպէս պիտի անցնի այդ օրը: Ես շատ պարզ յիշում եմ այդ և երբէք չեմ մոռանայ:

Միտս է, թէ ինչպէս մեզ տարան տատիս մօտը վերջին հրաժեշտը տալու և համբուրելու նրա ձեռքը, թէ ինչպէս մենք վախենում էինք ննջեցեալին համբուրել և թէ ինչպէս, չը գիտեմ ով. նկատեց որ մենք պարտաւոր ենք վերջին անգամ շնորհակալութիւն յայտնել նրան այն բոլոր բաւականութիւնների և ուրախ ժամերի համար, որ պատճառել է մեզ:

Յիշում եմ, թէ ինչպէ՛ս մեր բոլոր հեքիաթներն ու երգերը տատիս հետ միասին դրին սև ու երկայնդագողի մէջ ու տարան... տարան յաւիտեան: Ինձ թուաց, որ այն րոպէին մեր կեանքից մի բան պակսեց: Կարծես թէ յաւիտեանս կողպեցին այն հրաշալի ու կախարդական աշխարհի դուռը, որտեղ առաջ մենք ազատ ման էինք գալիս:

Մենք, երեխայքս, հետզհետէ սովորեցինք զբաղուել զանազան խաղերով ու խաղալիքներով և ապրել այնպէս, որպէս ուրիշ երեխայք են ապրում: Եւ այդ ժամանակ

կողմնակի դիտողը կարող էր կարծել, որ մենք դադարել ենք տատիս մասին մտածելուց, չենք զգում նրա բացակայութիւնը:

Սակայն այժմ իսկ, թէև անցել է քառասուն տարի, ես պարզ կերպով յիշում եմ փոքրիկ պատմութիւն Քրիստոսի ծննդեան մասին, որ մի քանի անգամ պատմել է ինձ տատս: Եւ ես ինքս էլ ցանկանում եմ կրկնել այդ պատմութիւնը և մտցնել այն գրքոյկիս «առասպելների» շարքը:

*
* *

Քրիստոսի ծննդեան օրն էր: Բոլորը, բացի տատիցս և ինձանից, գնացել էին եկեղեցի: Կարծեմ միայն մենք երկուսս էինք, որ մնացել էինք ամբողջ տանը: Մեզանից մէկը խիստ ծեր էր, իսկ միւսը խիստ փոքր, այնպէս որ մենք չէինք կարող գնալ: Եւ ահա, մեր երկուսիս համար էլ չափազանց ծանր էր, որ չէինք լսելու ծննդեան հոգեգմայլ տաղերն ու չէինք հրճուելու եկեղեցում վառուող ծննդեան մոմերի փայլով: Ուստի տատս վճռեց վանել մեր թախիժը մի որևէ պատմութեամբ:

«Մի անգամ, մի մութ գիշերով, — սկսեց նա, — մի մարդ ճանապարհ ընկաւ կրակ ճարելու: Նա գնում էր մի տնից դէպի միւսը, ծեծում էր դուռը և ասում. «օգնեցէք ինձ, բարի մարդիկ, կինս երեխայ է ծնել... Պէտք է կրակ վառեմ, որ տաքացնեմ մօրն էլ, մանուկին էլ...»

Բայց որովհետև գիշեր էր, բոլորն արդէն քնած էին, ուստի ոչ ոք չը կատարեց նրա խնդիրը:

Մարդը շարունակեց իւր ճանապարհը աւելի հեռուն: Վերջապէս նա նկատեց կրակ: Նա դիմեց այն կողմը և տեսաւ, որ դա վառուող խարոյկ էր, որի շուրջը քուռ էր մտած սպիտակ ոչխարների հօտը: Պահպանում էր հօտը մի ծերունի հովիւ:

Եւ ահա այն մարդը, որին կրակ էր հարկաւոր, մօտեցաւ ոչխարներին և տեսաւ, որ հովուի ոտների մօտ երեք մեծ շներ են պառկած: Երբ նա մօտեցաւ, երեք

շներն էլ զարթնեցին, բացեցին իրենց ահագին բերանները, թուի թէ, հաջելու համար, բայց ամենափոքրիկ ձայնով իսկ չը խանգարեցին զիշերուայ խաղաղութիւնը: Մարդը տեսնում էր, թէ ինչպէս շների մազերը ցից կանգնեցան, փայլեցին նրանց սպիտակ ատամները և ինչպէս նրանք յարձակուեցան իւր վրայ: Նա զգաց, թէ ինչպէս շներից մէկն արդէն բռնել էր իւր ծնկնից, միւսը ձեռքից և երրորդը կախ էր ընկել վզից: Բայց ատամներն ու ծնոտները չէին հպատակում շներին և նրանք, առանց ամենափոքրիկ անգամ վնաս տալու նրան, քաշուեցան մի կողմ:

Այն ժամանակ մարդը մօտեցաւ խարոյկին, բայց ոչ խարներն ափսոսալից պինդ կպած էին իրար, որ անկարելի էր անցնել նրանց միջով: Նա սկսեց մօտենալ կրակին նրանց մէջքերի վրայից անցնելով և ոչ մի ոչխար չը զարթնեց, նոյն իսկ չը շարժուեց»:

Մինչև այդտեղ տատա պատմում էր անընդհատ և ես չէի կտրում նրա խօսքը, բայց այստեղ ես ակամայ հալց տուի:

— Բայց ինչո՞ւ, տատիկ, ոչխարները հանգիստ պառկած մնացին, չէ՞ որ նրանք խիստ վախկոտ կենդանիներ են:

— Սպասիր մի րոպէ և կիմանաս, — ասում է տատա և շարունակում է իւր պատմութիւնը.

«Երբ մարդը քիչ էր մնացել հասնէր խարոյկին, հովիւը բարձրացրեց իւր գլուխը: Դա մի մռայլ ծերունի էր, որ բոլոր մարդկանց վերաբերում էր կասկածանքով ու դժկամակութեամբ: Երբ նա տեսաւ իրեն մօտեցող անծանօթ մարդուն, վերցրեց իւր երկայն ու սրածայր գաւազանը, որ իւր անբաժան ընկերն էր և նետեց նրա վրայ: Գաւազանն աղմուկով թռաւ դէպի անծանօթը, բայց մինչև նրան հասնելը, թեքուեց մի կողմ և առանց նրան դիպչելու, շառաչմամբ ընկաւ գետնի վրայ:

Տատա ցանկանում էր շարունակել, բայց ես նորից ընդհատեցի նրան.

— Ինչո՞ւ գաւազանը չը դիպաւ այն մարդուն:

Բայց տատս, առանց ուշադրութիւն դարձնելու իմ տուած հարցին, շարունակում է իւր պատմութիւնը:

«Այն ժամանակ անծանօթը մօտեցաւ հովուին և ասաց». օգնիր ինձ, բարեկամ, կրակ տուր ինձ: Կինս երեխայ է ծնել... Պէտք է կրակ վառեմ և տաքացնեմ մօրն էլ, երեխային էլ»:

Հովիւը ցանկանում էր մերժել, բայց երբ յիշեց, որ շները չը կարողացան խածնել այդ մարդուն, ոչխարները չը վախեցան նրանից և չը փախան, իսկ գաւազանն էլ չը դիպաւ նրան, նա վախեցաւ և քաջութիւն չունեցաւ մերժելու նրան:

«Վերցրո՞ւ, ինչքան ցանկանում ես, ասաց հովիւը: Բայց խարոյկի կրակն սպառուել էր և ոչ մի կտոր փայտ չէր մնացել այնտեղ, միայն մի քանի կտոր այրուած ածուխներ էին մնացել, իսկ անծանօթը ոչ թի ունէր իւր հետ և ոչ էլ դոյլ, որոնց մէջ կարողանար տանել կրակը:

Տեսնելով այդ, հովիւը կրկնեց. «Վերցրո՞ւ, ինչքան ցանկանում ես» և ուրախանում էր, որ նա անկարող է օգտուել կրակից: Բայց անծանօթը կռացաւ, ձեռներով փորփորեց մոխրի միջից մի քանի ածուխներ և ածեց իւր փեշի մէջ: Եւ ածուխները չէին այրում ոչ նրա ձեռները և ոչ էլ հագուստի փեշերը: Նա տանում էր կրակն այնպէս, որ ասես, դա կրակ չէր, այլ ընկոյզ, կամ խնձոր»:

Այստեղ ես երրորդ անգամ ընդհատեցի տատիս.

— Ինչո՞ւ, տատիկ, կրակը չէր այրում նրան:

— Կիմանաս, կիմանաս, սպասիր, — ասում է տատս և շարունակում.

«Երբ չար ու մռայլ հովիւը տեսաւ այդ բոլորը, շատ զարմացաւ:

Այս ի՞նչ նշանաւոր գիշեր է, որ չար շները չեն խածնում, ոչխարները չեն վախենում, գաւազանը չի սպանում և կրակը չի այրում:

Նա կանգնեցրեց անծանօթ մարդուն և հարցրեց:

— Ի՞նչ է պատահել այս գիշեր: Եւ ինչո՞ւ ամենքն էլ այդպիսի ողորմածութեամբ են վերաբերում քեզ:

— Եթէ դու չես տեսնում, ապա ես չեմ կարող բացատրել քեզ այդ, — պատասխանեց մարդը և շարունակեց իւր ճանապարհը, որպէսզի կրակ վառի շուտով և տաքացնի իւր կնոջն ու երեխային:

Հովիւը վճռեց աչքից չը թողնել նրան և գիտենալ, թէ այդ բոլորն ի՞նչ է նշանակում և գնաց նրա յետևից այնքան, մինչև որ նա հասաւ իւր իջևանը: Եւ տեսաւ հովիւը, որ այդ մարդը խրճիթ անգամ չունէր, իսկ նրա կինը և երեխան պառկած էին դատարկ այրի մէջ, որտեղ ոչինչ չը կար, բացի քարէ մերկ պատերից:

Եւ մտածեց այդ ըոպէին հովիւը, որ խեղճ անմեղ երեխան, շատ կարելի է, սառել է և թէև շատ էլ գթասիրտ մարդ չէր, այսուամենայնիւ նա խղճաց երեխային: Նա վճռեց օգնել նրանց և, հանելով իւր ուսին գցած պայուսակից փափուկ ու սպիտակ մորթին, տուաւ անծանօթին, որպէսզի նա մանկանը դնի այդ մորթու վրայ:

Եւ հէնց այդ ըոպէին, երբ յայտնի դարձաւ, որ նա, այդ քարասիրտ և կոպիտ մարդն էլ կարող է կարեկցութիւն ունենալ դէպի իւր նմանները, — նրա աչքերը բացուեցան և նա տեսաւ այն, ինչ որ չէր կարողանում տեսնել և լսեց այն, ինչ որ չէր կարողանում լսել առաջ:

Նա տեսաւ, որ իւր մօտ, օղակաձև խիտ առ խիտ կանգնած էին արծաթաթև փոքրիկ հրեշտակներ և նրանցից իւրաքանչիւրի ձեռքին կար մի մի տաւիղ և լսում էր, թէ ինչպէս նրանք բարձրաձայն երգում էին այն մասին, որ այդ գիշեր ծնունդ է աշխարհի փրկիչը, որ պիտի սրբէ ու քաւէ մարդկանց մեղքերը:

Եւ այն ժամանակ հասկացաւ հովիւը, թէ ինչու ոչ ոք չը կարողացաւ փնտսել այդ գիշեր անծանօթ մարդուն:

Նայելով չորս կողմը, հովիւը տեսաւ, որ հրեշտակները ամեն տեղն էլ լիքն էին. նրանք նստած էին այրի մէջ, իջնում էին լեռներից, թռչում էին երկնքում, ահա-

գին խմբերով անցնում էին նրանք ճանապարհով, կանգ էին առնում այրի մուտքի առաջ և նայում էին նորածնին:

Եւ ամեն տեղ զգացւում էր ուրախութիւն, լսում էր փառաբանութիւն, երգ և մեղմիկ երաժշտութիւն... Եւ այդ բոլորը տեսնում և լսում էր հովիւը մութ գիշերին, որտեղ առաջ ոչինչ չէր նկատում: Եւ նա անհուն ուրախութիւն զգաց, որ բացուեցան նրա աչքերը և նա ծունկի ջաւ և փառք տուեց տիրոջը:

Այդ խօսքերի վրայ տատս հառաչեց ու ասաց.

— Եթէ կարողանայինք, մենք էլ կը տեսնէինք այն բոլորը, ինչ որ տեսել է հովիւը, որովհետեւ ծննդեան գիշերը հրեշտակները միշտ թռչում են երկնքում:

Եւ տատս, դնելով ձեռքը գլխիս, ասաց.

— Չը մոռանաս այդ... Դա նոյնպէս ճիշտ է, որպէս և այն, որ մենք տեսնում ենք իրար: Բանը մոմերի ու կանթեղների մէջը չէ և ոչ էլ արևի կամ լուսնի, այլ նրանումն է, որ ունենանք աչքեր, որոնք կարողանան տեսնել Տիրոջ մեծութիւնը:

Թարգմ. ԱՐՄԵՆ ՍԱՐԿ. ԵՒ Ն. ՏԷՐ-ՄԱՆՈՒԷԼԵԱՆ

(միւս անգամ)

ՊԱՏՄՈՒԹԻՒՆ ՍԱՍԱՆԵԱՆՑ ¹⁾

ԵՒ

ԻՐԱՆԻ ՆՈՒԱԾՈՒՄԸ ԱՐԱՅԱՑԻՆԵՐԻՑ

(Ա. Կրիմսկու)

Ներսէհի պատերազմները հռովմայեցւոց հետ Գարազա-
շեանը մանրամասնօրէն է լուսաբանում ասելով՝ Ներսէհի առա-
ջին գործն եղաւ յարձակել ի հայս, ուր կը թագաւորէր Թեր-
ևս տակաւին Սրտաւազդ, շիշեայն 'ի Տրեբեղդիոսէ Պողինէ, և
Կարոսի արշաւանէն հետէ հաւանականապէս կը գտնուէր 'ի
բարեկամութեան հռովմայեցւոց: Ներսէհի մօտ էր սկսելու Թրշ-
նամութիւնն ուղղակի ընդ հռովմայեցւոց՝ մինչ Դիոկղետիա-
նոս, որ կը դիտէր զընթացս արեւելից իբր տասը տարիէ հետէ
(284—294), տեսնելով Ներսէհի յանդուգն խորհուրդը՝ որոշեց
ընդդիմանալ նմա պատերազմաւ: Ինքն զալով նստաւ յԱնտիօք,
դիտել 'ի մօտոյ հռոմէական բանակին գործերն: Զօրավար կար-
գեցաւ Գաղերիոս (յետոյ կայսր), որ արդէն նշանաւոր եղած
էր յափունս Եփրատայ: Պատերազմն 'ի սկզբան չեղաւ յաջող
(296): Երիցս յետս մղեցան հռովմայեցիք... Գաղերիոս Մաքսի-
միանոս յառաջնում ճակատուն ընդ Ներսէհի, ընդ մէջ Կադի-
նէկեայ և Խառանու՝ չեղեւ յաջող տո 'ի չղոյէ իմաստութեան
մանաւանդ քան քաջութեան, զի սակաւածեռն զնդաւ էլ ընդ-
դէմ մեծի բազմութեան: 'ի բաց վանեալ 'ի Թշնամեոյն՝ չո-
քաւ առ Դիոկղետիանոս, որոյ հանդիպեալ նմա 'ի ճոնապար-
հին՝ ընկալաւ, ասէն, անարդանօք, մինչև տալ նմա ընթանալ
զբազում հրասախս զկնի իւրոց կառաց: Կայսեր խիստ յանդի-
մանութիւններից զգաստացած՝ Գաղերիոսը նոր զօրքերով ար-
շաւում է Ներսէհի դէմ հայաստանի վրայից և փառաւոր յաղ-

¹⁾ Լուծայ № 1.

Թանակ է տանում Թշնամու վրայ հեռեւեալ կերպով. «Բայց Գաղերիոս անցնելով զԵփրատ 25 հազար զօրօք, փոխանակ զնելու իւր լեզէոններն 'ի վտանգի Միշագետաց բաց դաշտերուն մէջ՝ հորդեց իւր ճանապարհ ընդ մէջ լեռանց հայաստանի, որոյ բնակիչք իսկ և իսկ փութացին 'ի նպաստ նորա: Պարսիկք խորտակեցան չարաչար, և Ներսէս վիրաւորեալ ստիպուեցաւ 'ի փախուստ և ահապարեց խօսել 'ի հաշտութիւն: Դիոկղետիանոս զրաւ զՔովբար (Քափուր) զետ սահման 'ի մէջ երկուց տէրութեանց: Միշագետք որ վաղուց էին ընդ վիճիւ՝ Թողսն հռոմայեցւոց այլ ևս հինգ զաւառօք անդր քան զՏիգրիս: Այս դաշնադրութեան մէջ էր նաև հայաստան, յոր յաւելլաւ Ատրպատական կոմ հիւսիսային արեւմտեան մասն նորա: Թագաւորն Պարսից հրաժարեցաւ վերին իշխանութենէ հայաստանի վրայ, Գաղերիոս առաւ տիպոս «Հայական» (Armeniacus): (Տեա. Գարադ. մ. II. էջ 275—276):

Վերը բերած հատուածից երևում է, որ հայերը ոչ միայն ազատուեցան Պարսից աղղեցութիւնից, այլ և հռոմայեցւոց տուած օգնութեան համար՝ իբր վարձատրութիւն ստացան Ատրպատականի մի մասն և, ինչպէս կը տեսնենք, Քնացին հռոմայեցւոց հովանաւորութեան ներքոյ: Այս ժամանակ հայաստանի Թագաւորն էր Տրդատ III Մեծն, որին, ըստ վկայութեան Աւագ Թանգեղոսի և Մ. Խորենացու, Թագաւոր կարգեց հայոց վրայ Դիոկղետիանոս կայսրը: Թէ ո՞վ էր Տրդատի հայրը, Արտաւազդն, որ լիշուեցաւ վերը, թէ Տրդատ II. արտաքին պատմութեան, ազգային անուամբ Խոսրով, չունիմք ասել ինչ ստուգիւ, թէպէտ վերջին թուի հաւանականագոյն, նկատում է Գարադաշեանը, (տե՛ս Քն. Պատ. մ. III. էջ. 3): Այս Տրդատի ժամանակ քրիստոնէութիւնը տարածուեցաւ հայաստանում, ինչպէս վկայում են, բացի մեր աղգային պատմիչներից, նաև Եւսեբիոսը և Սողոմոնոսը: Սոցանից առաջինը ասում է, թէ հայերը չերմեռանդ աստուածապաշտ էին և պատերազմ ունեցան քրիստոնէութեան համար Ասիայի և Եգիպտոսի տէր՝ Դայա Մաքսիմիանոսի (307—313) հետ, որ ստիպում էր նոցա կռապաշտութեան և չարաչար

յաղթեցին այս բռնաւորին: (Եւս. եկ. պատ. IX. գլ. VIII): Իսկ Սողոմէնոս, որ ժամանակով աւելի մօտ է այս երեւիլ անցքերին, որոնք տեղի ունեցան Հայաստանում, աւանդում է, թէ «սքանչելիք աստուածանշանք եղան 'ի տան թագաւորին (Տրդատի), որ դարձաւ և դարձրեց ևս զաղգն 'ի քրիստոնէութիւն: Սողոմէնոս արդարև տալիս է Տրդատի անունը, բայց չէ յայտնում, թէ ինչ էին այն նշանք, ոչ էլ յիշում է Գրիգոր Լուսաւորչին և հռիփսիմեանց, որոնք ըստ ազգային աւանդութեան զլիաւոր գործիք էին այն դարձին (Գարագ.) Տրդատի մահուան տարին ճիշտ յայտնի չէ, բայց հաւանական է, որ պատահեցաւ Մեծին Կոստանդիանոսի մահից (337) փոքր ինչ յետոյ, և երբ լրացաւ 40 ամեայ խաղաղութեան դաշն (297—337), որ կռել էին Գալերիոս և Ներսէհը, Հայաստանում սկսուեցան յուզմունք: Մեր ազգային պատմութիւնից (Բուզանդ.) զիտենք, որ այդ խռովութիւնները տեղի ունեցան անմիջապէս Տրդատի մահից յետոյ: Արդարև երկու մեծ և հզօր դաշնակից թագաւորների Կոստանդիանոսի և Տրդատի զօրութիւնն ու համբաւն էին, որ զսպում էին ներքին և արտաքին խռովութիւնները (Շապուհ II 310—379): (Գարագաշեան)

Այժմ դառնանք նորից Կրիմսկու Սասանեանց պատմութեան:

Աննշան Որմիդդ II-ից (303—310) յետոյ զահբարձրացաւ Պղէն—Ներսէհ, որին շուտով աւագանին սպանեց նորա խստութեան համար և թագաւոր հռչակեց մանուկ Շապուհ II-ին (310—379), որ քրիստոնէութեան տհաճութեամբ հալածիչն էր և հակառակորդ Մեծին Կոստանդիանոսի և Յուլիանոս Ուրացողի: Շապուհի մանկութեան շնորհիւ սէրութեան գործերը փարում էին փառասէր աւագանին և նորա մայրը: Դա խռովութիւնների ժամանակն էր. թափառական Արաբացիք միջամուխ եղան իրան և նուաճեցին շատ գաւառներ, այնպէս որ, երբ մեծացաւ Շապուհ, իսկոյն արշաւանքներ սկսեց նոցա դէմ և խստիւ պատժեց նոցա, անձամբ ծակելով գերիների ուսերը, որտեղից չուան էր անցնում և քարշ տալիս իւր լեռերից:

Բայց իւր հետևանքներով նշանաւոր իրողութիւնը, որ

կատարուեցաւ Շապուհի մանկութեան օրերում, զա քրիստոնէութեան պաշտօնական յաղթանակն էր կռապաշտութեան առաջ դրացի հռովմէական կայսրութեան մէջ: Սասանական թադաւորութեան մէջ կային նոյնպէս բազմաթիւ քրիստոնեայ հպատակներ, յատկապէս ասորիք, որոնց մօտ IV դարում սկսում է վարդանալ բռնուն քրիստոնէական եռանդ և փառաւոր բարգաւաճում մատենադրութեան. զօր. աշխարհահռչակ եփրեմ Սսորի + 373: Քրիստոնեայ հայաստանը բաւականին ինքնուրոյնութիւն էր վայելում և այդ ժամանակ բոլորովին անկախ էր Պարսկաստանից: Առաջ, երբ հռոմայեցւոց կայսրները հալածում էին քրիստոնէից, Պարսից հպատակ քրիստոնէաները, դաւանութեան ազատութիւն վայելելով, Պարսից հաւատարիմ հպատակներ էին և ոխերիմ թշնամի հռովմայեցւոց: Իսկ այժմ, երբ մեծն Կոստանդիանոսը իւր կայսրութեան մէջ օգնեց քրիստոնէաներին յաղթելու կռապաշտներին, սասանական քրիստոնեայք իւրեանց աչքերը դարձրին հռոմայեցւոց կողմը և դա երևեցաւ հէնց Շապուհի պատերազմի միջոցին (337—338) հռովմայեցւոց դէմ: Հասկանալով ասորոց արամադրութիւնը, նա ստրսափելի հալածանքներ հանեց իւր աէրութեան քրիստոնէից դէմ 339 թուականից, այդ ժամանակ նահատակուեցան բազմաթիւ ասորիք, որոնց Ասորոց գրականութեան մէջ դասեցին սրբոց նահատակաց կարգը, գրուեցան վկայաբանութիւններ և այլն:

Սոյն դէպքում Շապուհը չէր ղեկավարուում մոլեռանդութեամբ. ճշմարիտ է իւր զրադաշտական կրօնին նա վերաբերւում էր յարգանքով և նորա ժամունակ, ինչպէս կարծում են, վերջնականապէս հաստատուեցաւ Զենդ-Ավեստայի մեծագոյն մասի արդեան խմբադրութիւնը, միով բանիւ Շապուհին ցանկալի չէր ոչ թէ քրիստոնէական կրօնը, այլ քրիստոնէից կազմակերպութիւնը և Դիոկղետիանոսի նման նա չէր կարող թող տալ տէրութիւն աէրութեան մէջ, մանաւանդ այնպիսի աէրութեան, որ համախոհ էր զրացի հռովմէական կայսրութեան: Կամենալով քայքայել քրիստոնէութիւնը, նա քանդում էր եկեղեցիներ և հալածում էր եպիսկոպոսներին, քահանաներին, քար-

կոծել տալով նոցա հէնց իրենց հաւատացեալների ձեռքով: Մինչդեռ արքայից արքան առաջնորդուում էր քաղաքական նպատակներով, մոգերը, օգուտ քաղելով առթիւ, հանդէս բերին իւրեանց կրօնական գազանութիւնը, ուստի քրիստոնէից հալածանքները աւելի մռայլ գոյն ստացան: Հալածումը սիստեմաաբար շարունակուում էր, վասն զի հռովմայեցւոց դէմ սկսած պատերազմը տւեց 25 տարի (337—363):

Պարսիկները, ինչպէս վերը յիշուած էր, համաձայն Գաղերիոսի վաշնադրութեան (298 թ.) (Ներսէսի օրերում) հրաժարուել էին Միջագետքից և Հայաստանից: Այժմ Շապուհ 11-րդ պատերազմը սկսեց միջամուխ լինելով Միջագետք 337 թ. Մեծն Կոստանդիանոսը, որի դէմ էին ուղղուած Պարսից պատերազմական դործողութիւնները, չկարողացաւ մասնակցել պատերազմին. իւր զօրքը նա հասցրեց միայն մինչև Նիկոմիդիա և մեռաւ (Մայիսի 22-ին 337 թ.) պատերազմը մրդեց արդէն Կոստանդ: Շապուհին ցանկալի էր զրաւել միջագետքեան պաշտպանուած վայրերը, մանաւանդ ամուր Մծբինը, որ հռովմայեցւոց համար բանալի էր դէպի մայրաքաղաք Տիգրոնը, իսկ Պարսից համար կարող էր ծառայել իբր գեղեցիկ լենարան ոչ միայն պատսպարուելու, այլև յարձակողական յաւաքսարացութեան համար հռովմայեցւոց դէմ. բացի դորանից նոքա ցանկանում էին լետ դարձնել իրանց և այն երկիրը, որ հնուց կռուածադիկ էր և որից քառասուն տարի առաջ Ներսէսը ստիպուած էր հրաժարուել, այն է Հայաստանը: Եթէ Շապուհ երկրորդին երկար ժամանակ չէր յաջողում դրական հետևանքներին հասնել, դորա պատճառը Կոստանդ կայսրը չէր, որ, զուրկ լինելով զինուորական հանճարից, անդադար պարտութիւններ էր կրում, երբ ինքն էր պատերազմի յարդարիչը. դժուարութիւնը կայանում էր նրանում, որ միջագետքեան տնտեսութիւնները և սահմանների պաշտպանութեան սիստեմը կատարելագործութեան էր հասցրած Դիոկղեսիանոսի և Մեծին Կոնստանդիանոսի օրերում: Պատերազմը երբեմն ընդհատուում էր (վասն զի Իրանի վրայ արևելքից արշաւում էին բարբարոսներ) և շարունակուում էր փոփոխակի յաջողութեամբ, սա-

կայն Պարսիկները գրաւեցին քանի մի տեղեր Միջագետքում: Բայց ահա 363 թ. քաջարի և փառասէր Յուլիանոս Ուրացոյ կայսրը վճռեց հետեւել Տրայանոսի, Սեպտիմէոս Սևերոսի, Կարոսի օրինակին և խաղալ ուղղակի Իրանի մայրաքաղաք Տիգրոնի վերայ: Դուրս գալով Անտիոքից, Յուլիանոս Ուրացոյը շուտափոյթ և անեղ զօրութեամբ, հրով ու սրով, ճիշտ բարբարոսական աւերածութեամբ անցաւ Եփրատի ափերով Միջագետքը և ապա յառաջացաւ դէպի Սելեկիա Տիգրիսի վերայ, որի հանդէպ դետի միւս ափին կանգնած էր Տիգրոնը: Համոզուելով թէ անհնար էր տիրել այդ ամրութեան, Յուլիանոս Ուրացոյը չետ դարձաւ դետի ձախ ափերով: Յետ նահանջուելու միջոցին Պարսից զօրքերը մեծ կորուստներ էին պատճառուած նորան, վրահասնելով և կռուի բռնուելով. 'ի հարկէ, Յուլիանոսին կ'աջողէր իւր զինուորներին ողջ և առողջ հասցնել մինչև Հռովմայեցւոց սահմանները, բայց մի նակատամարտում պատահաբար նա կարեւոր խոցուեցաւ (Յունիսի 26-ին 363 թ): Իբրեւ փիլիսոփայ և դից հաւատացող մարդ, Յուլիանոս խաղաղութեամբ ընդունեց մահը «իբրեւ մեծադոյն պարզ և բարի մարդոց երկնային աստուածներից և ողորմութիւն, որ նորա ուղարկում են կեանքի դժուարութիւնների մէջ»: Բայց զօրքի համար նորա մահը դժբախտութիւն էր: Զօրքից ընտրուած Յովիանոս շատ աջաջող կերպով վարեց պատերազմը և բանակցութիւնները. կայացած զաշնադրութեան զօրութեամբ Միջագետքը և փոքր Հայոց մի մասն չեաւ տրուեցան Պարսից, ընդմին նաև ամուր Մծբինը, քանի մի ամրացրած բերդերով. հետեւեալ պատերազմների ժամանակ Մծբինի տիրապետութիւնը մեծ գերակշռութիւն ընծայեց Պարսից Հռովմայեցւոց առաջ: Գալով Հայաստանին պէտք է ասել, որ Հռովմայեցիք պարտաւորուեցան չօգնել Հայոց և Շապուհի ձեռքը մատնեցին Արշակ Թադաւորին: Սակայն լեռնոտ Հայաստանը իւր բնակիչներով, որոնց մէջ քրիստոնէից թիւը պակաս չէր զրադաշտականների թուից, չէր կարող սերտ կապուած փալ Սասանեանց Թադաւորութեան հետ և ձգտում էր դէպի Հռովմայեցիներն, որոնք սկսան աշակցել Պապին, զերութիւնից փախած Արշակի որ-

դուն: (Գրիգոր Լուսաւորչի գործունէութիւնը սկսւում է 294 թ. Տրդատ Թագաւորի և Հայաստանի 302 թ. Լուսաւորչի մահը 331 թուականից յետոյ): Վերջին խօսքերը Ս. Լուսաւորչի գործունէութեան մասին պրօֆ. Կրիմսկի տւելացնում է Շապուհի II Պատմութեան վերջը, իբրեւ ժանօթութիւն, անշուշտ, գերմանական աղբիւրներից: Այդ ծանրակշիռ ինդրի մասին մեր աղգային պատմիչներից ունենք անհամեմատ լիակատար տեղեկութիւններ, քան մի օտարական գիտնական կարող էր հաղորդել. մեզ համար աւելի թանգ է նորա մի այլ անսարկուծիւնը, թէ Արշակ Թագաւորի ժամանակ Հայաստանի բնակչութեան կէս մասը արգէն քրիստոնեայ էր, ուրեմն բոլորը չէր տակաւին լուսաւորուած քրիստոնէական լուսով. կային գեռւս զրադաշտական կրօնը զաւանդներ: Եւ հաւանական է կարծել, որ կռապաշտութիւնը յարատեւած պիտի լինի Հայաստանի հարաւ — արեւելեան նահանգներում, ուր աւելի զօրեղ էր Պարսից աղգեցութիւնը մաղպեղանց օրէնքով հանդերձ: Այդ մասին ակնարկներ պակաս չեն մեր հնագոյն հեղինակների մօտ. արդարեւ ո՞ք են այն բաղձաթիւ ուրացողները, որոնց մասին յիշում են Փաւստոս Բուզանդը, Եղիշէ, Փարպեցին, եթէ ոչ կռապաշտներ. ըստ Կորիւնի Մեսրոպը անձամբ գնում է քրիստոնէութիւն քարոզելու Գողթան զաւառը, Սիւնիք, Մարաց կողմերը և այլն: Հասկանալի բան է, որ Մեծին Տրդատի մի հրամանով ամբողջ Հայաստանը չէր կարող քրիստոնէութիւն ընդունել, քանի որ այնտեղ աւատական կաղձակերպութիւն էր և ոչ միապետական, ուրեմն, Թագաւորի կամքը օրէնք չէր երկրի բոլոր բնակիչների համար, որոնք զանազան իշխանների ճորտեր էին և շատ անգամ ամենևին էլ չէին ճանաչում Հայոց Թագաւորին: Կրկնում եմ, ամբողջ Հայաստանը քրիստոնէական լուսով լուսաւորելու համար հարկաւոր էին դարեր:

Բայց դառնանք մեր պատմութեան թելին և տեսնենք թէ ի՞նչ Թագաւորներ կառավարում էին Հայաստանում Շապուհի II (310—379) ժամանակ: Տրդատ III Մեծն*) 26 տարի ապրեց Շապուհի օրերում և մեռաւ, ըստ Գարազաշեանի, 336

*) Թագաւոր հաստատուեց Դիոկղետիանոս կայսրից 297 թ.

Թուին. Խոսքով Կոստակ 336—343. Տիրան 343—353, որ ոչ մի կերպ չէր կարող յափշտակուել Ասորպատականի մարդպան Վարազ Շապուհից և գերի վարուել Պարսից Ներսէն *) (293—303) Թադաւորի մօտ, ինչպէս պատմում է միամիտ Բուզանդը (տէս դպր. դ. զլ. ի. Ս. Պետերբուրգ 1883 թ)։ Շատ հաւանական է, որ Շապուհ կամենալով շահել Տիրանին, որ նա ձեռնտու չլինի չռովմայեցւոց, հրաւիրեց նորան իւր մօտ. սա էլ տեսնելով նոցա (չռովմի) Թուլութիւնը, բանակցութեան մէջ մտաւ Շապուհի հետ, և յօժարակամ ճանապարհորդեց Պարսկաստան, ապա թէ ոչ, ո՞վ կ'իշխէր, որ մի որեւէ Վարազ Շապուհ սակաւութիւ գնդով մտնէր Հայաստան և անպատիժ գողանար Հայոց Թադաւորին։ Հակառակ միջազգային իրաւանց Շապուհը կարողացած է, զուգէ, փոքր ինչ երկար պահել Տիրանին իւր մօտ, բայց Կոստանդ կայսրից պարտութիւն կրելով, ազատել է Հայոց Թադաւորին և մեծ պատուով ու փառքով արձակել նորան իւր ընտանիքով Հայաստան, ուր, Բուզանդի վկայութեամբ, նորա (Տիրանի) որդի Արշակ (353—368) երկու Թադաւորների հաճութեամբ, Կոստանդ կայսեր և Շապուհի, Թադաւոր հաստատուեց իւր հօր տեղ։ Սակայն Պարսից արքայից արքան միշտ հետամուտ էր Հայաստանը նուաճելու, և Արշակի դուրսիւնը երկու հզօր տէրութեանց մէջ չափազանց դժուար էր ու ծանր։ Կոստանդ կայսրը, ինչպէս տեսանք Կրիմսկուց, համարեա անխաղաղ պարտութիւն էր կրում պարսիկներից և Արշակ, տեսնելով Յունաց Թուլութիւնը, օգնում էր, ըստ Բուզանդի, Շապուհին և մինչև անգամ չարաչար շարիւղեց Հռովմայեցւոց զօրքը Մծբնի մօտ, որով շատ ուրախութիւն և զարմանք պատճառեց Պարսից Թադաւորին։ Իսկ Յուլիանոս Ուրացոյի արշաւանքին դէպի Պարսկաստան, Արշակը իբրեւ նորա դաշնակից, կուռւմ էր Պարսից դէմ, ինչպէս վկայում է Ամմիան Մարկելին։ Յուլիանոս Ուրացոյի մահից, երբ կայսր հռչակուեց Յովիանոս, սա, նեղն ընկած՝ Հռովմայեցւոց անուան համար անպատուութեբը դաշնադրութիւն կապեց Պարսից հետ, որի զօրութեամբ հրաժարուելով Միշա-

*) Ներսէն չէր Թադաւոր աշն միջոցին, այլ Շապուհ II-դը։

գեաքից, պարտաւորուեց ձեռնթափ մնալ չայերից, «Թէ կարասցես չաղթել նոցա, ասէ, և արկանել 'ի ծառայութիւն, ես 'ի Թիկունս ոչ եկից նոցա» (Բուգ. դպ. IV. գլ. XXI): Սակայն մեր Բուզանդի այս խօսքերը չեն հաշուում Ամմիանի աւանդածի հետ, որից երևում է, որ «Յովիանի դաշանց այն մասին մէջ, որ կը վերաբերէր չայոց՝ կար պայման թողուլ զչայս ուրոյն իշխանութիւն կամ թագաւորութիւն, առանց շանսոյ նուաճել զայն իսպառ ընդ ձեռամբ Պարսից», գրում է Գորադաշեան և շարունակում է՝ «Շապուհ արքայ Պարսից... լետ մահուան Յուլիանու և ամօթալի դաշանցն առժամանակ մի պահեալ զմիաբանութիւնն ընդ մեզ՝ (Նովմայեցիա) տալալանկարծ, որպէս թէ չէր ամենեւին ընդ պարտուք, առ ուն հարեալ զուխան որ առ Յովիանու՝ լինէր ձեռներէց արկանել զչայս իսպառ ընդ իւրով իշխանութեամբ (Ամմ. Իէ. 12): Արշակ անմիշապէս (1364 թ.) պատգամաւորութիւն ուղարկեց Վաղէս կայսեր մօտ և օգնութիւն խնդրեց Շապուհի դէմ: Բայց այդ պատգամաւորութիւնը անյաջող անցաւ նախ՝ այն պատճառով, որ Յովիանոսի դաշնադրութիւնը դեռ նոր էր. երկրորդ՝ որ Վաղէսը զբաղուած էր արեւմուտքում ապստամբութիւնը ընկճելով: Անօգնական Թագաւոր չայերը չորս տարուց աւելի Վասակ Մամիկոնեան սպարապետի առաջնորդութեամբ բուռն կերպով դիմադրեցին Պարսից, մինչև որ հայ նախարարները և իշխանները, ծանծրացած անընդհատ պատերազմներից, թողին Արշակին ու քաշուեցան իրանց երկիրները, իսկ ոմանք անցան Շապուհի կողմը և այսպէս չայոց լքեալ թագաւորը իւր հաւատարիմ Վասակ սպարապետի հետ անձնատուր եղաւ Պարսից և էլ չտեսաւ իւր թշուառ հայրենիքը (368):

Նոյն տարին իւրեանց երկրին ու կրօնին հաւատարիմ մրնացած չայոց նախարարները կրկին պատգամաւորութիւն ուղարկեցին Վաղէսի մօտ Վասակի քաջ որդի՝ Մուշեղ Մամիկոնեանի ղլխաւորութեամբ և խնդրեցին թագաւորեցնել չայաստանում Արշակի որդի Պապին, որ պատանդ էր կայսեր մօտ և որի մասին Բուզանդը՝ յոժ տալով իւր ոչ սրամիտ երեւակայութեան, շատ անհամ և տաղաւալի գառանցանքներ է պատմում:

Ամսիանը, ընդհակառակն, շատ լաւ գոյներով է նկարագրուած երիտասարդ Թագաւորին: Պապ (368—373) իւր խելացի պերտական կարգադրութիւններ շնորհիւ առիթ է ընծայում իւշերքին և արտաքին Թշնամիներին գրողելու նորա գէտ կոսկածոտ Վաղէս կայսեր բարկութիւնը, որ կանչել է տալիս Հայոց Թագաւորին Տարսոն և այնտեղ գերի պահում: Պապ, որ մինչև իւր եղբրական մահը հաւտտարիմ մնաց Նոովմայեցւոց, մի կերպ փախչում է Հայաստան, ուր ժողովուրդը ցնծալից ուրախութեամբ ընդունում է իւր բնիկ Թագաւորին:

Սակայն Վաղէս, երկիւղ կրելով, թէ մի գուցէ Պապը այս գէպքից յետոյ Շապուհի կողմը անցնի, ծածուկ հրաման է ուղարկում իւր զործակալ Տրայիանոսին Հայաստան՝ սպանել Պապին: Շուտով հրամանը կատարւում է մի հանդիսաւոր խննդոյ միջոցին, որ տրուած էր ի պատիւ Հայոց Թագաւորի, որի սպանումից յետոյ Վարազդատն է նշանակւում Յունաց կողմից: Երեք տարուց յետոյ Մուշեղ սպարապետի յաջորդ Մանուէլ արտաքսում է Վարազդատին երկրից և եօթը տարու չափ 377—383 ինքնօրէն խնամում է Հայաստանը, յաճախ պատերազմելով Պարսից գէտ, մինչև իւր մահը:*) Շապուհի առաջարկութիւնը Յունաց, բաժանել Հայաստանը իրանց մէջ՝ վերջ գնելու համար անընդհատ պատերազմների՝ Վաղէս մերժում է: Շապուհի մահուամբ 379 թուին խնդիրը Հայաստանի բաժանման մասին առկախ է մնում:

«Շապուհի II-րդի յաջորդ ժերունի Արտաշէր երկրորդը (379—383), որ իւր նախորդի օրերում քրիստոնէաներին խստիւ հալածում էր, դա՛ն բարձրանալով դադարեցրեց հալածանքները՝ արևելեան անփութութիւնից զրդուած, թէ՛ այլ պատճառներից, յայտնի չէ, ասում է Կրիմսկին: Այս ժերունուն Թագաւոր հռչակեց զրան աւագանին, ըստ երևոյթին, նոյն զիտաւորութեամբ, որով զա՛ն էր բաղմեցրել մանուկ Շապուհին, այն է՝ հլու զործիք լինել աւագանու ձեռքում:

*) Անկախ Հայաստանը նաև Հոովմայեցիներից, որոնք զբաղուած էին արևմուտքում գոթական պատերազմներով: Գարագաշեան քննակ. պատ. մ. III. էջ. 161.

Բայց երբ Արտաշիր II սկսեց հակառակ գնալ մեծամեծներին, կոտորելով նոցանից մի քանիսին, զրկուեց զահից: Եղերական մահուամբ մեռաւ աւագանու ձեռքից նաև նորայաջորդ Շապուհ III-ըր (383—388) նոյն մեծամեծների կողմից ուղարկուած սպանչից, հաւանական է կարծել, կորաւ և Վռամ IV դ Կրմանշահը (383—399): Շապուհ III և Վռամ IV աշխատում էին խաղաղութեան դաշն կապել Հռովմայեցւոց հետ: Պարսից և Հռովմայեցւոց մէջ (Թէոփոս Մեծի) դաշնադրութիւն կայացաւ, որի զօրութեամբ 390 թ. Հայաստանը երկու մասերի բաժանուեցաւ. մեծագոյնը բաժինհասաւ Իրանին, փոքրւոյնը Հռովմայեցւոց կայսրութեան: Այս բաժանումը, առհասարակ, պահպանուեց մինչև Արաբացւոց ժամանակը, թէև, ինչպէս կտեսնենք սաորև երբեմն ծագում էին բարդութիւններ: Կ'իշեմ նաև շարունակում է ռուս գիտնականը, որ այն միշոյին, երբ Վռամ IV-ըր թագաւորում էր Իրանում, տեղի ունեցաւ Հռովմայեցւոց կայսրութեան բաժանումը 395 թ. արեմաեանի (Հոնորիոս) և արևելեանի (Արկադիոս) հանդիպելով այնուհետև «Հռովմ» և Հռովմայեցիք «աւերմիւններին, պիտի հասկանաք, որ բանը Բիւզանդիայի և Բիւզանդացւոց մասին է»: Այժմ դառնանք մեր տոհմային պատմիչներին: Ըստ Փ. Բուզանդի (գլ. V. դ. 44-ը) Մանուէլ սպարապետը իւր Վարդանդուխտ դուստրը կնութեան է տալիս արքայադն Արշակին իսկ նորա եղբոր Վաղարշակին ամուսնացնում է բազրատունեաց ասպետի դստեր և փառաւոր հարսանիք է կատարում Կարինում ի ներկայութեան բոլոր նախարարների, իշխանների, հոգևորական զասի: Նոյն քաջ Մանուէլ Մամիկոնեանը Հայոց զօրքի սպարապետութիւնը յանձնում է իւր որդի Արտաշրին պատուիրելով նորան հաւատարիմ հպատակութեամբ ծառայել նոր թագաւոր Արշակին, ինչպէս Մամիկոնեանները առհասարակ ծառայել են իւրեանց բնիկ Արշակունի թագաւորներին և այլն: Մահից առաջ, այն է 383 թ. Մանուէլ յանձնում է Արշակ թագաւորին և Հայաստանը Յունաց կայսեր Թէոփոս մեծի հովանաւորութեան և ինքը մեռնում է խաղաղութեամբ: Այդ պատմական ծանրակշիռ իրողութիւնը-դիմումը Մանուէլի Յու-

նաց, արդէն բաւական էր գծաութիւն յարուցանելու երկու մըր-
ցակից պետութիւնների մէջ և իզուր Բուզանդը մեղադրում
է Հայոց նախարարներին, թէ դոքա չէին կամենում ճանաչել
Արշակի թագաւորութիւնը, զնացին Պարսից զուռը և խնդ-
րեցին իւրեանց համար այլ թագաւոր. (դպր. IV. 1.) Երկու
պետութիւնների բանակցութիւնը, ինչպէս տեսանք, վերջացան
Հայաստանի բաժանմամբ երկու անհաւասար մասերի: Արե-
մտեան փոքր մասում թագաւորեց Արշակ Պապի որդին. իսկ
մեծ Հայաստանում Խոսրով Արշակունին. բանակցութիւնները
Յունաց հետ սկսել էր Շապուհ II-ը. (383—388), բայց վեր-
ջացրեց Վռամ IV-ը (388—399) և բաժանումը տեղի ունե-
ցաւ, ըստ Կրիմսկու, 390 թ. Երբ Շապուհ III-ը արդէն մե-
ռած էր:

Այսպիսի անհաւասար բաժանման պատճառը Գարադա-
շեանը այսպէս է բացատրում: Լաւ աշխարհացոյց մը բաւական
է ցուցնել մեզ պատճառը: Հռոմայեցիք, ռազմագէտ ժողովուրդ՝
չնայեցան այն բաժնին փոքրկութեան, քանզի թէպէտ փոքր էր
ստիպյն կարեւոր, վասն զի ունէր զԾովս (Զորորդ Հայք), զոր
կարգեցին և ամրացուցին հետգհեաէ կայսերք, մանաւանդ Յուս-
տինիանոս, ընդ որ էր մուշ 'ի Միշադեա, մանաւանդ թէ էր
իսկ Միշադեաք կամ Միշադեաք Ասորւոց (տե՛ս Քնն. պատմ. մ.
III. էջ. 184—185): Գարադաշեանը Հայաստանի բաժանումը
դնում է 384 թ. ուրեմն, վեց տարի առաջ Կրիմսկուց,
որ տւելի ընդունելի է համարւում մեզ տոհմային պատմիչների
տեսակէտից: Արշակի մահից յետոյ 386 թ. արեւմտեան Հայքը
բիւզանդական կայսրութեան նահանգ դարձաւ և էլ հայ թա-
գաւոր չունեցաւ: Մեծ Հայքում թագաւորում էր Խոսրով 385
—391 թ. սորան թագաւոր էր կարգել Վռամ IV Կրմանշահը,
որ յետոյ զրկելով Խոսրովին գահից, կանչեց Պարսկաստան և
Անուշ բերւում բանտարկեց և տեղը նշանակեց նորա եղբոր
Վռամշապուհին 391—414 թ.: Գարադաշեանը շփոթում է
Վռամ IV-ին Վռամ III (293 թ.) հետ, որ մի տարի էլ չմնաց
գահի վրայ: Վռամշապուհը, ինչպէս երևում է, իւր խելացի
քաղաքականութեամբ կարողացաւ վայելել թէ Պարսից և թէ

Յունաց մեծարանքը և երբ Միջագետքում գժտութիւններ ծագեցան, Պարսից և Յունաց մէջ, Վռամ IV առաջարկեց մեր թագաւորին գնալ իջնել Միջագետք և խաղաղացնել խռովութիւնները: Վռամ շապուհի այնտեղ զնալն առիթ տուեց Հայոց նշանադրերի գիւտին, որից յետոյ Սահակ և Մեսրոպ իւրեանց աշակերտների աշակցութեամբ ձեռնամուխ եղան սուրբ գրքի թարգմանութեան և սկիզբն դրին Հայոց հին մատենագրութեան զարգացմանը: Մեր առհմային գրականութեան մշակութեան դործում Վռամ շապուհ պանծալի մեկենաս հանդիսանալով, անմահ անուն թողեց հայոց պատմութեան էջերում: Նորա մահից յետոյ մի տարու չափ կրկին թագաւորեց Անուշ բերդից արծակուած Խոսրով III. (415 թ):

Դառնանք նորից պ. Կրիմսկու Սասանեանց պատմութեան: «Խաղաղասէր յարաբերութիւնները Հռովմայեցւոց, այն է Բիւզանդացւոց հետ, շարունակուած էին հետեւեալ Յագկերս I-ի (399—420) ժամանակ, որ մեծ տհաճութիւն էր պատճառում Պարսից դրան պատերազմասէր աւագանուն. վերջինս, սակայն, ունէր շատ ուրիշ առիթներ զժկամակելու, փասն զի Յագկերս I հռչակուած Հռովմայեցւոց աչքում իւր վեհամեծնութեան և սղնուութեան համար (Պրոկրպիոս Bellum Persicum, 14), խստութեամբ էր վերաբերում պարսկական աւագանուն և վճռեց ոչնչացնել նորա ազգեցութիւնը: Նա որոշեց նոյնպէս թուլացնել զրադաշտական մոգութեան քաղաքական զօրութիւնը և այդ նպատակով հովանաւորում էր իւր քրիստոնէայ հպատակներին: Հայաստանին նա տուեց նոր աւատական թագաւոր (փոխանակ նոցա նախկին Արշակունեաց, 416.) յանձին իւր որդի Շապուհի, որ համբերող էր քրիստոնէութեան *) և Մնացեալ, քրիստոնէից ստուար բազմութիւնը Պարսկաստանում Արամեցիք կամ Ասորիք էին: 410 թ. Տիգրանում նոցա ժողո-

*) Հայոց մօտ այդ ժամանակ քրիստոնէութիւնը արդէն շատ հաստատուն էր. դեռ ևս 397 թ. Մեսրոպ հնարեց Հայոց նշանադրերը և սկսուեց Աստուածաշունչ գրոց թարգմանութիւնը հայերէն (434 թ.) թարգմանութիւնը վաւերացրած էր Հայոց հոգևորականաց ժողովում: Կրիմսկի:

վր կայացաւ, ուր նոցա եկեղեցին Պարսկաստանում պաշտօնական կազմակերպութիւն ստացաւ. բայց այդ եկեղեցին, բնականաբար ինքնուրոյն պիտի լինէր, անկախ Կ. Պօլսի պատրիարքից և հռովմայ պապից, վասնզի այդպիսի կախումը Պարսից թագաւորները չէին կարող թոյլ տալ քաղաքական տեսակէտից: Ըշմարիտ է, երբ հարկը պահանջում էր խիստ լինել քրիստոնէից վերաբերութեամբ, Յազկերտը զորան էլ ընդունակ էր, զօր. ստատիկ պատիժը, որին ենթարկուեց Սուղիանայում Աբլա եպիսկոպոսը, ՚ի վարս սրբոց քրիստոնէից նշանակուած է իբրև դարագլուխ նոր հալածանքների. բայց առհասարակ քրիստոնէից դուրսիւնը Յազկերտ I-ի օրերում վատ չէր: Ստորոց եկեղեցու գլուխը (կաթողիկոսը) Յազկերտ I ի բարեկամութիւնն էր վայելում և թագաւորը ուղարկում էր նորան իբրև դեսպան Բիւզանդիոն (408 թ. բարեկամական դաշն կապուեցաւ Բիւզանդիոնի հետ, որի զօրութեամբ Յազկերտ I խոստացաւ ապահովել Արկադիոսի մանուկ որդի (Թէոդոս II-դի գահը). քրիստոնէայ կաթողիկոսին էր յանձնուած դեսպան ներկայանալ թագաւորի ու նորա եղբօր հաշտեցնելու բանակցութիւնների մէջ: Ինչպէս զրադաշտական մոգերը, այնպէս և ազնուականութիւնը ասում էին Յազկերտ I-ին և երբ 420 թ. նա դռնուում էր հեռաւոր Կադրեան նահանգ Գիրկանիայում, յանկարծ անհետ կորաւ, ժողովրդին յայանեցին, թէ Պարսից զայրացած աստուածը պատուհասել է յանցաւոր թագաւորին *):

Դրան աւագանին վճռել էր դահ բարձրացնել ոչ թէ տուելի Յազկերտի զաւակներից մէկին, այլ նորա հեռաւոր ազգականներից ընտրել թագաւոր: Սակայն զորան հակառակեց սպանուած արքայի որդին Վառս V գուռ, որ դիմեց աւատակուն Հիրայի Արաբացւոց օգնութեան, որոնց մօտ նա հօրից փախչելով, ապաւինել էր: Հիրայի իշխան Մինդրուր I իւր արաբա-

*) Եղիշէի պատմութեան հեղինակը ասում է՝ «յիշեցուցանեմք քեզ զժամանակն Շապհոյ արքայից արքայի, որ էր հայր հաւուն քո Յազկերտի. հարքն մեր. բազում անգամ ինման է մեծապարգևը ելանէին»: Այս խօսքերը աւելի կվայելէին Յազկերտ I-ին, քան Շապուհ II-ին, որ Արշակին սպանեց: Մ. Շ:

կան հրոսակներով արշաւեց Տիգրոնի վրայ և գահը հասցրեց Վրոսամ V-ին (420—438): Սակայն, սա, գահ բազմելով՝ խոտաղաւ կառավարել ոչ իբրեւ իւր հայրը, այլ ըստ հին օրինակի, հաւանութեամբ մեծամեծների և ծոյերին:

Պարսկական աւանդութիւնը Վրոսամ V-ին դարձրել է իւր սիրելի դիւցազնը, սիրային արկածների քաջարի հերոս, աշխարհի տիեզերակալ և այլն. Փիրդոուսի և նորանից չետոյ Նիգամի և դոցա կրտսեր՝ պարսկական և տառնական հետևողները փառաբանում էին Վրոսամին իւրեանց բանաստեղծութիւնների մէջ. բայց իրօք նա միայն զուարեամէր և իգամոյ ծարօ էր, զուրկ հաստատուն կամքից և գործելով ի հաճոյս հոգևորականութեան և աւագանու, կատարեց մի շարք անխոհեմ քայլեր: Տէրութեան մէջ քրիստոնէայք կրկին ենթարկուեցան հալածանքների, իսկ Իրանից դուրս պատերազմ ծաղեց Բիւզանդիոնի հետ (Թէոդոս փոքրի դէմ 408—450): Պարսից օգնում էր Մինդրոս I, որ մտադիր էր իւր զօրքերով տիրել Ասորիքին: Կարճ պատերազմը Բիւզանդիոնի հետ շատ ծանր եղաւ. միևնոյն ժամանակն էլ պետութեան արևելեան սահմաններին սպառնում էին Սպիտակ Հոնք (Քուշանք), որոնք տիրում էին Բալտիկային և Սոգդիանային. բացի դորանից աւատական հայաստանն էլ ծգտում էր անկախութիւն ձեռք բերել: Այդ հանդամանքները հարկադրեցին Պարսից անմիջապէս 422 թ. խաղաղութեան դաշն կապել Թէոդոս II-ի հետ. — նոքապարտաւորուեցան չհալածել Պարսկաստանում քրիստոնէից. իսկ Բիւզանդացիք — չհալածել զրադաշտականներին և մերժել այն Արաբացիներին, որոնք կկամէնային որոնել նոցա հովանաւորութիւնը փոխանակ շահին. բացի դորանից Բիւզանդացիք պարտաւորուեցան ամենայն տարի մի որոշ գումար վճարել Պարսից Ալանաց Դրան (Дарьяльское ущелье) պահպանութեան համար, որտեղից կարող էին ներս խուժել բարբարոս ազգեր, վտանգաւոր երկու պետութիւնների համար ևս, այս պայմանը սակայն առիթ էր ընծայում չետոյ նորանոր թիւրիմացութիւնների, որովհետև Պարսիկները, որպէս և Բիւզանդացիք այսպիսի հարկի վճարումը անպատուաբեր էին համարում Բիւզանդացւոյ համար:

Մ. ՅՈՎԵԱՆ

(շար. 44ինի)

*
* *

Բաղի միջին ման եմ գալիս,
Շաղի միջին ջան եմ տալիս,
Գարնան ծաղիկ, ալուան ծաղիկ
Ծոցս լցնում, բոյր եմ ծծում:

Ա՛յ վարդ, բացուի՛ր, սիրով լցուի՛ր.
Սէր-կրակով ինձ դադեցիր...
Ետաւք, սրտիս բոց-կրակին
Մի հար չունե՞ս, վարդ իմ անգին...

ՅԱՐՈՒԹՅՈՒՆ ՊԵՏՐՈՍԵԱՆ

Տ. ԹԵՈՂՈՐՈՍ Բ. ԿԻԼԻԿԵՑԻ

189. Սսոյ առումէն յետոյ, թէպէտ քաղաքը աւերեցաւ, բայց հիմնայատակ չքանդուեցաւ. և ոչ միայն կաթողիկոսարանը մնաց, այլ և Սիս, Եգիպտացւոց իշխանութեան ներքև տեղական կառավարութիւն ունեցաւ որուն իբր գլուխ կը յիշուին, նախ Եաղուպ Շահ, յետոյ Աքպուղա կամ Կիւմիւշպուղա, և ապա Մէլիք Էօմէր: Արդէն ծանօթ է մեզ ոստիկաններու ժամանակէն, թէ մամէտական պետութեանց կուսակալները բացարձակ տեղական կառավարողներ էին, որ զերազոյն իշխանութեան հպատակութիւնը ճանչնալէ և հարկը տալէ զատ կապ մը չունէին սուլտաններու հետ. Երբ Կիլիկիա Եգիպտացւոց ձեռքն անցաւ (1375), բուն հայկական զաւառներն ալ արդէն անոնց իշխանութեան ներքև էին խալիֆայութիւն կատարեալ արաբական կերպարան ունէր Պադուսաթի մէջ, այլ Մողոլներուն ձեռքն անցնելէն ետքը ամենայն ինչ խառնիխռն դարձաւ, և զանազան երկիրներու մէջ մասնաւոր տիրապետներ ինքնագլուխ կ'իշխէին, թէպէտ հաստատուն շարունակութիւն և կարգաւորեալ բաժանում չունէին:

190. Պօղոս Ա. կաթողիկոսին յաջորդեց Թէոդորոս Բ. որուն նախընթացին վրայ բնաւ տեղեկութիւն չեմք գտներ, բայց տագնապալից ժամանակին պարագաներուն յենլով կրնանք հետևցնել, թէ Սսոյ մերձաւոր վիճակներուն եպիսկոպոսներէն էր: Թէոդորոսի կաթողիկոսութեան ութը տարի կուտայ Դավրիժեցին (Առաք. 336) բայց ցուցակին թուականներուն և ուրիշ յիշատակներու նայելով, պէտք կ'ըլլայ աւելի երկարել անոր ժամանակը արդէն սովորական ցուցակներն ալ այնպէս կը ցուցնեն: Մեծ գործ մը կար Թէոդորոսի առջև, այն է, նոր ձև և նոր կերպարան մը տալ կաթողիկոսութեան, և նոր յարաբերութեանց ձևեր որոշել նոր տիրապետութեան հետ, բայց մեզի որոշ տեղեկութիւններ հասած չեն: Իւր եղբրական մահը կը ցուցնէ, թէ աննշանակ չանցան իւր օրերը, և գուցէ նոր կարգադրութեանց պատճառաւ հակառակորդներ ունեցաւ. և կենաց վտանգի հանդիպե-

ցաւ: Թէոդորոսի սպանութիւնը տեղի ունեցաւ Սսոյ ամիրային ձեռքով, զոր հին պատմիչ մը Մելիք Էօմէլ կ'անուանէ, և կը յիշատակէ թէ տաճնուվեց տանուտէրներ ևս միատեղ սպանուեցան (ւ եծով. 11): Բայց ուրիշ յիշատակագիր մը Մելիք Էօմէրի նախորդին կուտայ այդ սպանութիւնը (Սիսուան 542): Թէոդորոսի սպանութեան տարին, զանազան յիշատակները մերձեցնելով, պէտք է դնել 1392-ին, որով իբր 15 տարի պաշտօն վարած կը լինի: Մեծօրոսի Թէոդորոսի սպանութիւնը յիշելով, քրիստոնէից նահապետներէն կը վերագրէ զայն, որ ժամանակին սովորական ոճով Հատիններու վրայ կը մեկնուի, և լատինամոլ անձանց քսութեանց հետեանք եղած կ'ըլլայ կաթողիկոսին եղբրական վախճանը: Աւելի ծանօթութիւն չունինք Թէոդորոս Բ-ի գործերուն վրայ:

191. Եւրբ բաւական երկար միջոց մը Կիլիկիոյ կաթողիկոսարանին շուրջը յիշատակաց արժանի դէմքեր և դէպքեր կը պակսին, Արեւելեան գաւառներ երջանիկ յիշատակաց արժանի անձնաւորութիւններ երևան կը հանեն, որք կը փայլեն ունիթորական շարժումին դէմ ազդու դիմադրութիւն կազմելով: Յակոբ Բ. կաթողիկոսի վերջին տարիները յիշեցինք Հայ Ունիթորական միաբանութեան կատարելապէս Հատին Դոմինիկեանց հետ ձուլուելը, և Զահկեցի Թովմայի հպիսկոպոս, ու Ելիւթերիոսի մեծաւոր ընտրուելը (1356): Թովմայի ու Ելիւթերիոսի անմիջական յաջորդներուն անունները մեզի չեն հասած, և Զահկեցւոց միաբանութեան ու հասարակութեան շարժումները պահ մը կը հանդարտին և իրենց վրայ խօսել չեն տար, մինչև Ճազարակեր Կարապետի օրը, որ ժամանակին մեծաւորը եղած կ'երեի: Սորա գլխաւորութեամբ Զահկեցի ունիթորները նորէն հրապարակ կը նետուին, և վիճաբանութեանց կը սկսին, մուրացածոյ փաստերով և իմաստակ դարձուածներով քարոզներ կը խօսեն, և այն զեղծումները, զորս ունիթորութեան սկիզբները տեսանք, վերստին գործածութեան կը մտնեն: Նորէն կը սկսեն կրկին մկրտել և կրկին ձեռնադրել, Հայոց ծէսերն ու սովորութիւնները ծաղրել, դաւանութիւնն ու կանոնները անարգել, խիղճերը շփոթել և երկպառակութիւններ ցանել: Նոյն ժամանակներն էր, որ Լէնկթիմուր իւր ահեղ հրոսակով կը մտնէր Ատրպատական (1345), Վրաստան (1386) և Ասորիք (1387), և հայկական գաւառներ ոտնակոխ կ'ըլլային, սակայն ժամանակակիցներ աւելի ազիդողորմ ողբերով կը յիշատակեն Ունիթորներու անկարգ շահատակութիւնները:

192. Ահա, ճիշտ այդ միջոցին, ազգային եկեղեցւոյն պաշտպանութեան ձեռնարկեցին այն երանաշնորհ վարդապետները, որոնք թէ ազգային ու օտար ուսմանց զարգացմամբ, և թէ ուղիղ

արտով և ուղղափառ հաւատով Հայաստանեայց սուրբ եկեղեցին ջատագովեցին և զօրաւոր կերպով օտարամուկ նախանձալուգութեան դիմադրեցին, և ռենիթոռաց մոլեկան շարժումները ճնշեցին: Այդ երանաշնորհ խումբին առաջնորդն եղաւ Յովհաննէս վարդապետ Որոտնեցի, ժամանակակիցներէն Կախիկ մականունանալ, Սիւնեաց նահանգէն և Օրբելեան տունէն, որդի Իւսանէ իշխանի, որտան գաւառի Վաղանդն գիւղի մէջ ծնած, և աշակերտած Նչեցի. Եսայի վարդապետին, որ Գայլեծորոյ վանքին առաջնորդն էր, և ժամանակին ամենէն նշանաւոր վարդապետն էր: Նչեցիին մահուանէ ետքը Որոտնեցին ժամանակ մը անոր վարդապետական աթոռը գրաւած էր Գայլեծորի մէջ, բայց յետոյ Տաթեւի մայրովանքը փոխադրուեցաւ (1376): Նոյն ժամանակին նշանաւոր վարդապետներէն մէկն ալ Սարգիս Ապրակունեցին էր, որ յոմանց Որոտնեցիի աշակերտ կարծուած է: Սարգիս ալ բազմաթիւ աշակերտներ հասուցած էր Ապրակունեանց վանքին մէջ, և հետամուտ էր զննել և խմաստասիրել այն գիրքերը, որք Ունիթօրներուն իմաստութեան աղբիւրը կը կազմէին, և որոց գլխաւորն էր Պետրոս Արագոնացիի Առաքինութեան եւ մօլութեանց կոչուած գիրքը, Յակոբ Քոնեցիի ձեռքով հայերէնի թարգմանուած (1339): Կը յիշուին ևս Սարգիս և Ղուկաս Շամբիծորեցի վարդապետները, որոնք Հայոց եկեղեցւոյն ուղղափառութեան պաշտպանողներն էին. բայց աւելի խաղաղասէր ոգով մը երկու կողմերը մօտեցնելու և միացնելու կ'աշխատէին:

193. Ասոնցմէ տարբեր ուղղութեամբ, թէպէտ միեւնոյն նշապատակով, սկսաւ գործել Մաղաքիա վարդապետ Ղրիմեցի: Սա մեծատունի զաւակ և հարստութեան տէր, և աշխարհի մէջ ալ դիրք ունեցող մըն էր, երբոր որոշեց եկեղեցականութեան մտնել, և Տաթեւի վանքին մէջ Որոտնեցւոյն աշակերտեցաւ, և ընթացքը լրացնելով ինքն ալ իրեն աշակերտութիւն մը կազմեց: Մաղաքիա վարդապետ որոշեց արտաքին միջոցներով ալ Զահկեցիներու մոլեգնութիւնը զսպել, քանի որ անոնք ամէն ահսակ արտաքին և ապօրինի միջոցներ գործածելէ չէին քաշուեր: Իւր հարստութիւնն ու իւր բնատուր գործունեայ ձիրքիւրը այդ նպատակին նուիրեց, և Որոտնեցի ու Ապրակունեցի վարդապետներուն հետ խորհրդակցելով, իւր ծախքով նորոգեց և լիապէս օժտեց Ապրակունեաց և Աստապատու վանքերը, նոյն իսկ Ունիթօրներու կեդրոնին մօտ (1380): Յովհաննէս Որոտնեցին Տաթեւէն Ապրակունեաց վանքը փոխադրեց, Սարգիս Ապրակունեցին ալ Աստապատի վանքը, և իւրաքանչիւրին մօտ բազմաթիւ աշակերտներ հաւաքեց: Երբ ասոնք ուսմամբ և գիտութեամբ կը մրցէին Ունիթօրներու դէմ,

Մաղաքիա վարդապետ միառմի ձեռք կը ձգէր աւելի մօլեգին նախանձայոյզները, և իբր հասարակ խռովարարներ, աշխարհական դատարաններու առջև կը հանէր, և ամէն միջոցներ կը գործածէր զանոնք ճնշելու. այնպէս որ սարսափ ազդեց բոլոր Ունիթօր գործիչներու վրայ: Իսկ ինքն Մաղաքիա, որ Ճգնաւորի անուն ստացած էր ժամանակակիցներէն և պատմիչներէն ալ, իրօք բոլորովին խստամբիր կեանք մը կը վարէր, և մեռնիլէն ետքը տեսնուեցաւ որ մարմնոյն վրայէն քուրձ ու քուրձ ու երկաթեայ գօտի կը կրէր: Մաղաքիայի գործունէութիւնը հարկաւ ատելի պիտի ընէր զինքը բոլոր Զահկեցիներու խումբին, որոնք պահ մը անոր դէմ Հոռով գրեցին ամբաստանութիւններ յերիւրելով, բայց այդ միջոցէն օգուտ մը չքաղելով. ամէնէն տգեղ և վատ միջոցին դիմեցին, նոյն իսկ Մաղաքիայի սանամայրը իրենց գրաւելով և անոր ձեռքով վարդապետը դիպակուր ընել տալով (1384): Թիւնաւորող կնկան համար յայտնապէս կ'ըսուի թէ հետեող մը եղած էր Ունիթօրներուն (Մեծոփ. 15), կամ Աղծարմայից, ինչպէս սկսած էին կոչուիլ լատինամոլները, հայ հեղեղեցիէ լատինականութեան անցնելուն (աթթարմա ընիւնուն) համար, կամ թէ, ինչպէս ուրիշներ կը մեկնեն, աթթարներու հետեողներու չափ զգուելի ըլլալուն համար (Յիշատ. 25):

194. Թէպէտ Մաղաքիա վախճանեցաւ, բայց անոր թողած ահն ու սարսափը շարունակեց, և Որոտնեցին ու Ապրակունեցին աւելի արգիւնաւորութեամբ իրենց վարդապետական պաշտօնը շարունակեցին: Չորս տարի ևս մնաց Որոտնեցին Ապրակունեաց վանքին մէջ, և այդ վարդապետանոցէն ելան ոչ միայն իրանց ժամանակին, այլ և ապագայ դարերու մէջ հռչակ ստացող վարդապետներ: Առանց առաջինն ու մեծագոյնն է Գրիգոր, ընիկ Վայոցձորեցի, այլ ծաղումով Արճիշեցի, որ իւր վերջին գործունէութեան տեղին անունէն Տաթևացի կոչուած է: Իւր նշանաւոր ընկերակիցներն են, Յակոբ Սաղմոսավանեցի, Յովհաննէս Մեծօփեցի, Դէորդ Երզնկացի, Յակոբ Ռշտունի, Վարդան Հոգոցեցի, Դրիգոր Խլաթեցի, Մխիթար Ռշտունի, Ստեփանոս Դաբեցի, և ուրիշներ: Յովհան Որոտնեցի վախճանեցաւ սրբութեամբ, եօթանասուն և երեք տարեկան, Մաղաքիա Ղրիմեցիին սպանութենէն չորս տարի ետքը, նոյն իսկ իւր ծննդեան տարեդարձին օրը (1388 նաւասարդ 30/6 յունուար), և թաղուեցաւ Մաղաքիայի գերեզմանին քովը: Որոտնեցին թողած է Յովհաննու աւետարանին և Պօղոսի թուղթիւրուն մեկնութիւնները, քարոզներ, և Փիլոնի ու Արիստոտէլի ու Պորփիրի գիրքերուն վրայ փիլիսոփայական

երկասիրութիւններ: Այնչափ մեծ եղաւ ազգին յարգանքը դէպ առ Որոտնեցին և նորա հռովմէականութեան դէմ ցուցած զօրութեան համար զգացած երախտագիտութիւնը, որ յետ դարուց նորա անունը իւր տօնացոյցին մէջ անցուց:

195. Որոտնեցիին մահուանէ հտքը, Ապրակունեաց վարդապետանոցին առաջնորդութիւնը յանձնուեցաւ իւր երիցագոյն աշակերտին, Գրիգոր Տաթևացիին (1388), այլ սա երկու տարի միայն վարդապետեց այնտեղ, և փոխադրուեցաւ Տաթևի վանքը (1390), ուր առաջնորդ էր իւր քուեր որդին, Առաքել եպիսկոպոս, Ապրակունեաց և Աստապատու վանքերը, նոյն իսկ Ունիթօրներու կեդրոնին մօտ զօրացնելը, Մաղաքիա Ղրիմեցիի գաղափարն էր եղած, և մեծ զոհողութիւններով յաջողած: Սակայն գործը տակաւ տկարացաւ երբ Ղրիմեցիին յատուկ նպաստները դադարեցան, և Հայ վարդապետանոցը դարձաւ իւր նախկին և աւանդական տեղը, որ էր Տաթևի վանքը: Բազմաթիւ եղան Գրիգորի աշակերտները, որոնք ժամանակ մը Հայ եկեղեցւոյն զօրութիւնը կազմեցին: Որոտնեցիին և Տաթևացիին գործունէութեանց մէջ երկու դիտելի կէտեր կը նշմարենք: Նախ որ Տաթևի աշակերտները միայն կուսակրօն արեղաներ չէին: Մեծօքիցի, տասնը վեց նշանաւորագոյն վարդապետներ յականէ յանուանէ յիշելէն հտքը կ'աւելցնէ, թէ Գրիգորի աշակերտներուն մէջ վաթսունէ աւելի քահանաներ ալ գտնուեցան (Մեծօք. 51): Ասիկայ նշան է այն մտադրութեան, զոր մեր մեծ վարդապետները ունէին ամուսնացեալ եկեղեցականութեան վրայ, և կը հաստատէ թէ վարդապետական կոչումը, ոչ թէ կուսակրօն եկեղեցականութեան սեփականութիւնն էր, այլ ուսումնական զարգացման կապուած էր, և անխտիր բոլոր եկեղեցականութեան կը պատկանէր: Երկրորդ դիտուելու կէտը վարդապետանոցին ուսումնական ծրագիրն է, որ կը պարունակէր կրօնական ճիւղ մը, Սուրբ գրոց մեկնութեամբ և Սուրբ Հարց գիրքերուն ուսումնասիրութեամբ, փիլիսոփայական ճիւղ մը, արտաքին իմաստասէրներու գիրքերուն հետեւողութեամբ, և գրչութեան ճիւղ մը. Արիստակէս վարդապետի և Գէորգ Լամբրոնացիի արուեստի գիրքերուն վրայ: Քարոզչական ուսումը, բնական հետեանք էր վարդապետական պաշտօնին: Իսկ լեզուագիտական հմտութեանց մէջ, թէպէտ Որոտնեցիին ու Տաթևացիին հմուտ էին լատիներէնի, սակայն ամբողջ աշակերտութիւնը օտար լեզուաց ուսման հետեւած չերևիր:

196. Մարգիս Ապրակունեցի, որ Մաղաքիա Ղրիմեցիի նըպաստներով Աստապատի վանքին մէջ հաստատուած էր, Ղրիմեցիին և Որոտնեցիին մահուանէ հտքը չկրցաւ այլևս այնտեղ մնալ,

և փոխադրուեցաւ Արճէշի մէջ Սուխարու կամ Սառաբաստի վանքը, Զաքէոս եպիսկոպոսի օգնութեամբ (1389), և այնտեղ նոր վարդապետանոց մը հիմնեց, իբրեւ Տաթևի մեծ վարդապետանոցին մէկ ճիւղը: Տասուերկու տարիներ նոյնտեղ արդիւնաւոր պաշտօն վարելէ ետքը, Ապրակունեցին հանգեաւ խաղաղութեամբ (1401), և իրեն յաջորդեց Վարդան վարդապետ Հոգոցեցի, որ չորս տարի եւս այնտեղ պաշտօնավարելէ ետքը, հրոսակներու երեսէն հանդարտութիւնը կորսնցուց, և Արճէշի գաւառը թողլով անցաւ Վան, և Սալնապատի վանքին մէջ հաստատուեցաւ (1405), և քիչ ետքը վախճանեցաւ (1406): Թէ Ապրակունեցիին և թէ Հոգոցեցիին բազմաթիւ աշակերտութիւն մը կը վերագրեն ժամանակակից յիշատակներ, սակայն Սուխարի վանքին փայլը, որ առջինով սկսաւ, երկրորդով փակուեցաւ: Տաթևացիին և Ապրակունեցիին հետեւեցան ուրիշ վարդապետներ ալ, որոնք աստեանդ նոր դպրեմանքեր կամ ուսումնական վանքեր հաստատեցին, որոնց մէջ յիշատակութեան արժանի են, Յակոբ վարդապետի Սալմոսավանքը, և Դէորդ վարդապետի Երզնկայի վանքը: Ահաւասիկ արեւելեան վանքերուն չորեքտասներորդ դարուն վերջը ունեցած վիճակը, երբ բոլորովին խղճալի էր Կիլիկիոյ կողմերուն կացութիւնը:

Տ. ԿԱՐԱՊԵՏ Ա. ԿԵՂԵՑԻ

197. Կարապետ կաթողիկոս ծանօթ է իւր Կեղեցի ծագումով և Բոպիկ մականունով: Իւր ընտրութեան թուականը պիտի ճշտուի Թէոդորոս Բ.-ի սպանութեան տարւոյն հաշուով, զոր Մեծփեցին կը դնէ 1392-ին (Մեծփ. 71), յայտնապէս նշանակելով թէ Աղթամարի Զաքարիա կաթողիկոսի սպանութենէն (1393), տարի մը առաջ էր: Ուրիշ տեղ ալ միեւնոյն (1392) թուականը կը կրկնէ, նշանակելով զայն իբր սկիզբ Սսոյ վերջին վեց կաթողիկոսներուն: Թէպէտ և յիշատակարան մը երկու տարի ետքը (1395) տակաւին Թէոդորոսը իբր կաթողիկոս կը յիշէ, սակայն յայտնի սխալ մը ըլլալու է, որովհետեւ ուրիշ աւելի բազմաթիւ յիշատակարաններու մէջ աւելի կանուխ, այսինքն 1394 տարիէն արդէն Կարապետ իբր կաթողիկոս յիշատակուած է (Նօտարք 6), որով վստահօրէն կրնանք Թէոդորոսի սպանութիւնը դնել 1392-ին և Կարապետի ընտրութիւնը 1393-ին: Ի հարկէնախորդին սպանութեան պարագայն և անկէ ծագած շփոթութիւնը արգիւք պիտի ըլլար նոր ընտրութեան, որով ըրելաւ կը բացատրուի Կարապետի ընտրութեան յապաղելը: Դիտելի կէտ մըն ալ

է, որ վերջին պատմութիւնը գրողներ, հետեւելով Դավրիժեցիին ցուցակին մէջ սպրդած մէկ սխալին, ուր Կարապետի երկու տարի կաթողիկոսութիւն կը տրուի (Առաք. 336), և խաբուելով ինչինչ յիշատակարաններու մէջ Աղթամարի Դաւիթ կաթողիկոսին Հայոց Կաթողիկոս կոչուելէն, վերջինս Դաւիթ Դ. անունով Ամենայն Հայոց կաթողիկոսներու ցուցակին անցուցին, և Կարապետն ալ երկու անձի բաժնեցին, Կարապետ Ա. Կեղեցի, և Կարապետ Բ. Բոսիկ անուններով: Սակայն մենք այդ դրութիւնը պարզապէս թիւրիմացութեան և սխալանքի հետեանք կը գտնենք. և ոչ Դաւիթ Դ-ի մը անունը, և ոչ Կարապետ Բ.-ի անձը կրնանք ընդունել կաթողիկոսներու գաւազանագիրքին մէջ: Որովհետեւ այն չորս տարիներու մէջ որ Դաւիթ Դ.-ի կը տրուին, յիշատակարաններ շարունակեալ կերպով Կարապետի կաթողիկոսութիւնը կը ճանչնան, թէ 1400-ին (Նոտարք 11), թէ 1401-ին (Նոտարք 14), թէ 1402-ին (Նոտարք 18), և թէ 1403-ին (Նոտարք 23), որով կը ջնջուի Դաւիթի մը ենթադրեալ կաթողիկոսութիւնը, և անկէ առաջ և ետքը եղող Կարապետները կը լինին միեւնոյն անձ, որ կը շարունակէ իւր պաշտօնը իբր տասնութեց տարի (1393—1408): Իսկ Դաւիթ կաթողիկոսը, որ է Աղթամարի Զաքարիա նահատակ կաթողիկոսին եղբայրն ու յաջորդը, կը ֆնայնոյն ինքն Աղթամարի կաթողիկոսը, որ 43 տարի (1393—1436) պաշտօն վարեց, ամբողջ Վասպուրականի վրայ իրաւասութիւնը տարածելով, ուր գրուած են շատ մը մեղի հասած գրչագիրներ, որոնց գրողները իբր կաթողիկոս Հայոց կը նշանակեն իրենց մասնաւոր կաթողիկոսը, հետեւելով նոյն իսկ Աղթամարի աթոռակալներուն յաւակնոտ սովորութեան:

198. Կարապետի կաթողիկոսութեան միջոցը կը պատասխանէ այն տարիներուն, յորս Լենկթիմուր խանն թաթարաց կամ Մողոլաց, իւր հողմանց տիրապետութիւնը լրացնելով, յարձակեցաւ արեւմտեան երկիրներու վրայ, և Պարսից ու Հայոց աշխարհները գրաւելով, ամեն կողմ աւերածով և կոտորածով լեցուց: Կարապետի ընտրութենէն ութը տարի առաջ (1486), սկսաւ այդ զժբախտ միջոցը և տեեց քսան տարի շարունակ (1405): Կարապետ ականատես եղաւ այդ աղէտներուն, այլ թերեւ առանց մասնակցելու ամեն ներքին վիշտերուն որոնք ազգին վրայ կը հասնէին, վառն զի ընդհանուր հոգացողութեան միջոցներէն ալ զուրկ, իւր անձուկ սահմանին մէջ, Սոսոյ ներքին գծութիւններով անցուցած է իւր ժամանակը: Կիլիկիան ալ ազատ չֆնաց Լենկթիմուրի արշաւանքներէն, և Ասորիքի և Փոքր Ասիոյ պատերազմներուն առթիւ Սիսն ալ ոտնակոխ եղաւ թաթար հրոսակ-

ներէն: Եգիպտացւոց գերագոյն իշխանութեան ներքեւ սեփական կառավարութեան ուրուականը կը շարունակէր Սսոյ մէջ, որ հարկաւ Լինկթեմուրի զօրութեան դէմ դնել չէր կրնար: Երբ յուսահատութիւնը տիրեց, Սսոյ Հայերը, որք տակաւին երեսուն հազար տուն եղած կ'ըսուին, ժողով մը գումարեցին Կարապետ կաթողիկոսի գլխաւորութեամբ, և որոշեցին խմբովին գաղթել: Ասոր վրայ Հայերէն մաս մը իրենց գլուխն ունենալով Կարապետ Ասըսէկ իշխանները, որոց առջինը Կոստանդին թագաւորի մը թոռ կը կոչուէր, և Յովհաննէս ու Վահան ու Գրիգոր ու Ստեփանոս քահանաները, քանի մը օրուան մէջ Սիւր թողուցին (1404), և անցան յայնկոյ ծովուն (Սիսուան 542), գլխաւորաբար Կիպրոս, բայց հաւանաբար նաև Եւրոպական երկիրներ: Իշխաններուն և գլխաւորներուն մեկնելէն հոգը, մնացած քաղաքացիք անձնատուր եղան թաթարներուն (1404 յունիս 6): Հարկաւ աստիճան մը ևս վատթարացաւ Կարապետ կաթողիկոսի կացութիւնը, որ այս դիպուածէ հաջորդ, չորս տարի ևս (մինչև 1408) կը յիշուի յիշատակարաններու մէջ:

199. Ստոյգ տեղեկութիւններ կը հաւաստեն թէ 1409-ին Յակոբ մը կը գրաւէր կաթողիկոսական աթոռը, և հետեւաբար անկէ առաջ, կամ նոյն թուականին մեռած կը լինի Կարապետ: Մեծոփեցին Սսոյ վերջին վեց կաթողիկոսներուն բոլորն ալ դեպակուր սպանուած կըսէ, և ըստ այսմ Կարապետ այս վեցերուն առաջինը պէտք է սեպել: Միակ յիշատակարան մը, երկու տարի հոգը, 1411-ին Կարապետ կաթողիկոսի տնունը կուտայ (Նոտարք 39): Ուստի եթէ այդ յիշատակարանը գրազիրի մը սխալմանքին չվերագրեմք, կամ եթէ Աղուանից կաթողիկոս Կարապետին վրայ չիմանանք, հնար էր կարծել, թէ Կարապետ նախ մերժուեցաւ Յակոբէն, և երկու տարի հեռացած կամ արքայութեամբ ապրելէ հոգը սպանուեցաւ: Այդպիսի խառնակ ժամանակներու համար, ամէն տեսակ ենթադրութիւններ հաւանական կը դառնան, քանի որ որոշիչ և հաստատուն պատմութիւն մը չունինք: Ըստ եկեղեցական ուղղութեան Կարապետ ալ չէ հեռացած այն լատինամիտ հակումէն, կամ ինչպէս ժամանակակիցներ կ'ըսեն, այն ախճարմայական խմորէն, որ հետզհետէ զօրացած էր Կիլիկիոյ մէջ: Բնաւ կարևոր գործ մը պատմուած չէ Կարապետին վրայ: Իսկ Բոպիկ մականունն ալ, չեմք գիտեր թէ ինչ նշանակութիւն ունի, որովհետև կրնայ թէ իբր գովեստի անուն մեկնուիլ իբր ճգնաւէր և խշտակեաց, և թէ իբր անարգական կոչում. իբր գծում և խեղճուկ ապրող մը:

200. Կարապետին կաթողիկոսութեան օրերը, արեւելեան գա-

ւառներու մէջ փառօք կը փայլէր Տաթեւացի Գրիգոր վարդապետ, որ Ապրակունեաց վանքէն Տաթեւ փոխադրուած էր արդէն (1396): Մեծ և բազմաթիւ աշակերտութիւն մը կազմած էր նա այդ հռչակաւոր վանքին մէջ, որ եղաւ իրօք, ոչ թէ Սիւնեաց միայն այլ և բովանդակ Հայոց կեդրոնական վարդապետանոցը: Սարգիս Ապրակունեցիին ալ յաջորդած էր Վարդան Հոգոցեցին Սուխարու վանքը. և սորա Սալնապատի մէջ վախճանիլէն ետքը, իրեն կը յաջորդէր Գրիգոր Խլաթեցին (1400): Ժամանակակիցներու մէջ նշանաւոր էր նաև Յովհաննէս Մեծփեցին, Որոտնեցիին աշակերտներէն, որ Վասպուրականի վանքերուն շրջանը ընելով, ձեռնարկեց Մեծփայ վանքին վերանորոգութեան (1402), ուր և եօթը տարի վարդապետեց, և մեծ վանքերու հաւասար զայն շքեղացուց: Սուխարու վանքին աշակերտութենէն և Ապրակունեցիին ու Հոգոցեցիին ձեռնասուննիւրէն տասուերկու վարդապետներ, որոց մին էր Թովմաս Մեծփեցի պատմագիրը, Վարդան Հոգոցեցիին մեռնիլէն ետքը խմբովին Տաթեւ գացած էին (1406), Տաթեւացիին մօտ կատարելագործուելու համար: Ասոնք յորդորեցին ու համոզեցին Տաթեւացին իրենց Վասպուրականի կողմերը այցելել, որուն նա հաւանեցաւ, յիշելով մանաւանդ թէ Արճիշիցի ծագում ունէր ինքն ալ իւր հօրը կողմէն: Նոր աւարտած էր Յովհաննէս Մեծփի վանքին նորոգութիւնը, և Տաթեւացիին հասնելովը և Վասպուրականցի վարդապետներուն համախմբելովը, նոր փայլ ու հռչակ ստացաւ Մեծփի վանքը (1409), ճիշտ այն միջոցին, յորում ըստ հաւանականագոյն հաշուի, տեղի ունեցած է Կարապետ Ա-ի կաթողիկոսութեան վերջը:

ՄԱՂԱՔԻԱ Ա. Ե. ՕՐՄԱՆԵԱՆ

ԳԻՏՈՒԹԵԱՆ ՏՕՆԸ ¹⁾

Որովհետև մասնաճիւղերում կարգացուած զեկուցումները մասնագիտական նշանակութիւն ունին, իսկ բոլոր արտասանած ճառերի ու զեկուցումների ամենակարճ ռէզիւմէները կազմեցին 10 համար «գնենիկ» մօտ հազար երեսից բաղկացած, մենք անհնար ենք գտնում և աւելորդ այստեղ մանրամասն կանգ առնել: Բաւական է ասել, որ համագումարի մասնաճիւղերի ժողովների թիւը հաւասար էր 214-ի, իսկ այդ ժողովներում տրուած զեկուցումների թիւը 696, Մենք կդիմենք ընդհանուր և մի քանի միացեալ ժողովների նկարագրութեան, առաջ բերելով արտասանած ճառերի ռէզիւմէներ կամ կարճ բովանդակութիւնը:

Հիտեկալ օրը դեկտեմբերի 29-ին, Երեկոյեան Պօլիտեխնիչեսկի Մուզէումի մեծ լսարանում նշանակուած էր համագումարի և բնագիտութեան սիրողների ընկերութեան աշխարհագրական ճիւղի միացեալ ժողովը. ի նկատի կար լսել յայտնի Պրժեալսկու աշակերտ և օգնական V զնդապետ Պ. Կ. Կօզլովի վերին աստիճանի հետաքրքիր զեկուցումը նրա վերջին գիտական արշաւանքի (экспедиция) մասին միջին Ասիայում, որտեղից վերադարձել էր անցեալ աշնանը:

Այս ճանապարհորդութիւնը տեւեց ճիշդ երկու տարի. դեռ Ասիայում եղած ժամանակ իւր ճանապարհորդութեան մասին Կօզլովը ուղարկում էր թղթակցութիւններ „Руск. Вѣд.“ լրագրին (տ. 1908-№ 218, 1909—№ 13, 19 և 163), որոնցով մասամբ մենք այստեղ կօգտուենք:

Արշաւանքի նպատակն էր ուսումնասիրել Մոնղոլիան, Կուկու-նօր լճի և արեւմտեան Սըչուանի շրջակայքը: Բայց Սըչուանի ուսումնասիրութեան փոխարէն արշաւանքը ստիպուած էր, ըստ Աշխարհագրական ընկերութիւնից ստացած պատուէրի, ուսումնասիրել աւելի մանրամասն կերպով Խարա-խօտո *) մեռած քաղաքը, որը, ինչպէս ասաց Ա. Ի. Իվանովը Խարա-խօտո քաղաքում գտած իրերի և գրքերի նշանակութեան մասին խօսելիս, Զինգիս-խանի կողմից աւերածութեան էր մատնուել XIII դարում, այդ-

*) Մոնղոլերէն նշանակում է սև քաղաք:

¹⁾ Լուծայ 1910 № 1

տեղ եղած պետութեան հետ միասին: Այդ քաղաքի պեղումներէց ստացած գրքերը գրուած են երեք լեզուով՝ չինական, տիբէթական և մի երրորդ, մեզ անծանօթ, լեզուով: Պեղումները, առհասարակ, ցոյց են տալիս բարձր քաղաքակրթութիւնը, որը զարգացել է մի կողմից Չինաստանի, իսկ միւս կողմից արեւմտեան (Պարսկաստանի և Էլէնականութեան) քաղաքակրթութեան ազդեցութեան տակ:

Բայց անցնենք այդ էքսպէդիցիայի նկարագրութեան:

—Կեալստայից անմիջապէս սկսուած է Մոնղոլիան, սկզբում անապատ, յետոյ լեռնային, որը դեռ հարուստ է բուսականութեան և կենդանական աշխարհով: Այն կողմը սկսուած է Մոնղոլական Լիսասա—Ուրզան, ուր բնութեան պատկերը նկատելի կերպով փոխուած է, լեռները սկսուած են հարթուել, բուսականութիւնը աղքատանում է, իսկ բնակչութիւնը պակասում: Այստեղ արդէն սկսուած է իսկական տնապատ Գոբին, վերջապէս գալիս է հարաւային Մոնղոլիան, որը ներկայացնում է աւազի ծով:

Մոնղոլիայի արմատական բնակիչները—մոնղոլներն են, որոնք որոշ չափով փոխուել են զանազան ֆիզիքական և ցեղական ազդեցութեան տակ: Իսկ ընդհանրապէս, մեր տեսակէտից, մոնղոլների կենսական նիստուկացը աղքատ և ոչ նախաձեռնի է. աղքատ է և նրա ներքին, մտաւոր կիանքը, թէպէտ մոնղոլները տաքերուած են իրենց հարեաններից նրանով, որ հասել են համեմատաբար շատ աւելի բարձր մտաւոր զարգացման. ունեն սեպհական գիր, տպագիր օրէնքներ և այլն:

Անցնելով Մոնղոլիայից զանազան ուղղութեամբ, ուսումնասիրելով և դիտելով համեստ և նոյն ժամանակ իւր տեսակի բնութիւնը, ես հեռու էի մտքից գտնել մոռացուած քաղաք, որպիսին, իրօք գտայ, Էձին-գոլա գետի նիւքերի մասում: Մոնղոլ-տորգուտները, որոնք եկել են այստեղ մ. ա. 400 տարի առաջ Կօրուկ-Սայրեալ ժողովարիայից, լաւ ծանօթ են խորա-խօտօ քաղաքի հետ Սրանց ասելով նախնիները գալով այստեղ սև քաղաքը գտել են ներկայ դրութեան մէջ:

Ճանապարհորդի ուշադրութիւնն են գրաւում Սուբուրգաները, կամ շիրիմներ, որոնք դասաւորուած են դէպի պատմական քաղաքը տանող ճանապարհին: Քաղաքը պատած է պատով և ներսի քառակուսի կողմերը հաւասար են 1/3 վերստի: Գլխաւոր մուտքը գտնուած է արեւելեան կողմը:

Ահա այս քաղաքում էր գտնուած այն հարուստ նիւթերը, որոնց մասին վերը խօսուեց և որոնք կազմելով տասը արկղ մի

մի փութ կշռով, իւր ժամանակին ուղարկուեց Պ. Բուրգի գիտութեանց Ճեմարանին և Աշխարհագրական ընկերութեան:

Անցնելով հարաւ-Ալաշանի անապատը և արևելեան Նանշանը, Էքսպէդիցիան հասաւ Կուկու-Նօր լճին: Նպատակն էր անցնել Կոյսու խորհրդաւոր կղզին:

Դասախօսը նկարագրեց անցած տեղերը, պատահած քաղաքները և բուդդայական վանքերը: Մատնացոյց արեց իւր հիւսիսային Տիբէթ ճանապարհորդութիւնը և իւր ընկերների խորհրդաւոր կղզի գալը, ուր նրանք գտել էին երեք ճգնաւոր-լամա...

Լրացնելու համար այս գիտական արշաւանքի ընդհանուր պատկերը մենք մատնացոյց կանենք և Ա. Ա. Չերնովի ղեկտեմբերի 31-ին կարդացած զեկուցումը «անապատ Գոբիի ուլէֆը»: Չերնովը Կօզլովի աշխատակիցն էր, որը հասաւ ստուարակտաւի նաւակով Կոյսու խորհրդաւոր կղզին: Երբ արշաւանքի գլխաւոր պարտաւորութիւնը կատարուած էր, վերջինը բաժանուելով երկու անգամ կտրեց անցաւ Գոբի անապատով, ուսումնասիրելու և այդ մասը:

Նոյն ժողովում Տոմսկի համալսարանի պրոֆ. Սապոժնիկովը կարդաց իւր ուսումնասիրութիւնները մոնղոլեան Ալտայի վերաբերմամբ:

Միջին Ասիայի աւազներից ու անապատներից ունկնդիրների ուշադրութիւնը բերեց մօտիկ արևելքի-Վովկասի բարձրագոյն գագաթը-Էլբրուսը—երկտասարդ ճանապարհորդ Վ. Վ. Դուբնանսկին, դէպի ուր վերելք էր կատարել 1908 թուի ամառը:

Միմիայն 1868 թուին Ֆրէշվիլդին յաջողուեց առաջին անգամ հասնել Էլբրուսի արևելեան գագաթին. 1874 թուին Գրովէն նորից բարձրացաւ: Դէշին 1875 թուին, Պաստուխովը 1890 թ. նոյն թուին և Մերցբախէրը, որը երկրորդ անգամ բարձրացաւ 1896 թուին, իսկ 1908 թուին Էլբրուսի գագաթը բարձրացաւ, թէպէտ և դժուարութեամբ, վատ հանգամանքներում լինելու պատճառով, Դուբնանսկին, որը կենդանի և պատկերաւոր կերպով նուկարագրեց իւր այդ ճանապարհորդութիւնը. 1908 թուի յունիսի 28 դուրս գալով Պնատիգորսկից նա, ինչպէս նկարագրում էր, օգոստոսի 2-ի ցերեկը 4 ժամին Էլբրուս լեռան ամենաբարձր գագաթի վրայ էր գտնւում, ուր մնացել էր 55 ր:

Դեկտեմբերի 30-ին միացեալ ժողովում երեք կարդացած ճառերից մատնացոյց կանենք միմիայն պրոֆ. Սօկօլովի՝ երկրի հասակի մասին կարդացած զեկուցումը:

Ճառախօսը մանրամասն կերպով ծանօթացրեց այն խնդրի հետ թէ ըադիօակտիւութեան մասին նոր ուսուցումը երկրի ներ-

քին տաքութեան և հասակի մասին նոր հայեացքներ կազմելու վրայ որպիսի ազդեցութիւն ունեցաւ: Բոլոր բաղիօակտիւ մարմինները արտադրում են անընդհատ տաքութիւն. երկրի ներքին տաքութիւնը, որի մասին մենք գիտենք երկրի խորքում բարձրացող տաքութիւնից և հրաբխականութիւնից, բացատրւում էր մինչև այժմ նրանով, որ երկիրը մի ժամանակ հալուած (расплавленый) դրութեան մէջ էր: Ռուտերֆորթը առաջինը մատնացոյց արեց այն խնդիրը թէ՛ բաւական չէ արդեօք ներքին տաքութիւնը բացատրելու այն տաքութիւնով, որը արտադրւում է երկրում գտնուող բաղիով և ուրիշ բաղիօակտիվ նիւթերով: Ապա Ստրուտտը և ուրիշները հետախուզեցին բաղիի բովանդակութիւնը զանազան լեռնային հանքերում, ծովի յատակի վրայ և ովկիանոսի ջրերում, երևաց որ թէպէտ առանձին միաւոր չափում բաղիի բովանդակութիւնը չնչին է, բայց և այնպէս այդ քանակութիւնը աւելի քան բաւական է վերականգնելու այն տաքութիւնը, որը երկիրը տալիս կամ արտադրում է դէպի մթնոլորտը: Եթէ ենթադրենք, որ բաղիի բովանդակութիւնը կամ աւելի ճիշդ քանակը մեծ խորութեան մէջ նոյնն է որչափ և երկրի երեսին է, ստացւում է մինչև անգամ տաքութեան ահագին մնացորդ. մնում է ուրեմն կամ ընդունել, Ստրուտտի նման, որ երկրի խորքը այլևս բաղիի չի պարունակում իւր մէջ, կամ, երկիրը տաքութեան հաւասարակշռութեան մէջ չի գտնուում, այլ շարունակում է տաքանալ, միւս խնդիր-երկրի հասակի մասին-բաղիի ուսումնասիրութեան արդիւնքից օգտուելով, նոյնպէս բոլորովին նոր որոշում է ստանում: Լորդ Կելվինի հաշիւները հիմնուած երկրի սառչելու վրայ վերացւում են. վերացւում է և այն հակասութիւնը, որ առաջ էր գալիս այդ հաշուի արդիւնք 20—40 միլիօն և երկրաբանութեան փաստերի պահանջած 100 միլիօն տարիների մէջ: Այժմ հնարաւոր է նոր միջոցով որոշել առանձին հանքերի հասակը ուրեմն և երկրաբանական շրջանների, դրանց մէջ պարունակուող հելիումի (He) քանակով, որը, ինչպէս յայտնի է, ստացւում է բաղիի բաժանումից: Այս եղանակով օր. Ստրուտտը որոշեց տօրիանիտ հանքի համար 240 միլիօն տարի, ուրեմն երկիրը յամենայն դէպս այդ հասակից աւելի ծեր է:

Երկրորդ ընդհանուր ժողովը տեղի ունեցաւ յունուարի 2-ին ցերեկը «բրազորոդնոէ սօբրանիէ»-ի նոյն մեծ դահլիճում:

Այս ժողովին կարդացուեց հրեք ճառ, Պրոֆ Բորգմանը՝ «էլէքտրականութիւն և լոյս». պրոֆ. Վէրիգոն աղօտի դերի մասին կենդանական օրգանիզմի նիւթերի փոխանակութեան մէջ». և պրոֆ. Դանիլսկին՝ «մտքի և կամքի զարգացման հիմնական բնա-

խոսական օրէնքը»։ Վերջին ճառը, կարելի է ասել լրացուցիչ է, կամ աւելի ճիշտ տէօրէթիք թեզիսներ են այն գործնականապէս ապացուցած ճշմարտութիւնների, որոնց մասին առաջին ժողովում զեկուցեց ակադեմիկոս Պաւլովը։

Այս ժողովում զեկուցուեց մի քանի նոր ստացուած հեռագիրների մասին, ի միջի այլոց պրոֆ. Մենզերի հեռագիրը, որը հիւանդութեան պատճառով անկարող էր մասնակցել. համագումարի քարտուղար Լայստը զեկուցեց և մի քանի մասնաճիւղերի որոշումները. դրանց մասին մենք կխօսենք վերջը։

Պրոֆ. Վէրիգօի ճառից յետոյ նախագահը կարգաց Տիմիրեազկից ստացած հեռագիրը, յայտնեց որ համագումարի խորհուրդը որոշել է հեռագիր ուղարկել Սարատովի նոր համալսարանին. քացի դրանից յայտնեց և «Ռուս ընկերակցութեան» նախագիծը կազմելու համար կազմուած կոմիսսիայի մասին, ուր ընտրութեամբ մտել են պրոֆ.ներ Անուչին, Ա. Վ. Վասիլև, Բորգման, Վերիգօ, Վերնադսկի, Ս. Զալէսսկի և Շիմկևիչ։

Վերջը նախագահը յայտնեց նաև, որ Թիֆլիսից ստացուել է մի քանի հրաւեր հետեւեալ XIII համագումարը այնտեղ ժողովելու. հրաւերները ուղարկուած են՝ Թիֆլիսի քաղաքագլխի պաշտօնակատարից, կանանց բարձր կուրսերի ղիրեկտօրից և տեղական բնութիւնը ուսումնասիրող, բժշկական գիւղատնտեսական և ուրիշ ընկերութիւններից. այս խնդրի մասին համագումարի խորհուրդը կխորհրդակցէ և իւր կարծիքը կ'այտնի վերջին ընդհանուր ժողովում։

Յունուարի երեքի երեկոյեան պօլիտեխնիք. Մուզէումում կայացաւ միացեալ նիստ համագումարի և բնութիւնը ուսումնասիրողների ընկերութեան (общ. уч. пр.)։ Այս ժողովում կարդացած երեք ճառից մատնացոյց կանենք միմիայն Ն. Ա. Մօրօզովի ճառի վրայ «Նիւթի էվօլիցիան մոլորակների վրայ»։

Էլէքտրօնական թեօրիայի մասին կարճ ակնարկը տալով, ճառախօսը միտք արտայայտեց, որ էլէքտրօնները կարելի է քննել իբրև եթէրի կոսմիքական նիւթի էվօլիցիայի արդիւնք։ Էլէքտրօնները իրենք ևս ծառայում են իբրև նիւթ, որոնցից կազմւում են քիմական տարրերի մասնիկները։ Վերջինները երկար էվօլիցիայի ենթարկուեցին հասարակ ձևերից մինչև աւելի բարդ ծանր մետաղէ տարրեր և ապա օրգանական նիւթի մասնիկներ։ Ժամանակակից քիմիական տարրերը բոլորովին նոյնանիշ են կենդանական և բուսական զանազան ձևերին։ Աստղային երկնքի բարտէզը ուղղակի մատնանշում է, որ անօրգանական աշխարհը նոյնպիսի էվօլիցիայի էր ենթարկւում հազարաւոր տա-

րինների ընթացքում. որպիսի էվոլյուցիայի էր ենթարկւում ապագայում և օրգանական աշխարհը: Մթնոլորտի մոլորակները ներկայացնում են զարգացման զանազան աստիճաններում գտնուող աշխարհներ: Համաձայն Լօկիէրի կազմած սղիւսակի, նրանք բաժանւում են 9 խմբի կապտագոյն աստղերից սկսած մինչև մոյգ-կարմիր Անթարէսի տեսակի (կարիճի աստեղատան): Մի խմբից միւս խումբն անցնելիս նիւթի քիմիական բաղադրութիւնը աստիճանաբար բարդանում է: Պրոտօշրածինի, պրօտօհիլիումի և մի ուրիշ անյայտ նիւթի պարզ գծերից մինչև ծանր հանքերը. իսկ Անթարէսի սպէկտրում արդէն երևում են ածխաջրածնի գծեր, որոնք ցոյց են տալիս օրգանական կիանքի սկսուելը: Նիւթի այս աստիճանաբար բարդանալու պրոցեսը, զիկուցողը ցոյց տուեց պատկերացոյց պատառի վրայ առանձին ուրուագծով: Ապա Մորոզովը բացատրեց քիմիական տարրերի պարբերականութեան իւր թէօրիան, որը կազմուած է աւելի ընդհանուր սկզբունքների վրայ, քան Մէնդէլէևի սխստեմը, որը նոր թէօրիայում մտնում է իբրև մի մասը աւելի ընդարձակ ամբողջութեան: Հետաքրքրական է, որ տուած ցուցակը մատնացոյց է անում աւելի թեթև նիւթի գոյութեան վրայ, քան ջրածինն է: Այդպիսին գտնուած է սպէկտալ անալիզով մի քանի կապոյտ աստղերում և մասնախապատութեան մէջ ստանալով պրոտոշրածին անունը: Վերջը ճառախօսը կանգ առաւ րադիօակալութեան վրայ, որի ուսումնասիրութիւնը վերջերս իբրև նոր ապացոյց հանդիսացաւ քիմիական տարրերի էվոլյուցիայի թէօրիային (մի քանի տարրերի լուծումը աւելի պարզ նիւթերի — հելիում (He) կամ լիթիումի (Li) պղնձի (Cu) փոխակերպութիւնը): Մորոզովի ցուցակը մատնացոյց է անում Կադմիումի (Cd) արծաթի (Ag) և սնդիկի (Hg) ոսկու (Au) փոխակերպութեան հնարաւորութիւնը: Մորոզովը իւր զեկուցումը վերջացրեց ցանկութիւն յայտնելով, որ գիտութիւնը կնպաստի մարդկութիւնը դէմակրատացնելու, ազատելու վերջինը նրան կաշկանդող ճիրաններից և երջանիկ դարձնելու:

Մորոզովը ամբիոնն բարձրացաւ և իջաւ երկար և անվերջ ծափահարութիւնների ձայնների տակ:

Առաջ բերենք և մի ուրիշ զիկուցումի ուղեւմէն կարդացուած նոյն օրը: Մոսկ. համ. Պրոֆ. Պ. Ն. Լէբէդևը Ֆիզիքայի մասնաճիւղի նիստում կարդաց իւր նոր աշխատանքի մասին: Մակովէլլի թէօրեթիկ ենթադրութիւնը թէ լոյսի ալիքը ունի ճնշող յատկութիւն իրերի վրայ, առաջին անգամ գործնական կերպով ապացուցեց Լէբէդևը, որի մասին և զիկուցեց 8 տարի առաջ XI դ համագումարում: Այժմ նոյն Լէբէդևը ապացուցեց լոյսի ալիքի ճնշումը

գաղերի վրայ և մինչև անգամ կարողացաւ չափել այդ ճնշումը ճշտութեամբ, եթէ լոյսը ճնշում է գաղը, այդ նշանակում է, որ գաղի մասնիկները, որոնց միջով անցնում է լոյսի փունջը, տարւում են լոյսի ալիքով: Այսպէս, օրինակ, գիսաստղերի պոչերը, առաջինների արևին մօտենալիս միշտ ուղղուած են արևի հակառակ կողմ, և այդ երեւոյթը արդէն 1617 թուին աստղաբաշխ Կէպլէրը բացատրեց նրանով, որ գաղերը, որոնցից գիսաստղերի պոչերն են կազմուած, յետ են մղւում արևի լոյսով: Այս միտքը Կէպլէրը արտայայտեց Հալլէի գիսաստղը դիտելով: Հալլէի այդ գիսաստղը, որը այս տարի գարնանը նորից կերևայ երկնքի վրայ, լաւագոյն ապացոյցը կլինի լոյսի ճնշման գաղերի վրայ: Իսկ ինքը պրոֆ. աշխատում էր յատուկ գործիքի վրայ: Ուսումնասիրութեան եղանակը խիստ պարզ է, բայց և այնպէս կատարւում էր հինգ տարի:

Յունուարի 3-ին ազգագրական մասնաճիւղի ժողովում Լազարևան ճեմարանի դիրեկտոր Միլլէրը կարդաց՝ «Կովկասի լեզուագիտութեան ազգագրական նշանակութիւնը ներկայում»: Այս զիկուցումը այնքան մասնագիտական էր, որ այս ընդհանուր հայացքը կրող ակնարկում դժուար է երկար կանգ առնել: Յարգելի հեղինակը մատնացոյց անելով Կովկասի ազգերի բազմազանութեան վրայ, բնորոշեց գլխաւորապէս «Կովկասեան» լեզուները՝ հարաւային (քարթվէլներ) արևելեան լեռնականների (լէզգիներէն) և արևմտեան լեռնականների (Աբխազ Ձերքէզերէն), Կովկասեան լեզուագիտութեան հետաքրքրութիւնը արևմուտքում ծագեց այն ժամանակից, երբ ասորագէտները գտան մի քանի նոր լեզուներ, որոնք, ինչպէս ցոյց տալիս վերջին ուսումնասիրութիւնները, մօտ են Կովկասի լեզուներին: Բէֆէրէնտը էտրուսկների լեզուի Կովկասի լեզուների հետ ունեցած կապի կարծիքը յայտնեց և վերջը ցանկացաւ, որ Կովկասեան լեզուները ուսումնասիրելիս առանձին ուշադրութիւնը դարձուի հնչման օրէնքների և քերականութեան վրայ:

Բայց ահա և յունուարի 6-ը. Նոյն մեծ դահլիճը, նոյն ընդհանուր դադափարով բազմութիւնը: Շատերը վերջին անգամն էին տեսնւում և միմեանց հրաժեշտ տալիս, շատերը քաժանւում էին մի քանի տարով: Հրճուանքն ու իրարից հեռանալու անախորժ հեռանկարը միաժամանակ պոյուլթիւն ունէին ամեն մէկի մէջ: Չանգը հնչեց և բոլորի ուշադրութիւնը լարուեց:

Սարատովի համալսարանի պատասխանը կարդալուց յետոյ ամբիոն բարձրացաւ պրոֆ. Ա. Ա. Էյսէնվալդը և խօսեց «Նիւթի և Նոանդի» մասին:

— Պարզասիրտ մարդուն աշխարհը երևում է ինչպէս մի ամ-

բողջութիւնն և այդ ամբողջութեան տպաւորութիւնը աւելի ուժեղ և էստէթիկ բաւականութիւն ստանալիս: Դիտութիւնը ստիպուած է աշխարհը բաժանել մասերի, ամեն մի մասը առանձին ուսումնասիրելու և մինչև անգամ ամեն մի մասնագիտութեան մէջ հետեւալ ստորաբաժանումներ է առաջ գալիս: Այսպէս՝ Փիզիքան բաժանում է մեքենագիտութեան, ձայնագիտութեան և տեսագիտութեան. ևն: Բայց վերջի վերջոյ այդ մասերը ձգտում են միանալ մի ընդհանուր գիտակցութեան մէջ, Փիզիքայի մէջ ամեն ինչ երկու հիմնական հասկացողութեան էր դիմում՝ նիւթի և եռանդի: Չի հասել այստեղ սահմանը: Դիւրուա Ռայմօնը իւր նշանաւոր ճառի մէջ առաջ բերեց հիմնական հարցեր, որոնց վճռելը նա յայտարարեց անհասանելի գիտութեան համար. այդպիսի հիմնական հարցերի թիւը, որոնց մասին նա յայտարարեց նշանաւոր *ignorabimus*-ը (մենք երբէք չենք գիտենայ) նա հասցրեց եօթի: Այդպիսի պեսսիմիզմի դէմ խօսեց գեկուցողը: Չի կարելի առել թէ որչափ կզարգանայ գիտութիւնը ապագայում, բայց և այնպէս եթէ ընդունենք անվճռելի պրոբլէմները, լինչու անպայման եօթը, լինչու ոչ աւելի կամ ոչ պակաս: Անվճռելի խնդիրների թիւը գերադասելի է պակասեցնել. այդ բանին ապացոյց է Փիզիքան, որը միացրեց նիւթի և եռանդի հասկացողութիւնը: Դրանց մէջ միջնորդ հանդիսացաւ էլէքտրամագնիսականութեան տարածութեան հասկացողութիւնը, որը կարող է գոյութիւն ունենալ առանց էլէքտրականութեան և առանց նիւթի: Դա-առանց նիւթի էնէրգիան է: Այսպէս լոյսի էնէրգիան կամ եռանդը (իսկ լոյսը էլէքտրոմագնիսական երևոյթ է) արեւից մինչև երկիր գտնւում է ազատ տարածութեան մէջ, իսկ մենք այժմ գիտենք և նիւթից ազատ էլէքտրականութիւնը: Այդպիսի մաքուր էլէքտրականութիւն մենք ունենք Կրուկսի խողովակում (Հէյսլէր, Ռէօնտգէն) այսինքն կատողի ճառագայթներում: Այդ ճառագայթները ունին ինքնուրուի յատկութիւն, բայց ոչ նիւթական այլ էլէքտրոմագնիսական ինքնուրուի երևում է, որ էնէրգիան նոյն յատկութիւններն ունի ինչ, և նիւթը: Նա գրաւում է որոշ տեղ տարածութեան մէջ, ամեն տեղ ունի որոշ հոծ կարծրութիւն, ընդունակ է միմիայն անընդատ շարժման չի կարող կաշել մի տեղ և գոյանալ ոչնչից մի ուրիշ տեղ և վերջապէս, ունի ինքնուրուի յատկութիւն: Վերջերս նրան սկսեցին վերագրել և ատոմիստիկ կազմուածք: Այս օրինակը ցոյց է տալիս, թէ ինչպէս գիտութիւնը աշխարհը բաժանելով, ձգտում է ստեղծել նրանից մի նոր ամբողջութիւն: Դիտնականը նման է ճանապարհորդի, որը աւելի ու աւելի է բարձրանում սարը, շրջապատող աշխարհի աւելի լայն պատկերը ստանալու և, երբ բա-

ւական բարձր լեռներ բացակայում են, թույլում է թևերի վրայ, բայց ոչ ֆանտաստիք թևերի, այլ թէօրեափք օրգանապէս մնում թևերի վրայ: Բայց բացի թևերից պէտք են և արծուի սուր աչքերը, բոլոր նրբութիւնները նկատելու, և իրօք գիտութեան սրամտութիւնը աճում է արագ կերպով: Ձէ որ անցեալ տարի Րէզէդորֆին աջողեց էլէքտրոմէտրի օգնութեամբ հելիումի մասնիկները համարել: Խնդիր է ի՞նչի է պէտք մեզ աշխարհի այդպիսի ընդհանուր և ամբողջական պատկերը: Ասում են այդպիսով մտածողութիւնը աւելի տնտեսական է դառնում: Այդ այդպէս է, բայց դա միակ և գլխաւոր պատճառը չէ, որ ոգևորում է հետախուզողին: Նա ձգտում է զէպի էստէտիք բաւարարութիւն, նա ցանկանում է լսել աշխարհների ներդաշնակութիւնը, Այն ներդաշնակութիւնը, կասենք մենք, որը ինքը էյլէնշվալդը յայնքան պատկերաւոր կերպով նկարագրեց մեր վերը բերած պոլսնական ոտանաւորով *): Հետեւալ ճառը խօսեց պր. Չուպրովը «Վիճակագրութեան մէջ թէօրէթիկ մտքի նոր ուղղութեան շրջանից» վերնագրի տակ:

Նախագահը յայտարարեց, որ հետեւալ համագումարի տեղը ընտրուած է Թիֆլիսը 1911 թուին: Ապա միաձայն ընդունուած էր «Ռուս ընկերակցութեան» համագումարի խորհրդի կողմից վերջնականապէս մշակած «պօլսթէնիէն...»

Պրօֆ. Լէյստը նկարագրեց համագումարի պատմութիւնը և կարգադրիչ կոմիտէի նախապատրաստական աշխատութիւնները, նրա զիմուքները նախարարութեան, որոնցից մինը մինչև այսօր էլ մնում է անպատասխան, իսկ միւսները մերժուեցին. յետոյ առաջ բերեց կարճ թուական փաստեր համագումարին գրողների թուի (5303), նիստերի (214) և կարդացած գեկուցումների (696) մասին. մատնացոյց արեց և համագումարի առթիւ բացուած ցուցահանդէսների:

Պրոֆ. Գ. Ա. Կաթեւնիկովը կարգաց մասնաճիւղերի կազմած և համագումարի խորհրդից ընդունած ընդօրինցիաները, որոնցից առաջ ենք բերում միմիայն մի երկուսը: Համագումարը իւր յոյսն ու համոզմունքն է արտայայտում, որ պետական դումայում և խորհրդում համալսարանական նոր օրէնսդրութիւնը՝ մշակելիս համալսարանների կթողնուին նրանց նշանակութիւնը ոչ թէ իբրև բարձրագոյն դպրոցների, այլ և իբրև Ռուսաստանում գիտական գործունէութեան գլխաւոր կենդրոնների: Այլ մասնաճիւղը գտնում է անյետաձգելի նոր բարձր գիւղատնտեսական դպրոցների բա-

*) Օգտուել ենք Русск. вѣд.-ից.

ցումը. ապա ցանկութիւն՝ յայտնուած էր բուսականութեան այն կտորների պահպանման և խնամքի մասին, որոնք որոշ հետաքրքրութիւն են ներկայացնում բուսաբանական-աշխարհագրական տեսակէտից:

Նիստը և առհասարակ համագումարը փակելուց առաջ նախագահը առաջարկեց շնորհակալութիւն յայտնել այն բոլոր հաստատութիւններին և անձանց և մանաւանդ Մոսկուայի համալսարանին, պոլիտէխնիքական Մուզէումին, Մոսկ. բոլոր բարձր դպրոցներին և այլն ևն, որոնք իրենց բնակարանները բաց արին համագումարի կարիքների համար և այն գիտնականներին, որոնք սիրալիր կերպով ընդունեցին ժողովներում ճառելու առաջարկը:

«Թոյլ տուէք, պարոններ, վերջացրեց իւր խօսքը նախագահը, ցանկութիւն յայտնել, որ բոլորդ պահպանէք լաւագոյն տպաւորութիւնները, որ դուք տարածէք ամբողջ Ռուսաստանում այն լաւագոյնը, ինչ որ կտանէք այս համագումարից, և որ այս գիտական աստառի վրայ ընկերական շփման հետեանք լինի ուս գիտութեան և ուս դպրոցի նոր աճումը և նոր վարճացումը:

Յայտարարում եմ ուս բնագէտների և բժիշկների XII համագումարը փակուած»:

Մի քանի վայրկեանի խորը լռութիւնը, կարծէք արտայայտում էր բոլորի այն անախորժ միտքը, թէ այդ արտասանած խօսքերով ամեն միւր կորցնում է մի ինչ որ անբացատրելի աննիւթ իր, որի մասին յիշողութիւնը, իրօք, երկար ժամանակ պիտի ուղեկցէ ամեն մէկին:

Համագումարի ընդհանուր պատկերը լրացնելու համար, մեզ մնում է երկու խօսք ասել այն ցուցահանդէսների մասին, որոնք, ճոխացնելով համագումարը, լրացնում էին նրա նշանակութիւնը:

Համալսարանում սարքած էին հետեւալ ցուցահանդէսները.

Թռչնարուեստի ցուցահանդէսը դասաւորուած էր համալս. նոր շէնքում: Գլխաւոր մուտքի սանդուխտների վրայից թևատարած ծածանուում էր Տէրէշչէնկօի սիստեմի աէրօպլանը, որը շինուած է Կիւտւմ 23 օրուայ ընթացքում: Աւելի բարձր, երրորդ յարկում, գտնուում են երկու թեթև ձկներ (տարազներ) «դուբս» և «կայսեր. տեխնիքական դպրոցի սիստեմի պլաներները:

Ապա շարքով դասաւորուած են զանազան սիստեմի մոդելներ, լուսանկարներ, աէրօպլանի մասեր, նկարներ...

Բաւական մեծ տեղ է զրաւում օդի ընդդիմադրութիւնը ուսումնասիրելու համար խողովակը, որ սարքուած է Մոսկուայի համ. համար պրօֆ. Ժուկովսկու հսկողութեան տակ: Բացի այդ ամենից այս ցուցահանդէսին յատկացուած է մի ամբողջ

սենեակ, որը երբէք յաճախողների պակասութիւն չի գգում: Այս սենեակում թոչնարուեստը ներկայացրած է ամբողջութեամբ, սկսած Լիլիէնտալի պատմական թեւերից, որոնց վրայ փորձեր անելիս այնքան ցաւալի վերջ ունեցաւ անվախ ուսումնասիրողը, և որը իւր անաշող փորձից առաջ եկած մահից երկու ժամ առաջ, արդէն վնասուած վիճակի մէջ բացագանչեց՝ «Մի վախենաք թռչել, դա այնքան էլ դժուար չէ»: և մինչև մեր օրերում նորանոր փորձերի արդիւնքները: Այցելողներին բացատրութիւններ էին տալիս ուսանողներն ու մասնագէտները: Այստեղ կարելի է պատահել Ֆարմանի, Ռայտի, Բլէրիօի, Սանդոս-դիւմոնի մեքենաների տարազները և զրանց շարքում օգային օձեր, հին և նոր ձկնի:

Բաւական հետաքրքիր է պրօֆ. Ժուկովսկու թեւերի շարժողութիւնը ուսումնասիրելու մեքենայի ձևը և Սպլցինի նոյնանման մեքենան միջատների համար:

Նոյն շէնքում և յարկում մի ընդարձակ սենեակ գրաւում է մաթեմատիկական և մեքենագիտական տարազների ձևերը, որոնք գլխաւորապէս գործածուում են մաթեմատիկայի և մեքենագիտութեան օրէնքները ապացուցանելու համար:

Բաւական ընդարձակ տեղ է գրաւում «Գրոսման և Կնէբէլ» տեսական ձեռնարկների ֆիրմայի ցուցահանդէսը: Այստեղ կարելի է գտնել բնական գիտութեան դասատւութեան վերաբերեալ ամեն մի նոր և նպատակայարմար բան: Մի սենեակ յատկացուած է աստղաբաշխութեան: Աչքի են ընկնում մոլորակների լուսանկարները, որոնցից լուսնի լուսանկարի տրամագիծը հաւասար է մօտ մի մէտրի, ալպինիստական երկու ցուցահանդէս է, դասաւորուած երկու սենեակում: Մինը «ուռ լեռնային ընկերութեան», երկրորդը «կովկասեան լեռնային ընկերութեան»: Թէ մինը և թէ միւսը հարուստ է բազմաթիւ լեռնային գեղեցիկ տեսարանների լուսանկարներով: Այստեղ կարելի է տեսնել նոյնպէս և ճանապարհորդութեան ժամանակ գործածուող անհրաժեշտ իրերն ու գործիքները, որոնցով օգտուում է ամեն մի ճանապարհորդ, զանազան գիտական ուսումնասիրութիւններ կատարելու:

Համալսարանի ֆիզիքայի ճեմարանի շինութեան վերին յարկում բացուած էր ֆիզիքական գործիքների ցուցահանդէս:

Սիմնս և Գալսկէ, Ռէյնիգէր, Լիպշից և Լիֆշից, Շվաբէ և Տրընդինի ֆիրմաների էքսպոնատներն էին ցոյց դրուած ուր նոյն պէս տրուում էին մանրամասն բացատրութիւններ: Վերջին երկու ֆիրման բացի դրանից հրաւիրում էին անդամներից մասնագէտներին, նայել իրենց խառնութիւններն ու գործարանը: Ենայի յայտնի

Յէյսսի Ֆիրման մի առանձին սենեակում ի ցոյց էր դրել իւր գործարանի արտադրութիւնները: Նոյն Ֆիրման ներկայացուած է և մի ուրիշ տեղ, որի մասին մենք դեռ խօսենք: Ի միջի այլոց այս սենեակում զրուած է մի մանրադիտակ ուլտրամանուշակագոյն ճառագայթներով մանրալուսանկարելու համար: Ուշադրութեան արժանի է և ուլտրամանրադիտակը, որի մի ուրիշը զրուած է և քիմիական աշխատանոցում:

Համեմատական մարդակազմութեան ճեմարանում զրուած են մի շարք իւղաներկ պատկերներ անասնազրութեան վերաբերեալ, որ նկարել է պրոֆ Մենզլերի ցուցումներով նկարիչ Վատագինը: Սա մի գեղեցիկ և գիտական փաստերի վրայ հիմնուած մի արժէքաւոր սէրիա է, որը ընդօրինակութեամբ, ինչպէս ասում են, պէտք է մտնի Մենզլերի մի աշխատութեան մէջ կենդանիների աշխարհազրութեան վերաբերեալ:

Ամեն մի էստէտիքական տպաւորութիւն առանձին նշանակութիւն է ստանում, երբ անհատը ինքը անձամբ է կրում այդ տպաւորութիւնները, մանաւանդ երբ հարցը գեղարուեստական նկարների է վերաբերում, այդ իսկ պաշտօնով մենք չենք խօսում աւելի մանրամասն այդ պատկերահանդէսի մասին:

Բնախօսութեան և հիւսուածքանութեան մասում սարքուած էր մանրադիտակների հարուստ ցուցահանդէսը: Այստեղ ի ցոյց էր դրուած և մի շարք գունաւոր մանրալուսանկարչութիւններ: Այս ցուցահանդէսը միշտ բաւական հետաքրքրուողներ էր գրաւում, որովհետեւ Ռուսաստանի և Եւրոպայի ութը յայտնի Ֆիրմաների գործիքները ունենալով, մանրադիտական արուեստի վերջին խօսքն էր ներկայացնում:

Այստեղ էր ներկայացրած և Յէյսսի Ֆիրման: Այստեղ տըրւում էր մանրամասն բացատրութիւններ տեսագիտական ապակիներ պատրաստելու արուեստին վերաբերեալ: Բացի թուածներից բացուել էին և հետեւեալ ցուցահանդէսները՝

Մոսկ. համալս. առողջապահ. ճեմարանում «Առողջապահական ցուցահանդէս». հողմագիտական ցուցահանդէս:

Մաթեմաթիկական ընկերութեան ցուցահանդէս, վիճակագրութեան ցուցահանդէս, հակաթաքախտային ցուցահանդէս, որը անագին հետաքրքրութիւն է ներկայացնում, ամփոփելով կարելոյն չափ թուերում մարդկութեան այդ մեծ ախտի ներկայ դրութիւնը և քրոպական թուրք երկրներում:

Բացի այդ ամենը Մոսկ. համալս. համագումարի անդամների համար բացել էր իւր հարստագոյն գիտական հաստատութիւններն ու թանգարանները, կենդանաբանական մուզէումը:

Ֆիզիքայի ճեմարանի ընդարձակ աշխատանոցները (лаборатория): Երկրաբանական և հանքաբանական թանգարանը: Մարդաբանական և ազգագրական թանգարանները. հողագիտութեան ինստիտուտի (агрономич.) թանգարանը: Բաց էին նոյնպէս՝ Մոսկ. հասարակական և Ռուսեանցի պատմական մուզէումները, բոլոր պալատները. պօլիտեխնիքական մուզէումը, առողջապահութեան մուզէումը, Արէզիսկովի պատկերահանդէսը. կենդանաբանական այգին, բուսաբանական այգին, և այն ամեն տեխնիքական հիմնարկութիւնները, որոնք որոշ հետաքրքրութիւն են ներկայացնում:

Բաց էին և բոլոր բարձրագոյն դպրոցների թանգարանները ու գիտական հաստատութիւնները:

Այս բազմազանութեան մէջ աննկատելի կերպով անցան համազումարի օրերը տալով հարուստ նիւթ և աշխատելու նոր եռանդ:

Վերջացնելով այս խիստ համառօտ ակնարկը, ցանկանք որ հետևեալ համազումարի ժամանակ, որ լինելու է Թիֆլիսում, Կովկասի մայրաքաղաքում, համազումարի անդամները դրուած լինեն նոյնպիսի բարեյաջող և նպաստաւոր հանգամանքներում, որպէս զի Կովկասից ցրուելով դէպի լայնատարած Ռուսիան, համազումարի անդամները ճիշտ և ցանկալի լոյսը սփռեն Կովկասի քաղաքակրթութեան մասին, ոչնչացնելով զանազան նախապաշարումները:

Ա. Վ.

Մոսկուա

ՆՈՐԱԳՈՅՆ ՊԱՏՄԱԳԻՏՈՒԹԻՒՆ ¹⁾

ՀԻՆԳ ԴԱՍԱԽՕՍՈՒԹԻՒՆ

ԿԱՐԼ ԼԱՄՊՌԵԽՏԻ

Այս միջոցով կալուածատիրական և ճորտական զրու-
թիւնների մէջ մի փոփոխութիւն էր առաջ եկել, որը պատ-
րաստ էր լրանալու. սա մի հոգեկան կեանքի, այս անգամ բոլո-
րովին նոր, սովորական ժամանակին պատկանող, հասարակա-
կան հիմք դարձաւ: Կալուածատէրերը չէին բաւականացել նրա-
նով, որ իրար մէջ միատեսակ մասսա, միատեսակ, բնական
տնտեսութեան հետեւող կապալառուներ զարգացնեն: Նրանք
ճորտերի հետ կապուած էին իրենց ծառայեցնելու պահանջնե-
րով և այս ծառայութիւնը նրանք աստիճանների բաժանեցին
և առաջ բերին մի շարժում, որի հետեւանքն եղաւ գիւղացիա-
կան ցածր ծառայութիւն կատարողներին կից աւելի բարձրնե-
րի առաջ դալը, այսինքն պատերազմական ծառայութիւն կա-
տարողների մի շերտ, որը իրենց ստոր շերտից բաժանուած էր,
որը ձգտում էր ճորտութիւնը ազնուականութեան մի դաս դար-
ձնել և որը իւր այս ձգտման մէջ առնուազն ծիաւոր, ասպե-
տական ռազմիկի իդէալը զարգացրեց: Այս տրդէն նախարա-
րութիւններ առաջ դալու գեղեցիկ ժամանակն է. առաջին շտա-
ռաֆների ծաղկեալ ժամանակը, երբ Ֆրիդրիխ Ա-ն պետութեան
ծառայողների օգնութեամբ վերին Իտալիան ֆինանսական տե-
սակէտից իրեն ենթարկեց. չենրիկոս Դ-ը նոյն օգնութեամբ
հարաւային Իտալիան և Սիցիլիան պիտի նուաճէր, երբ գեր-
մանական քաղաքական պատմութեան վճռական ըոպէին, երբ
արեւելք շարժուելու և միջերկրեայ կայսերութիւնը հիմնելու ան-

¹⁾ Լուծայ 1910 № 1

յետածգելի ծրագիրները կային, վաղաժամ մահով մեռաւ. ազգն էլ դառնագին սղաց այդ մահիւր:

Ի հարկէ այս բոլոր դէպքերը ժողովրդի բոլոր շերտերին, ամենից առաջ իրանց նախարարութիւններին պէտք է հոգեպէս ցնցէին և վերակազմէին: Ել ինչն էր մնում անհասանելի, երբ պետութեան ծառայողները, նրանց որդիները, դեռ պէտք է ամուսնութեան իրաւունքը կայսրից ստանային, որոնց կայսրը կարող էր մէկին նուիրել կամ մի ուրիշի հետ փոխանակել և կոմսեր, իշխաններ, հերցոգներ էին դարձել հրաշալի խալիֆաների դուռնի: Թւում էր, որ կեանքը դարձել է մի թափառում, մանաւանդ որ կալուածատիրական զարգացման ընթացքում նոյն իսկ ստորին գիւղացիական շրջանները իրենց դրութիւնը պահպանելու ընդունակ էին. հայրենի գիւղերից երկրագործների և լաւ մարդկանց հաղարներ և տասնեակ հազարներ ուղարկում էին արեւիք զաղութներ ձեռք ձգելու՝ Ելբայի և Գանուբի միւս կողմերը և դէպի ցած, որ հիմնեն այն նոր Գերմանիան, որը ներկայիս ազգային սեփականութեան երկու հինգերորդ մասն է կազմում:

Այս դէպքերը համարեա՛ իրենց յեղաշրջեցին. հողային հիմքերից դուրս գալով նրանք միաժամանակ նախադրեալներ եղան մի վերջին զուտ հողային հոգեկան կուլտուրայի՝ 12 և 13-րդ դարերի ասպետական կուլտուրայի:

Այս անցքերը ամբողջովին չեն զրաւում այդ ժամանակը: Սրանց կողքին տեղի են ունենում ոչ պակաս կարեւոր դէպքեր, որոնցից առաջ են գալի նախնական դրամատնտեսութիւնը, սկզբնական քաղաքացիութիւնը, ամենավաղ ժամանակի քաղաքային կուլտուրան: Թէ ի՞նչ ձևով արդեօք զարգացման այս երկար շարքի մասերը առանձին առանձին առաջ են զնացել, այստեղ մանրամասն չի կարելի նկարագրել հէնց այն պատճառով, որ ծանօթ կամ գուշակելի դէպքերից ամեն մէկը, հետազոտութեան դէպքում տարբեր կնկարագրուի և կարժէքաւորուի: Այս նկարագրութիւնների և վճիռների քննութեան մէջ մտնել այստեղ, նշանակում է այս դասախօսութիւնների ամբողջ տրնտեսութիւնը խախտել, եթէ իմ տեղեկութիւնները նոյն իսկ

ընդհանուր բնոյթ ունենան: Այս դէպքում պէտք կլինէր եղած տեսութիւնները մանրամասն համեմատական վճիռների միջոցով, ի նկատի ունենալով արեւմտեան Եւրոպայից դուրս եղած պատմական զարգացման նման դէպքերը քննութեան ենթարկել, որոնցից այս խնդրին վերաբերող գերմանական հետազոտութիւնից, ցաւելով խուսափում եմ. սա ի վնաս մեր միմեանց հասկանալու է լինում ի հարկէ: Այս կապակցութեամբ կբաւէ, եթէ ասենք, որ 12 և 13-րդ դարերը նկարագրուած կալուածատիրական փոփոխութիւնների հետ ներքին փոխազդեցութեամբ կապուած էին. երբ հնարաւոր էր աւելացուկներ արտադրել և այսպիսով մի սկզբնական դրամագլուխ կազմել: Քաղաքները հանդէս են գալի իրենց նախնական պատրիկներով, վաճառականական զիւղիներով և արհեստակցական միութիւններով. այս բոլորը իբրև ազգային կեանքի աչքի ընկնող տարրեր երևան են գալի և որոնք 13 և 14-րդ դարերի ընթացքում առաջին անգամ մի իսկական քաղաքացիական կույտուրա են առաջ բերում:

Եթէ այստեղ նոր ժամանակի տնտեսական և սոցիալական խոշոր անցքերի դումարը տալու լինենք, պէտք է երկու խօսքով արտայայտենք՝ ասպետութիւն և քաղաքացիութիւն: Ով այս երկու խօսքերի հետ միաժամանակ չի չիշի հոգեկան այն մեծ արժէքները, որոնց հետ անմիջապէս նրանք կապուած են: Այդ ժամանակ երևում են սիրոյ ծառայութիւնը և ծիաւորների զուարթ արկածները: Այդ ժամանակ հնչում են Վալտէր-Փօնդեռ-Փօդէլվայդէի գերմանական եղանակով երգերը և կարիքի աշխարհի երգերը. լուում են Վօլֆրամ-Փօն-էշենբախի լուրջ տողերը. հարսման Փօն—Աուէն պատմում է հանդարտ հոսանքով, զարմանալի թեթեւութեամբ կազմուած լանդերով: Այն ձևերը, որոնց մասին չիշում են քնարերգութիւնը և դիւցազներգութիւնը և որոնց մէջ կան հարուստ կրթական խրատներ, ձևակերպող արուեստները կեանքի են կանչում: Այստեղ երևում են ասպետը և կինը մանրանկարի ձևով, սովորական կեցուածքով: Գեղեցիկ ընկած զգեստի նուրբ գծերի մէջ գումար շրջապատում են մարմինը, որը չնայելով իւր ոյժին, այնուամենայնիւ երևում է, որ ծնուած է հկուն լինելու համար:

Բարձր դարակներէց ցած են նայուած իշտ կեանքի պատկեր արծառները, ինչպէս օրինակ Նաուսքուրդեան մայր եկեղեցու արեւմտեան խորանի ապաշխարողները, որ սիրոյ ժամանակի վերջին տարիների գործ է, որոնք ոչ թէ միայն սովորական ծելով ծիծաղկոտ են արտայայտուած, այլ իրենց վրայ ունին փորձուած պատկերի հետքեր և հակումն կայ իրական արտայայտութիւն տալու նրան: Այս ժամանակը մի շրջան է՝ սկզբում երկչոտ, յետագայում ամբակուռ վստահ միացած դրաւչութիւններին, երբ շինութիւնների արուեստի մէջ ծաղկում է ռոմանական անցողական շրջանը իւր հաղարաւոր պարգերի ձեւերով և նրա հետ միասին մի դարդանկարչութիւն, որը իբրեւ այլալիսին արդէն նկատուած է, սո ղինանշանների՝ առիւծի և ծաղկէթաղի ղինանշաններն են: Սրանից յետոյ սկսում է երրորդը՝ գոթական ոճը, ընթոյշ յաւելումներով, զուտ բնական դարդանկարի փորձիկ բուսական ձեւերով դարդարուած:

Այս շրջանին հետեւում է մի ուրիշը, ոչ պակաս մեծը՝ սկզբնական քաղաքացիականը: Քաղաքների տոհմերը իրենց ազատում են ասպետական կուլտուրայից, որը նրանց էլ սկզբում իւր մէջ էր առել: Այլևս մի շարագբուրգցի Գոտֆրիդ չի երգում սիրոյ դատարկ երգերի ծելով. աւելի բարձր է հնչում բարեպաշտ խորհրդաւորութեան բանաստեղծական պրօզան: Արտաքին ճղնաւորութեան հին բարեպաշտութիւնը, 10 և 11-րդ դարերի կրօնական ժամանակի ձեւերը, անյայտացել են: Խորհրդածութեան և մարդկային ոյժերի հետ կապուած համարուող հրաշքների մէջ և 12 և 13-րդ դարերում սրան համապատասխան առաջ եկած հրաշքների հաւատի մէջ սիրոյ երգը կորել է: Այժմ իշխում է բարձր, վերջին, ոչ ազտոտ ձեւը: Ինքնաարտայայտութեան խելացնորման մէջ է փնտրում հոգին Աստուծոյ հետ միանալու ձեւը: Սրա հետ միասին գոյութիւն ունեն աշխարհիկ հոգսերը և յառաջադիւծութիւնը: Բանաստեղծութիւնը մօտենում է սկսնակ երգիծաբանութեան և բնութագրութեան կոպիտ ձեւերի մեղմ երես ելնող ալիքներին, որքան իհարկէ ժողովրդական երգը նախաժամանակի հոգու հետ կապուած է: Զեւակերպող արուեստը, շինութիւնների արուեստ-

տում նուիրուած է գոթական սկզբների արագ յառաջադիմող կազմակերպութեանը, սկսում է նաև պատկեր նկարելը և իւղաներկը երեւոյթների աշխարհի մէջ յատակների արտայայտութիւնը, մինչև իսկ պարզ պատկեր էլ է նկարւում: Սպափործ է անում աւելի բարձր աստիճանի անցնել, սկսում է երրորդ շրջանը. շօշափում է գծային հեռանկարը և տեղ է պատրաստում, սկսում է չընդհատուող ընդհանուր տեղական գծերը արտայայտել, գործադրելով այս աւելի հաճոյախօսական ծեփ:

Մի նոր ժամանակ է, այո՛. հազարաւոր նշաններ ազդարարում են այս մասին: Պարզ է, ասպետները, ինչպէս և քաղաքացիները հոգեպէս և ներքուստ ազատագրում են իրենց ճնշող ձևերից և այսպիսով ազատւում են միաժամանակ նաև հին տիպիկ ոգուց: Բայց արդեօք աշխարհը նրանք 15 և 16-րդ դարերի վերածնութեան և վերանորոգութեան ժամանակի նման իրական և անհատական տեսակէտից են ըմբռնում. ի հարկէ ոչ. մի յառաջագէժ աշխարհ նրանց բաժանում է. ճիշտ է, մարդը այժմ այլ ևս տիպիկ չէ, բայց աւելի քիչ չափով անհատական է. դեռ սովորականի՛ միջին աստիճանի, միջև տարուբերւում են: Այս մասին վկայում են հասարակական սօցիալական ձևերը: 14 և մասամբ 15-րդ դարերի ասպետական և քաղաքացիական հասարակութիւնները ազատ չեն, այլ դեռ կէս ընկերական ձևերով են առաջ զնում, դեռ այդ ձևերը ընդհանուր տեղիներ են և այդ պատճառով, մանաւանդ ասպետական աշխարհը, դատարարական արտաքին իրէալներին է յարած: Ժիշտ է չափաւորութիւնը շեշտւում է. չափաւորութիւն համեմատութեամբ 10 և 11-րդ դարերի. սկզբնական կրքերի կոպիտ պոթկումների, բայց այս չափաւորութիւնն էլ նախ արտաքին ձևական տեսակէտից է ըմբռնւում և քաղաքավարութեան օրէնքների շարքն է անցնում: Այս ժամանակի քաղաքացիները աւելի ազատ են շարժւում, քան դիւղացիները, բայց նրանց փոքրիկ խմբաբաժանում ինչպէս պահելը դեռ. մի օրէնքի է ենթակայ, որի համեմատութեամբ ներկայ գերմանական ուսանողների խմելու հնաւանդ սովորութիւնները կարող են իբրև ազատ քմահաճոյքների օրինակ ծառայել:

Աւելի բնորոշ բան չկայ, քան այն, որ այժմ դեռ անհատական, կենդանի պատկեր չկայ. նոյնպէս գրական պատկերները՝ կենսադուլթիւն և ինքնակենսադուլթեան օրինակներ չկան:

Այս ժամանակի հոգեկան շարժումները աւելի և աւելի են առաջ մղուում դէպի աւելի մեծ ազատութիւն: 15-րդ դարուց ուժգին հեղեղի պէս հոսում է, որը դեռ մի խորր և ընդարձակ հոսանքի հանի ջրվեժին չի հասել: Հեղեղը անհանգիստ է, կազմոււմ են յորձանքներ, աւելի ու աւելի լսելի է լինում ջրվեժի շառաչիւնը, մինչև որ վերջապէս ուժգնօրէն վեր ցատկող ջրի կաթիլներից կազմոււած ամպերը ջրի սարսափելի թափուէլը քողարկոււմ են և միաժամանակ յայտնոււմ այդ մասին:

Յիրաւի 15-րդ դարու ընթացքում մօտենում ենք գերման ազգային զարգացման ուժեղ հարուածներից մէկին: Սկսոււած անհատականութեան ժամանակը, որ լրիւ իննը սերունդ, մինչև 18-րդ դարու կէսը իշխէ. սրա հետ սկսում է նաև այն, ինչ որ սովորաբար այժմ նոր ժամանակ են ասում:

Այս ժամանակը կարելի է աւելի համառօտ նկարագրել, որովհետև սա ծանօթ է շատերին: Առաջին շրջանում իսկական կեդրոնն է միջնադարեան եկեղեցական, առաքինութեան և նոյն իսկ հաւատոյ ձևերից ազատուելու դէպքը, իսկ երկրորդ շրջանում իշխողն է *lumen naturale* ի (բնական մարդու), բանականութեան յաղթանակը և բնագլխութեան առաջին մեծ յառաջադիմութիւնը:

Ո՞րն է այն ըուպէն, որ զարգացման այս երկու շրջաններին իրար հետ ներքուստ կապում է: Կարելի՞ է ասել, որ բանականութիւնը կատարելապէս ազատուել է և հասել իւր այժմեան ոյժի բարձրութեանը: Սրդեօք հին հաւատի ձևերից կատարեալ հրաժարման խնդի՞ր է այս: Աշխարհը արդեօք առանց այլևայլութեան բանականութեա՞նն է ենթարկոււմ:

Ակներև է, որ այժմ մտածողութեան զարգացման մի նոր աստիճանի են հասնում. նմանութիւնից, երկու իրերի համեմատութիւնից ստացած եզրակացութիւնը, դեռ նոյնիսկ միջնադարի վերջում գործածուող զիտական մտածողութիւնից ստացած եզրակացութիւնը այլևս անբաւարար են նկատոււմ:

Անող փորձառութիւնը պահանջում է այնպիսի համեմատութիւն, որը իրերի մեծ գումար ունի իւր առաջ, նմանութիւնից ծագում է ներածական եզրակացութեան եղանակը, պատճառականութիւնը վանում է հրաշքին: Այս յեղաշրջումը ամբողջ ժամանակաշրջանում չի աւարտուում: Այս դարերը, իբր անցողական երեոյթ դէպի մի աւելի բարձր, պատճառական մտածողութեան ձև, ունենում են քստմնելի, յետադարձ շարժման կախարդներին հալածելու երեոյթը ևս: Նոր սկսուող մեքենայական բնագիտութիւնը կրկին ու կրկին ստիպուած է հրաշքի գաղափարի գէձ պայքարել, դեռ 18-րդ դարում լուսաւորեալ մարդիկ հաւատում էին ուրուականների սարսափելի ոյժին: Ուրեմն տեղի ունեցաւ միայն մի յառաջադիմութիւն դէպի բարձր պատճառական գիտակցութիւնը, ըստ ոչ ազատութիւն: Այդ պատճառով նոր եկեղեցիներից և զաւանանքներից ամենից յետագէժ՝ լիտերական եկեղեցին, կարող էր հաղորդութեան գաղափարը, իբրև քրիստոնէի ազատութեան համար անհրաժեշտ գաղափար պահել: Այս պատճառով բարեփոխուած եկեղեցու յառաջագէձ զարգացումը այս գաղափարը, իբրև սկզբունքային խնդիր երկու եկեղեցիների կատարեալ բաժանման համար, չնկատեց: Նոյնիսկ բնագիտութիւնը դորձ էր դնում քրիստոնէական յայտնութեան բարձր գաղափարները, մանաւանդ Աստուծոյ գաղափարը, իբրև մտածողութեան սահման, թէև այս սահմանը ամենավերջինն էր:

Մի կողմից երևում է, որ այս ժամանակը իւր բոլոր նորութիւններով խիստ զանազանւում է 1750 թ. ից յետոյ եկող ժամանակից: Միւս կողմից պարզ է, թէ այդ ժամանակի նորութիւնները ինչ նշանակութիւն ունեն նախկին դրութիւնների համեմատութեամբ: Նախ՝ անհատը, քրիստոնէական Աստուծոյ որդին, ազատ շրջում է, ամենաշատը նա Քրիստոսի, իւր երկնային Հօր հետ ունեցած միջնորդութեամբ է սահմանափակուած. այլ ևս չկայ կղերի միջնորդութեամբ փրկութիւն և ոչ էլ միջնադարեան սրբերի, խոստովանողների և ապաշխարողների խումբը: Անհատը ինքն իւր կամքին թողած առաջին անգամ ազատ աչքով նայեց հարուստ ու մեծ աշխարհին. իւր

բանականութեան բնական լոյսով աշխատեց այդ աշխարհը լուսաւորել, առաջ եկան բնական օրէնքը, բնական կրօնը և բնական կրթութեան ուսմունքը: Պարզ է որ միաժամանակարա՞յ յառաջադիմող բանականութեան գործօնների միակողմանի զարգացման դէպքում հոգու զգացմունքի և երեակայութեան ստեղծագործող գործունէութիւնը անուշադրութեան մատնուեց. նոյնիսկ կամքի զարգացումը չեա մնաց. անհատը երևում է իւր համար միայն, անշատուած է իբրեւ. մէկը միւս մէկրօհօսածանելից: Մի՞թէ արդիւնքները նոյնչափ ուժեղ չէին: Ձի կարելի ժխտել, որ 18-րդ դարու լուսաւորութիւնը մի ուժեղ հաւասարացում, մի բնորոշ առանձնապատկութիւն տուեց, որը այս դար:սըրջանի իսկական եզրակացութեան արդիւնք է, և դեռ այսօր էլ մեր հոգում շատ աւելի, քան շատերը ենթադրում են, լի անընդհատ ոյժով, իբրեւ նոյնածին ոյժեր, ներգործում են:

Առնուազն սկզբում այս նոր, չեաագայում զուտ բանական հոգեկան կեանքը նաեւ այլ ուղղութիւններով ուժեղ յառաջադիմութիւն է ունենում: 16-րդ դարու քաղաքական կեանքը ցոյց է տալի կրօնական պատճառներից առաջ գալու ուրոյնութեամբ հանդերձ կամքի ազատութեան պարզութիւն, որ հետզհետէ փոխարինւում է աւելի ու աւելի բանական դիւանագիտութեամբ խնդուած խորամանկութիւններով: Բանաստեղծութեան մէջ վերարտադրւում հոգեկան կեանքը. հասարակական հոգեկան կեանքը արտայայտւում է իրական երգիծաբանութեամբ. անհատականը սկզբներում հոգեկան զրամայով է բացատրւում: Ձևակերպող արուեստի մէջ, յատկապէս նկարչական դիտողութեան մէջ աչքի է ընկնում յառաջադիմութիւն. գրծային հեռանկարը հասնում է ամեն տեսակ կրճատման կատարեալ յաղթանակին: Լոյսը, որ սկզբում միայն ամբողջութեամբ էր նկատւում, նիւերլանդական դարոցը 17-րդ դարում առնուազն պարզ երևոյթներում արուեստօրէն գործադրւում է և գոյների աշխարհը սրան համեմատ հանգէս է բերում առաջնութեամբ անձանօթ գեղատախտակների (Palette) հարստութիւն:

Եթէ հարցնելու լինենք այս երևոյթների ամենամերձաւոր մեծ պատճառների համախմբման մասին, որոնց մէնք անհատա-

կան հոգեկան կեանք տնտան տակ միաւորեցինք, կտեսնենք, որ պատասխանը հէնց իրենից է բղխում: Նիւթական և սօցիալական կուլտուրայի ի՞նչպիսի, համարեա անհաւատալի, յեղաշրջումներ, բարոյական ու հոգեկան հորիզոնների ի՞նչպիսի բնութայնումներ ասես, որ 15 և 16-րդ դարերը տեսած չլինեն: 14-րդ դարուց սրգէն սկսած քաղաքներում ազգային աշխարհի մէջ վաճառականական ուղիների հետ յարաբերութիւն սկսելը, ազգում է անտեսական յառաջադիմութեանը, որը համեմատաբար 19-րդ դարից յետ չէ մնում, աւելի շատ այս տեսակէտով գերազանցում է: Սրան համապատասխան առաջ են դալի հողաբաւոր նոր, սօցիալական երեւոյթներ. կազմակերպւում է վաղաժամ ձեռնարկույների մի դաս. համքարութիւններ սօցիալական բնոյթը կազմալուծւում է. հին պատրիւթիւններ և համքարութիւնը յետ է մղւում, աւելի իջնում է. դարգանում է ծառայական աշխատանքը. տնային բանուորի օրինակով, այլ և աշակերտի աշխատանքը կազմւում է պրօլետարիատը. սեզի են ունենում կազմակերպչական փոփոխութիւններ. ձգտում են դասակարգերի հաւասարութիւն առաջ բերող բնաւորութիւն ունեցող նոր քաղաքացիութիւն և կոպիտ կօմունիզմ: Պաշտօնավայրերում տերրիտօրիալ պետութիւնները զարգանում են ու դառնում նախ նահապետական, ապա բնական բացարձակ պետութիւններ. ստորին դասակարգերում սկսւում է մի շարժում. սօցիալական յեղափոխութիւն է լինում առանց հետևանքի. յետադարձ շարժումն դէպի համքարութիւնը որի տեսականութիւնը երաշխաւորւում է րոպէական թուլութեամբ. սրանցից աւելի բարձր է ազնուականութիւնը, որը օտար հասարակական իդէալով homme du monde (աշխարհիկ մարդ) բռնւում լինելով իւր ողորմած իշխանի արքունիքն էր յանախում, ժամանակաւորապէս հաւասար, առանց իւր կրծքում դասակարգային դիտակցութիւն ունենալու: Բացի այս բոլորը ճիւղիսի տիեզերական դէպքեր. տեղեկութիւններ բերելու ճանապարհորդութիւններ դէպի ճնդկական ծովը, Ամերիկայի դետր, Պերուի և Մեքսիկայի միջնադարեան ատրօքինակ կուլտուրաների հետ ծանօթանալը, կօզերնիկեան տիեզերական համակարգութեան կող-

մակերպութիւնը, Գալիլէի գիւտերը, Հէլզէնի հետազոտութիւնները, Նիւտօնի բացատրութիւնը երկրաճնշի շրջանի և վերջապէս որոշ մաքուլ յիրաւի աւելի առաջ տանող Լայպնիցի ակեղերական դիտողութիւնը բնութեան և պետութեան վերաբերեալ:

Յիրաւի սրտնք մանաւանդ նոր ժամանակի սկզբնական տարիներում շարժումներ էին, որոնք ընդհանուր հոգեկան կեանքին նոր զրգիւնների, հնարաւոր զուգորդութիւնների, կամքի ու զբաղմունքի աշխարհների նոր դործադրութեան ու ելեակայութեան գործունէութեան անհատների մի գումար բերին: Հասկանալի է, թէ սրտնք սկզբում ինչպէս խառնիճաղանձ են ազդել: Ոչ թէ մի նոր բացատրութիւն, այլ հոգեկան կեանքի կազմալուծումն է առաջին հետեւանքը: Հնի և նորի պայքարի քառասուն տարեկանութիւնները տարբերում էին, կլքելը ապաւնւած, խղճերը խանգարում, շատ ընդհարումներ առաջ եկան եղած և լինելիք իրաւունքի մէջ: Այս բոլորի մէջ հին կուլտուրայի, որը ճեղքուել էր, ճեղքումներից ու պատռումներից ներս մտաւ, սկզբում ծաղրի ու կատակի արժանացած, վշտացած ու սխալ հասկացում, բայց վերջը լաղթական նորր, ձեւակերպող ու արտայայտող գեղարուեստների մէջ մի նոր բնականութիւն lumen naturale-ի նոր գիտութիւն Աստուծոյ որդի լինելու հաւատը որը վստահութեամբ գերդպրականին էր մօտեցնում: Երբ այս նոր երեւոյթները զարգացման դարձան իհարկէ հոգեկան նոր արժէքներ: Ո՞վ չէր ուղում Աստուծոյ խօսքը Լիւտերի մաքով ու վարդապետութեամբ հասկանալ, ո՞վ չէր ուղում պետութեան ու բնութեան, մարդու և աշխարհի մասին նոր ծանօթութիւններ ունենալ: Երբ նոր արժէքը պիտակցեցին, սկսեցին ներդաշնակ կուլտուրական կեանքի համար գործադրել, որը համեմատած նախկինների հետ, աւելի բարձր էր երևում: Մի նոր հոգեկան ներդաշնակութիւն յաղթականօրէն գերիշխող դարձաւ նախկին ժամանակի խառնիճաղանձ հոգեկան դէպքերի վերաբերմամբ. մի նոր գեղարուեստական իդէալիզմ բնականի նուանումները սկսեց իւր մաքով գործադրել. նոր աշխարհայեցողութիւնը առաջ էր մղում դիտութեան ու գիտութեան միջոցով այս աշխարհի երեւոյթների վերականգնումը աւ-

բողջութիւնը վարպետօրէն շինելու համար. հին, այլ և նոր եկեղեցիներում նոր առաքինութեան ձևեր դուրս եկան: Սա նախ հոգեկան յեղափոխութեան մի պատկեր է, որը մեր առաջ բարձրանում է, որը նոր նիւթական և սօցիալական կուլտուրայի և հոգեկան հորիզոնի խիստ ընդարձակման շնորհիւ հանդէս է դալի. այլ ևս սա մի պատկեր է դրան հեաւոյ, յատկապէս ամեն ինչ վարպետօրէն շինող բանականութեան շնորհիւ առաջ եկած գոհ վիճակի:

Առաջին հայեացքից բոլորովին ուրիշ կերպ են երևում 18-րդ դարու կիսում անհատականութեան ժամանակից առաջ եկած դէպքերը, որոնք մի նոր ու աւելի ընդարձակ սօցիալ-հոգեկան շրջան առաջ բերին, որին կարող ենք անձնականութեան շրջան ասել: Այս այն ժամանակն է, որի մէջ դեռ գործում ենք, որովհետեւ չեղքերի ու Գեօթէի, Շիլլէրի ու Կանտի անձնաւորութիւնները ամբողջովն են մեզ հետ և մեր մէջ: Այս ժամանակի առաջին շրջանը այսպէս ասած զգայնութիւնն է. ապա յղիւղերի ու աւելիների ժամանակի շնորհիւ, դասականութիւնը և ուսմանտիղը, ուշադրի և իրենց նախորդների մտքերն ու գաղափարները քարոզողները ֆնացին մինչև 19-րդ դարու 70-ական թուականները. անձնականութեան երկրորդ շրջանից մեր անմիջական ներկայի հոգեկան երևոյթները առաջ եկան:

Այս նոր ժամանակին զուգընթաց չի եղել ոչ մի արտաքին յեղափոխութիւն: Ամենաուշը 16-րդ դարու կիսից աշխարհի առևտրական մեծ ճանապարհները հեռանում են Գերմանիայից, միջին Եւրոպայի տնտեսական տեսակէտից լեթարգիայի մէջ ընկաւ, մինչդեռ Եւրոպական ծովափնեայ պետութիւններն ու երկրները, դրանց մէջ գերմանական երկրից մինչև Նիդերլանդիան և անկասկած չամբողջորդ, դառնալով զէպի մեծ ծովերը տրոստեսապէս սկսեցին բարձրանալ: Գերմանական էութեան անհատականացումն է այս, յատկապէս գերմանական քաղաքակրթութեան, որը 30-ամեայ պատերազմների սարսափելի կորուստների շնորհիւ աւելի բարձրացաւ և որոշ մտքով սահմանափակուեց: Ազգերի մեծ յղիւղերի և տիեզերապետական գործերի ժամանակը անցել էր. ապրում էին իրենք իրենց մէջ սովոր-

փուլած. սեփական կուլտուրայի աստիճանը ընկնում է շնորհիւ անբուռններ շարունակ օտար կուլտուրայի քայքայող տարրերի մուտքին:

Սակայն այս բոլոր հիմք կազմող երևոյթների մէջ կաղմուեց շուրջ 1650-թ-ի մի նոր կուլտուրա և մի ապագայ, բարձր հողեկան գոյութիւն կրող շերտ: Բաղաքացիութիւնը իւր տրնտեսական կողմով դեռ չբաժանուած գործունէութիւնից հեռու էր. բայց դեռ չէր սնանկացել. մասամբ նախկին, 30 ամեայ պատերազմների շնորհիւ դեռ բոլորովին չքայքայուած զրամպուլիսը վայելելով էր ապրում և բաւական ազատ ժամեր ունէր. որոնցից և օգտուում էր, ներքուստ, հոգեպէս բարձրանալու համար: Այսպիսով առաջ եկաւ, այսպէս ասած, կրթուած հասարակութեան մեծ մասը, որը շուրջ 1700-ի գերմանական երկրում բաւական տարածուած էր, մանաւանդ որ բացի զուտ քաղաքացիական կոչում ունեցողներից, պաշտօնով ու զիտութեան մէջ մասաւոր աշխատաւորների մեծ մասը և աղնուականութեան խոշոր բաժինը այս բանը առաջ գալուն նպաստում էին: Այս ոչ զուտ սօցիալական, այլ աւելի շուտ բոլորովին ժամանակի հոգուն համապատասխան, շատ կողմերով աւելի շուտ բնական մի նոր հոգեկան կեանք ծնող միջավայր էր. որի վրայ աւելանում էին օրէ ցօր նոր գրգիռների մեծ գումարներ, յատկապէս ընթերցանութեան շնորհիւ: Այսպէս էր նախ 1700 ից սկսած. 18-րդ դարու առաջին կիսում գերմանական երկրում դարուկէս կրթութեամբ հասարակութեան համար լրագիրներ են առաջ գալի: Եւ ի՞նչ ասես, որ այս լրագիրներում չէր շօշափուում լուսաւորութեան հարցերի համար ընդարձակ տեղ, բացի այդ բանաստեղծութիւն և փիլիսոփայութիւն, մեծ մասամբ Լայբնիցի և նրա մտքերը ժողովրդականացնողների մտքով, այլ և գործնական ու քաղաքական խնդիրներ: Միաժամանակ հաղարաւոր տեղեկութիւններ եւրոպայի անցքերի ու զրութիւնների առաջ եղած վարագոյրը մի կողմը քաշեցին և հետզհետէ հայեացքները սովորեցին աւելի հեռուն գնալ, մինչև աշխարհիս ժողովրդների մասին տեղեկութիւնների վերջին հորիզոնը:

Այս շարժումներից հետզհետէ կաղմուեց մի նոր հոգեկան

կառուցուածք, մանաւանդ որ նրա՛նք ուժեղ յետադիմական զգացումների հետ էին կապուած, ընդդէմ միանալ ժամանակի զուտ բանական վարդապետութեան: Իհարկէ իւրաքանչիւր էլքին մօտեցող ժամանակ իւր կույտուրայի նոր նուաճումները բանակով է դարձնում: Այսպէս միջնադարի վերջում զոթական ոճը Փլաթայեան (հարտարապետական ոճի տեսակ) դարձան. երաժշտութիւնն էլ կօնտրապունկը թէ՛մայական, սխօլաստիկան էլ չորացաւ: Քանի որ առանձնացած անձնաւորութիւն միկրոփօզմի ժամանակը ըստ ինքեան գիտակցութեան առաջ բերած կուլտուրային էր հակուծ, անհատականութեան ժամանակը ծառայում էր բանականացմանը, մանաւանդ որ հոգեկան կեանքի ամեն շրջան ներս էր խուժում: Աւելի բնական ի՞նչ կլինէր, բացի այն, որ շարժումը աւելի ևս սաստկանում է և ուղղակի առաջնորդում է դէպի նոր ժամանակը: Այս կարգին պատկանող երեւոյթներից մի քանիսներն են, բարեպաշտութիւնը, զգայնութիւնը, չղջերը ու տենչերը. սոքա աղատում են հոգու կեանքի գործօն ոյժերին, որոնք կարիք էին զգում օտար հոգու մէջ արծաղանդ գտնելու, ազատում են նաև զգացմունքին ու կամքին երկար սարկութիւնից. սրանք ողևոտում առաջ եկան և շարունակեցին մինչև նոր ժամանակի անձնականութիւնը: չէնց այս հոգեկան գործօն ոյժերն են, որոնք այս ժամանակի անձնաւորութեանը բնութագրում են իբրև անհատ. սրա զգացմունքը գործում է սկսած նախկին ժամանակի ընկերութեան պաշտամունքից մինչև 19-րդ դարու ընդարձակ ազգային ոգևորութիւնը. կամքի պաշտամունքից առաջ է գալի սկզբում հանճարեղի իգէան, իսկ յետոյ Բիսմարկի ոյժի քաղաքականութիւնը:

Այս դէպքում յատկապէս տեսնում ենք մի ժամանակաշրջանից միւսին անցնելու գործողութիւնը, որովհետև անցեալից հարուստ աղբիւրներ կան. ծանօթանում ենք հոգեկան բաժան-բաժան դրութեան հետ, որոնցից միայն նոր ժամանակը ստանում է իւր լրիւ և բնորոշ իշխող ծայրը: Կարող ենք տեսնել, ինչպէս եղակի անձնաւորութիւնները շարժման բուն հոսանքի մէջ կանգնած անթիւ նոր գրգիռներ ունենալով և սրանց համար

առանձնապէս օժտուած լինելով, այս աւելի քան ուժեղ հոսանքին չեն կարողանում տէր դառնալ: Մենք այժմ ապրում ենք այն, թէ ի՞նչպէս նրանք հոգեպէս փոխուում էին: Այլևս իրենք իրենց չկարողանալով իշխել շատ շուտ ապաւորութիւնների ենթարկուեցին. լինի այս այն դէպքում, երբ շատ զգուշկոտ սանդղադորձող բնաւորութիւնը ինքնաներշնչման է ենթարկւում, ուստի և չափազանցադրած, մեծութեան հասցրած սեպհական կարողութիւններին, և ռօմանտիկ հեզնանքին, համաշխարհային թախծին և յոռետեսական հակումներին մօտ են զգում իրենց, կամ այն դէպքում, երբ ընդհանուրի զգացմունքին հակուելով, հոգեկան կեանքի նոր երևոյթների շնորհիւ այն աստիճան ներշնչւում են որ նրանց գաւառութիւնը հանճարի կուլտում այլասեռւում է, նրանց կամքը զառնում է ինքնաշարժ ի վնաս անձնական, կամայական պատկերացումների, խակ որոշումներ են տալի այն բարոյական պարտականութիւններին, որոնք իւրաքանչիւր հոգեկան նոր կեանք հանգէս դալու դէպքում առանց բացառութեան մեծ քանակութեամբ երևում են: Բայց ուր որ էլ նորի այս ուժեղ ու հիւանդագին ազդեցութիւնները երևում են, տեսնում ենք, որ անձնաւորութիւնները զգալիօրէն քիչացել են, նորը հետազօտողի զոհաբերութեան հասած համարձակութեամբ նոր զրկւունքին անձնատուր են լինում, հասկանալու համար նրանց ի՞նչ լինելը:

Այս դրութիւնները յատկապէս բնութագրում են 1750—1780 թուականները և կրկին 1800—1810-ը և աւելի. այստեղ շնորհիւ այս անձնատուր լինելուն ու ներշնչմանը, բնութեան ու հոգու աշխարհներում աւելի նոր, խորը հայեացքներ են ձեռք բերւում, քան առաջներում: Նկարչութեան մէջ երևում են առաջին անգամները դէպի լոյսի իրական գործադրութիւնը. բանաստեղծութեան մէջ պարուրիստական, խիստ զգացմունքի ու կամքի գործօնները մասերի են բաժանւում, ուստի իբրև նոր երևում է մեծ մասամբ հոգեբանական դրաման. հոգեկան զիտութիւններում երևան է բերւում ժողովրդի հոգին, որ նշանակում է սոցիալ-հոգեբանութեան հետազօտութեան

շրջանում առաջին փորձն անել: Այս գիւտի հետ զուգընթաց գնում է մի ձգտումն՝ հոգեբանութիւնը իբրեւ մաքուր գիտութիւն բնագիտութեան ազդեցութեան սահմանից դուրս հանել: Միաժամանակ իրական կեանքում ու քաղաքագիտութեան մէջ երևում են ուժեղ նորութիւնների սկզբնաւորութիւնները. անձնաւորութեան իբրեւ սոցիալ հոգեբանութեան զոյութեան մի մասնիկի հասկացողութիւնը առաջնորդում է զէպի հասարակական կեանքի նոր ըմբռնումը, որը միջին աստիճանը կազմող ինքնավարութեան վրայ կառուցանելու է բոլորի օժանդակութեամբ առաջ բերուած պետական կազմի ձևերը. իրական կեանքը չի երևում այլ ևս իբրեւ վերից եկած օրէնսդրութեան արդիւնք, այլ իբրեւ ժողովրդի հոգու կարգը որոշող ազդեցութիւնների հետեւանք:

Հազարաւոր նոր կազմութիւններով արթնանում է նոր կեանքը. չի լինում ազգային զարգացման և ոչ մի կողմ, սկսած ամենահասարակից մինչև պատկառելին, որին պտղաւէտ կղարձներ նու:


Մօտենում են այն տարիները, երբ խառնիխուռն հասունացած սերմերից խուրձեր են կապում ազգային տիրապետութեան ամբարներում տեղաւորելու: Տենչերի ու յոյզերի ժամանակին հետևում է Դէօթէի և Շիլլերի դասականութիւնը, Կանտի փիլիսոփայութիւնը և Պրուսիայի պետական կազմը 1806-թ-ի անկումից յետոյ նաև ռօմանտիզմը, որը յոյզերի ու տենչերի շարունակ հեղեղումներից ստիպուած, իբրեւ հակահեղեղ առաջ եկան 30-ական թուականների ռէպրիզմը և ազգի քաղաքական միութիւնը 1848, 1866 և 1870 թուերին: Մարդիկ իրենք իրենց գտան այս նոր ուժգին իրականութեան մէջ, երևացող անձնականութեան կեանքը սկսեց առաջ գնալ պառակտուած հոգեկան զրութիւններից դէպի ի մի ամփոփելու, դատելու ու եզրակացութիւն հանելու ժամանակը: Սրա հետ միասին սկսում են իդէալիստական շրջանի մեծ երևոյթները. Դէօթէի և Շիլլերի անմահ ստեղծագործութիւնները, իդէալիստական փիլիսոփայութիւնը, իրական բնագիտութիւնը, ազգի տնտեսա-

կան կեանքի չլուսած միութիւնը, պետութեան քաղաքական և պետական կազմի ստեղծումը:

Այսօրուայ համար մենք մեր նպատակին հասել ենք: Իհարկէ անձնականութեան այս նոր նկարագրած առաջին շրջանին, սկսած 75 թուերից հետեւում է մի նոր շրջան. այս մասին դեռ մանրամասն խօսք չի եղել: Այս դաստիարակութեան բովանդակութիւնը ոչ միայն բաւական է գերմանացիների, իբրեւ մի ազգի, ներքին զարգացման մասին մի հայեացք ունենալու համար, այլ և սրանով շօշափուել է մի հարց և այնքան աւելի ուժեղ է այդ հարցը, որքան նոր ժամանակին ենք մօտենում, որը հարուստ է ստացուածք՝ երով, որը մեր առաջիկայ դաստիարակութեան զբաղման նիւթն է լինելու: Երեւում է, որ այս ամենը, ոչ միայն գերմանական պատմութեան սահմաններում ամենակարեւոր հարցն է, թէ ինչպիսի հոգեկան ընթացքներով է կազմւում կուլտուրական ժամանակը, ինչպէս ցոյց տուինք՝ այլաբանական, տիպիկի, անհատականի և անձնականի՝ մերձակայ սօցիալ հոգեբանական ժամանակում տարրալուծում են, այլ և որ այստեղ շօշափուում է կուլտուրական ժամանակի հոգեկան մեխանիկայի հարցը: Որ այդպիսի հարց կարելի է առաջարկել, անկասկած է, եթէ ի նկատի ունենանք մեր ձեռքի տակ եղած նիւթը: Թէ ինչպէս պէտք է առանձին առանձին պատասխանել և լուծել, պէտք է շնորհիւ մինչև այժմ չիշուած նիւթի և միաժամանակ նորագոյն սօցիալ հոգեբանական փոփոխութեան, որը յատկապէս քաջ ծանօթ է և մեզ համար հեշտ հասկանալի օրինակ, միւս դաստիարակութեան մէջ պարզել:

Pessimist

(Կը շարունակուի)



ՄԱՏԵՆԱԽՕՍԱԿԱՆ

ՊԱՏՄՈՒԹԻՒՆ ՀԱՅՈՑ ԿԻՐԱԿՈՍԻ ՎԱՐԴԱՊԵՏԻ ԳԱՆՁԱ-
ԿԵՑԻՈՅ. ԹԻՖԼԻՍ 1909 Գ. 30 Կ.

Հոյս տեսաւ Կիրակոս Գանձակեցու պատմութիւնը հանգու-
ցեալ Ա. Ղուկասեանի կտակած գումարի շնորհիւ:

Բայց ում համար:

Երեսուն տարուց աւելի հրատարակուող «Մշակ» թերթը և
մեծ գոհողութիւններ ստացած «Հորիզոնը», որին ախորհրդներ
ջանքով հաղել էին տարածում, բաւական մեծ պարտք ունին: Կար-
դացող չկայ: Հայ ինտելիգենցիան մայրենի լիզուով չի կարգում:
Կովկասում կայ առնուազն 3-5 հազար ինժեներ, բժիշկ, իրաւա-
բան, բանկիր և այլ բարձրագոյն կրթութիւն ստացած հայեր, ու-
րոնցից հինգ հարիւրը միայն հայերէն կարդալ և հասկանալ գի-
տին: Կարդալ և հասկանալու համար աշխատանք և գաղափարի
սէր է հարկաւոր, իսկ հայ ժողովրդի ղեկավարները միշտ այս
յատկութիւններից զուրկ են եկել: Հայ մարդը երբոր մի փոքր
ոյժ է սկսում զգալ՝ նա ամեն բան մ'առնում է: Այսպէս են ե-
ղիլ ոչ թէ վատ տարրերը, այլ և գաղափարական գործիչները,
ոչ միայն երեկուայ չքաւոր միլիոնատէրերը, որոնք ամօթ են հա-
մարում իրենց որդիներին հայերէն սորվեցնելու, այլ և գաղափա-
րի և իրր ազգասիրութեան համար գործողները:

Երբոր հայը ուժեղանում է, նա իբրև քարեոր ստրկութեան
ընտելացած մարդ, ձգտում է ստրկացնել: Այս պատճառով գաղա-
փարի համար և ժողովրդի օգնութեամբ ստեղծուած կուսակցու-
թիւնները շատ շուտ մոռացան իրենց գոյութեան պատճառը և
նպատակը, երբոր ոյժ ստացան՝ նրանց մարդիկ սկսեցին ա-
ւելի վատթար բռնութիւններ կատարել, քան թէ ախ բռնակալ-
ները, որոց դէմ նրանք կուռւմ էին: Աւազակութիւն, անմեղ
մարդիկների սպանութիւն, առևանգում և հազար տեսակ անիրաւու-
թիւններ կատարուեցին: Նոր կարգացինք «Մշակ»-ում Թաւրի-
զից մի հայ կնոջ սպանութեան մասին, որ կատարուել է կուսակ-
ցական տականքների ձեռքով կողոպուտի համար: Բռնութիւնը

բնականաբար ստեղծում է վրիժառու թեան ձգտում և այս պատճառով հայի անդուստի եսամոլութիւնը միշտ ստեղծել է դաւաճանութիւն: Այս երկու յատկութիւնները, ոյժ ունեցած ժամանակ անդուստի և յանդուգն և վրէժխնդիր լինելու անյագ ծարաւ, վաղուց վկայում են բոլոր հայ պատմագիրները: Կիրակոս Քանձակեցին Անի քաղաքի մի աւերումի մասին, որ կատարուեց թաթարների ձեռքով, գրում է, որ քաղաքը շատ հարստացել է և յանդգնացել, իսկ յանդուգնութիւնը և ամբարտաւանութիւնը, նստում է հեղինակը, միշտ տանում է դէպի կորուստ «և յոյժ փարթամ էր քաղաքն ամենայն իրօք: Վասն որոյ յաղթութիւն՝ յամբարտաւանութիւն ած զնոսա, և յամբարտաւանութիւնն ի կորուստ, որպէս սովոր է առնել յիսկզբանց և այսր»: Յետոյ պատմագիրը պատմում է, որ Չարմաղանն, որ պաշարել էր քաղաքը դեսպան ուղարկեց և պահանջեց անձնատուր լինելու, իսկ ամբարտաւանացիները պահանջեց անձնատուր լինելու, իսկ ամբարտաւանացիները պահանջեց անձնատուր լինելու (այժմ էլ երբ բանտարկութիւնները սկսուեց՝ մատնիչների թիւը անհամար է):

«Այլ և ոմանք յիշխանաց քաղաքին ձեռնատու եղին առ թշնամիսն, զապրուստ անձանց շահելով (այժմ էլ ռոճիկներ են ստանում, և նոցա կոչեալ արտաքս՝ ի քաղաքէն բազմութիւն, խոստացան ոչինչ առնել նոցա չար, և նոցա կոչեալ արտաքս՝ ի քաղաքէն բազմութիւն, բաժանեցին զնոսա յինքեան, և սուր ի վերայ եղեալ կոտորեցին անհասարակ անողորմաբար, սակաւ կանայս և մանկունս թողեալ, և արս արուեստաւորս, զոր վարեցին ի դերութիւն. և ապա մտեալ ի քաղաքն, առին զինչսն և զստացուածս նոցա, և կողոպտեցին զամենայն եկեղեցիս, և աւերեալ քանդեցին զամենայն քաղաքն, եղջին և ապականեցին զփառս վայելչութեան նորա (երես 245):

Այսօր էլ մեզ հետ նոյնպէս են վարւում մեր պատմական յատկութիւնների պատճառով: Թուրքիայի կոտորածները տեղի ունեցան 1895 թուին այն ժամանակուայ ղեկավարների և գործիչների անմտութեան շնորհիւ, իսկ երբոր Օրմանեան սրբազանի պատրիարքութեան ժամանակ կոտորած չեղաւ՝ հայերը նրան տապալեցին: Մամուլը արձանագրել է արդէն որ Ադանայի կոտորածների մէջ Մուշեղ եպիսկոպոսը ազգասիրաբար մեծապէս նըպաստել է այդ արհաւիրքի ծագման:

Հանգ. Կէրոզ Կաթուղիկոսի ժամանակ Ս. Էջմիածինը սկսեց հրատարակել Էջմիածնի գրադարանում եղած հայ պատմագիրների երկերը, բայց ահագին քանակութեամբ այդ գրքերը կարծեմ մինչև այսօր էլ թափուած են այնտեղ, որովհետև կարդացող չկայ:

փող տուող չկայ գրքի և գրի համար, իսկ եթէ հայ հարուստի գլխին տուող լինի՝ նա տասր միլիօն կ'տայ ժողովուրդը կոտորել տալու համար և մարդիկ կ'գտնուին, որ այդ նպատակով փող կ'ժողովեն, իսկ գրքի, գրականութեան և հային յատուկ և նրա քսկական արժանիքը կազմող կուլտուրական գործերի համար շատ դժուարութեամբ կարելի է միջոցներ գտնել:

Մի յիսուն տարի Կովկասում հայը իրեն յատուկ խաղաղ կուլտուրական գործերով էր ապրում և նա փարթամացաւ, հայ ժողովուրդը բազմացաւ, ուստի և իբրեւ անհեռատես ժողովուրդ կամեցաւ Բերլինի 61 յօդուած ունենալ, որ այսօր չկայ և որի պատճառով կէս միլիօն ժողովուրդ կոտորուեց ու տարագրուեց, երկիրը դատարկուեց, հայթուրքական կոտորածներ առաջ եկաւ Կովկասում, Նախջիւղի, Բաքուի, Գանձակի, Շուշուայ, Ղուբայի, Եւլախի և այլ տեղերի հայութիւնը տկարացաւ, առևտուրը և հողերը անցան ուրիշների ձեռք, ահագին բազմութիւն գաղթեց Կովկասից արտասահման և Ռուսաստան, ուր իհարկէ պիտի անհետանայ և կորչի, որպէս Լեհաստանի, Մոլդավիայի, Հնդկաստանի և այլ տեղերի գաղթականները կորան:

Եթէ մեր պատմագիրները կարդան հայ ժողովրդի անկոչ զեկավարները՝ շատ բան կսովորեն անցեալից:

Գ. ԵՆԳԻԲԱՐԵԱՆ

ՍՏԱՅՈՒԱԾ ԳՐԲԵՐ

Գ. Կոստանիանց. Հառիճայի վանական ընկերութեան յիշատակարանն ու հաշիւը, պաշտօնական գրութիւններով և պատկերներով. Ալէքսանդրապօլ 1910.

Քենիկ սարգապետ. Երուանդ վարդ. տ. Մինասեան և Հայոց եկեղեցու վերանորոգութեան խնդիրը Տիֆլիզ 1910.

Թատրոն և երաժշտութիւն Ա. Մայիլիանի. յաւելուած—դրամատիքական պօէզիա Վ. Տ.—Ար.: Բագու 1910:

ԱՄՍՈՒԱՅ ՏԵՍՈՒԹԻՒՆ

ՄԻ ԽՈՇՈՐ ԹԻՒՐԻՄԱՅՈՒԹԻՒՆ

Ապշելով կարգացինք «Մշակ»-ի շաբաթ օրուայ համարում հետեւեալ լուրը, որ անշուշտ քաղուած է Կ. Պօլսի լրագիրներէից. —

«Կ. Պօլսի հայոց պատրիարքարանին կից գործող խառն ժողովը փետրվ. 17-ի իր նիստում, ի միջի այլոց, նկատողութեան է առել Վեհ. Հայրապետի ուղարկած այն երկու կոնդակները, որոնցով յայտնվում է, թէ «Հովիւ» շաբաթաթերթը և «Լուսնայ» ամսագիրը մի շարք տեղեկութիւններ են հրատարակել, թէ իբր Վեհ. Հայրապետը և Կ. Պօլսի պատրիարք Դուռեան արքեպ. արգելք են եղել Օրմանեան սրբազանին քարոզչութեան պաշտօն տրուելուն: Կոնդակների հետ միասին ուղարկված էին և յիշեալ թերթերից մէկ-մէկ օրինակ, ուր լոյս էր տեսել այդ լուրը: Խառն ժողովը, քննելով այդ խնդիրը, ցաւ է յայտնել այդ տեսակ սխալ ու միտումաւոր հրատարակութեան համար և որոշել է հայրապետական կոնդակները հրատարակել տալ»:

Այս լուրից պէտք է եզրակացնել, որ 1. «Հովիւ» շաբաթաթերթի մէջ տպուած են եղել մի շարք տեղեկութիւններ, թէ իբր Վեհ. Հայրապետը և պատրիարք Դուռեանը արգելք են եղել Օրմանեան սրբազանին քարոզչութեան պաշտօն տրուելուն. 2. որ «Լուսնայ» ամսագրում տպուած են եղել մի շարք տեղեկութիւններ, թէ իբր Վեհ. Հայրապետը եւ պատրիարք Դուռեանը արգելք են եղել Օրմանեան սրբազանին քարոզչութեան պաշտօն տրուելուն, 3. որ Վեհ. Հայրապետը երկու կոնդակներով ուղարկել է Կ. Պօլսի հայոց պատրիարքարանին «Հովիւ»-ի և «Լուսնայ» ի այդպիսի լուրերը պարունակող համարները ի տնօրէնութիւն, 4. որ Պօլսի պատրիարքարանը այդ կոնդակներն ու թերթերի համարները յանձնել է պատրիարքարանին կից գործող խառն ժողովին ի քննութիւն, 5. որ խառն ժողովը իւր փետրուարի 17-ի նիստում նկատողութեան առնելով յիշեալ կոնդակներն ու լրագիրների թուերը և քննելով այդ խնդիրը՝ գտել է որ այդ տպուած լուրերը «սխալ» ու «միտումաւոր» հրատարակութիւններ են եղել և վերջապէս իբրեւ այս ամենի հետեանք՝ խառն ժողովը որոշել է հրատարակել տալ հայրապետական կոնդակները:

Ուրեմն Կ. Պօլսի արէօպագի խառն ժողովը միջնադարեան իսկվիգիցիայի է ենթարկել մերթերթը. չգիտենք միայն շրջաբերական հանել է թէ ոչ, որ այսուհետև ոչ մի թերթ չյանդգնի իրանց դէմ բան գրել:

Մենք կխօսենք միայն մեր թերթի մասին, թողնելով «Հովո ին» իւր բաժին պատասխանը ինքը տալ:

Այս տեսակ մի պաշտօնական դատապարտութիւն տալու համար՝ մի ամսագիր անշուշտ աչքի ընկնող և խոշոր էլ յանցանք պիտի լինի գործած. Հայրապետ, Պատրիարքարան, ազգային ժողովի խառն ժողով — այս բոլորը՝ հայոց ազգի ամբողջ բարձրագոյն Ատետներ կոնգակներով, ժողովների որոշոյթներով և մամուլի միջոցով դատապարտում է «Լումայ» թերթը:

Բայց ինչի՞ համար է այս ամենը:

Նւ որովհետև մեզ համար էլ խիստ տարօրինակ էր այդ ամենը, ուստի և նախ և առաջ խմբագրութիւնս իւր բոլոր կազմով անմիջապէս մանրակրկիտ քննութեան ենթարկեց «Լումայ»-ի 1908 և 1909 թուերի բոլոր համարները, տեսնելու թէ արդեօք ինչ ենք տպել մենք այդ խնդրի մասին. քննութիւնը ցոյց տուեց, որ այդ ամբողջ ժամանակի ընթացքում խմբագրութիւնս բացարձակապէս ոչ մի լուր չի տպագրել Վեհի և Օրմանեան սրբազանի յարսբերութեանց մասին, բացի վեհափառի ճանապարհորդութեան նկարագրութեան մէջ երկու խօսքից, թէ ինչպէս նորահաստատ կաթողիկոսը հրաւիրում է իւր մօտ Օրմանեանին և սիրալիր ընդունելութիւն է ցոյց տալիս: Մի անգամ միայն, այն է 1909 թուի նոյեմբեր ամսի համարում տպել է Կ. Պօլսից խմբագրութեանս ստացած թղթակցութիւնից մի քաղուածք, ուր ասուած է.

Եր. 63. «Կ. Պօլսից մեզ գրում են. «Տոգեւոր իշխանութիւն» դիւռ կշմնայ ա'նն. Օրմ սնեանը և կեղեցիկներէն հեռու պահել, որով ն. սրբազնութիւնն էլ չկրցաւ նոյն իսկ Տ' Մկրեանի յուղարկաւորութեան մասնակցիլ և դամբանականով մը 'ի վեր հանել Մկրեանի բուն հոգին. ևն»:

Այս է բոլորը, ինչ որ «Լուման» ասել է և այն լոկ միայն իր թղթակցի, որ, 'ի դէպ ասենք, խիստ արժանահաւատ անձն է, բերանով:

Այդ լուրն էլ, սակայն, երբէք չէ վերաբերում Վեհ. Հայրապետին: Անկասկած ամենքի համար պարզ է, որ այստեղ հոգեւոր իշխանութիւն ասելով՝ թղթակիցն աչքի

առաջ ունի ոչ երբէք Վեհ. Հայրապետին, այլ Կ. Պօլսի պատրիարքարանը:

Գուցէ շատերը մեզ նոյն իսկ դատապարտեն, բայց պէտք է խոստովանենք, որ մենք մեր թերթի մէջ խիստ մեծ վերապահութեամբ և վերապատուութեամբ ք վերաբերուել առհասարակ գէպի Վեհ. Հայրապետը, գլխաւորապէս նրա համար, որովհետև նա Լուսաւորչի՝ Ազգից ընտրուած գահակալն է: Այս մեր սկզբունքն է եղած: Եւ առհասարակ Օրմանեան սրբազանի պաթուղիկոս շընորոշելուց յետոյ մենք խիստ մեծ զգուշութեամբ ենք տեսլ տուել Վեհ. Հայրապետի, ս. Գուրեանի և ս. Օրմանեանի մասին խմբագրութեանս Կ. Պօլսից ստացուող լուրերին. եթէ այդպէս չլինէր, մենք իւր ժամանակին տպած կլինէինք Կ. Պօլսից մեր ստացած թղթակցութիւնները, ուր մանրամասն նկարագրուած էին, թէ ինչպէս Այա Ստեֆանօյի հայ ժողովուրդը խնդրեց Կ. Պօլսի պատրիարքարանից, որ Օրմանեան սրբազանին նշանակէ իրանց համար քարոզիչ: Բայց պատրիարքարանը պատասխանել է նրանց, թէ Օրմանեանը կարող է եկեղեցի գնալ, բայց քարոզ չխօսել, Օրմանեանը լսելով այս՝ հրաժարուել է նոյն իսկ եկեղեցի գնալ, պատասխանելով թէ՝ եկեղեցի գնալ և քարոզ չխօսել չեմ կարող, փայտի պէս կանգնելու իրաւունք չունիմ. եթէ խօսել թոյլ չէ տրուում ինձ՝ ապա աւելորդ է նոյն իսկ եկեղեցի գնալս:

Այս և նման շատ բաներ գրել են մեզ, բայց չենք տպել. չենք տպել, որովհետեւ մենք բամբասանքից ազատ լինենք:

Բայց դարձեալ ազատ չմտայինք:

Արդ՝ քանի որ ճշմարտութիւն է, որ «Լուսան» Վեհի կողմից Օրմանեանին արգելք դնելու մասին ոչինչ չէ ասել, ինչն է ուրեմն ստիպել Վեհ. Հայրապետի կողմից կողմողներին «Լուսայ»-ի անունը մտցնել տալ կոնդակներին մէջ և «Լուսան» դատապարտել տալ իբրև «սուտ» և «միտումաւոր» լուրեր հրատարակող մինչդեռ կրկնում ենք, որ մենք այնպիսի ոչինչ չենք տպել մանաւանդ Վեհ. Հայրապետի վերաբերեալ, որ դատապարտելի լինէր խմբագրութեանս համար. մի անմեղ լուր, որ բառաւոր ստացել ենք Պօլսից:

Այս ինչ պրովոկացիա է, որ նիւթուում է էջմիածնում մեր խմբագրութեան շուրջ:

Խմբագրութիւնս բողոքում է Կ. Պօլսի «Սառն ժո-

դով» կոչուած մարմնի ապօրինի վարմունքի դէմ և զըտնում է, որ խառն ժողովի՝ խմբագրութեանս հասցէին «սուտ» և «միտումաւոր» խօսքերը նախապաշարուած հոգիների երկանց արգասիք են, որպիսիներ, զիտենք, բազմած են այդ խառն ժողովում:

Բողոքելով խառը ժողովի «միտումաւոր» վարմունքի դէմ՝ այժմ արդէն մենք ենք հրապարակաւ հարցնում նրանց. հապա ի՞նչ է պատճառը, որ Օրմանեան սրբազանը, Կ. Պօլսի այդ անգիւտ քարոզիչը, մինչև այսօր դատապարտուած է տանը նստելու. խառը ժողովի պատասխանից յետոյ մենք այնուհետև կ'ստենք մեր ասելիքը:

«ԼՈՒՄԱՅ» ԱՄՍԱԳՐԻ ԽՍԲԱԳՐՈՒԹԻՒՆ

Լ ՈՒՐԵՐ

— Լրագիրները հաղորդում են, որ Կ. Պօլսի ազգային ժողովը յիտ է հրաւիրել հրաժարուած պատրիարք Ս. Եղիշէ Եպիս. Դուհանին և ն. ս. վերատին մտիլ է իւր պաշտօնի մէջ: Վեհ. Հայրապետը շնորհել է ս. պատրիարքին ա. քիպիսկոպոսութեան տիտղոս:

— Միջնորդութիւն է յարուցուած Շամախի քաղաքում թոյլատրել բանալ հայոց վիճակային սեմինարիա, այս պատճառով, «Բագու» լրագրի ասելով, Շամախու քաղաքային վարչութեան լիազօրները որոշել են աւգ. դպրանոցի շինութեան համար յատկացնել քաղաքային գետինհրից 1 դեսնատին, 1,100 քառ. սաժէն տարածութեամբ ձրիաբար, այն պայմանով. որ եթէ չըթոյլատրուի սեմինարիայի բացումը, գետինը յետ դարձնուի քաղաքին:

— Յայտնի բարեգործ հանգ. Ա. Ս. Անանեանի որդիք Միշրան և Արգար Անանհանները յայտնել են Զգրաշէնի ծխական Դպրոցի Հոգաբարձութեան, որ այս տարուանից իւրաքանչիւր տարի երեք հարիւր ուրբի են նուիրում յիշեալ Դպրոցին:

— Այս օրերս ժողով է կայացել «Աղբիւր»-ի խմբագրատանը մեր վիպագիր պ. Շիրվանզադէի յօքիւհանը տօնելու համար. բայց առայժմ առանց որևէ հետեանքի:

ԽՄԲԱԳՐՈՒԹԵԱՆ ՊԱՏԱՍԽԱՆՆԵՐ

Մոսկուա. Մ. Զ.— սիրով կկատարենք Ձեր ցանկութիւնը:

Վարդաշատ. Յ. Պ.— ստացանք և կտպենք հետեւի համարում: Բագու Արմ. Յակոբեան.— մինչև այժմ չստացանք Ձեզանից ցուցակը:

Մոսկուա Ա. Ս. Ձեր նամակը ստացանք, երբ յօդուածը տըպուած էր և շարուածքը ցրուած, ուստի և ներկայումս անհնար է արտատպիլ, քնուած է մի ուրիշ յարմար առիթով նորից շարել և տպիլ:

Խմբագիր Հրատարակիչ՝ ԳԻՒՏ Ա. Բ. ԱՂԱՆԵԱՆՑ

Շարունակում է 1910 թ. բաժանորդագրութիւն

ԳՐԱԳՆ—ՀԱՅԱՐԱԳՆԱՆ, **Լ Ո Յ Ս** ՇԱՐՈՒԹԵՐԹԻ

«ԼՈՅՍԻ» ՆՊԱՏԱԿՆ է՝ կապ հաստատել Նոր-Նախիջևանի, Հիւսիսային Կովկասի, Խրիմի և ընդհանրապէս Ռուսաստանում ցրուած հայ գաղութների միջև, մասնակից անելով նրանց ընդհանուր հայկական կեանքին:

«ԼՈՅՍԻ» ԲԱԺԱՆՈՐԴԱԳԻՆԸ.—Ն. Նախիջևանի, Ռուստովի ու շրջակայ հայ գիւղերի համար տարեկան՝ 3 ռ., կէս տարին՝ 2 ռ., 3 ամիսը՝ 1 ռ.: Ռուսաստանի այլ տեղերի—տարեկան 4 ռ., կէս տարին՝ 2 50 կ. և ամիսը 1 ռ. 50 կոպ.: Արտասահմանի համար—տարեկան՝ 6 ռ. կէս տարին՝ 3 ռ.: Համարն ամեն տեղ արժէ 10 կոպ.:

Ընդունում են յայտարարութիւններ ձեռնտու պայմաններով բոլոր լեզուներով.—տողատեղին I երեսում՝ 20 կ., վերջին երեսներում՝ 10 կոպ.:

Հասցէն Нахичеванъ на Дону, редакция армянскаго журнала „ЛУЙСЪ“ Խճագիր-հրատարակիչ՝ ԲԺ. ԳԷՈՐԳ ՌԷԻԶԵԱՆ.

Открыта подписка на 1910 годъ

на большую ежедневную, литературную, политическую
и общ. газету

IX годъ изданія

БАКУ

IX годъ изданія

Газета выходитъ въ объемъ и по программъ большихъ столичныхъ газетъ, подъ общею редакціей Х. А. Вермишева, при ближайшемъ участіи Минаса Берберьяна, Г. Е. Старцева, [Ант.] С. Айвазова, Б. Г. Перлина и др. постоянныхъ сотрудниковъ редакціи.

Кромъ того газетъ «Баку» обѣщали свое сотрудничество: Ю. А. Веселовскій, Дагестани, Магистрантъ, Я. А. Манандянъ, кн. Г. М. Тумановъ, В. Ө. Тотомянцъ и др.

Подписная цѣна съ доставкой и пересылкой

	ГОЛЪ	6 МѢС.	1 МѢС.
Для иногородн.	8 р. 50 к.	6 руб.	1 р. 50 к.
Для городскихъ	7—	4—	1—

Заграницу 15 руб. на годъ и 8 р. на полъ года.

Адресъ Баку, редакция газета «Баку»

15-7 Տ Ա Ր Ի
ԲԱՅՈՒԱԾ Է ԲԱԺԱՆՈՐԴԱԳՐՈՒԹԻՒՆ

1910 ԹՈՒՆ

Լ Ո Ւ Մ Ա Յ

ԳՐԱԿԱՆ-ՊԱՏՄԱԿԱՆ ԵՒ ՔԱՂԱՔԱԿԱՆ ԱՄՍԱԳՐԻ

1910 թուին Լուսման լոյս կը տեսնի իւր այժմեան դիրքով, բաղկացած 64—80 երեսներից, մեր մշտական աշխատակիցների գործակցութեամբ: Ինչպէս միշտ, հարկաւոր դէպքերում, կտրուեն պատկերներ հասարակական երևոյթների առթիւ:

1910 թուի «ԼՈՒՄԱՅ»ի ԿԱՆԽԻԿ ՎՃԱՐՈՂ Բա-
ժանորդները կստանան իբրեւ Պ Ր Է Մ Ի Ա

Ե Ղ Ի Շ Է Ի

ՎԱՐԴԱՆԱՆՑ ՊԱՏՄՈՒԹԵԱՆ
աշխարհաբար նոր թարգմանութիւնը:

ԲԱԺՆԷԳԻՆՆ Է տարեկան 6 ռ., կէս տ. 4 ռ.
Արտասահման „ 8 „ „ 5 „

ՈՒՍՈՒՅԻՉՆԵՐԻ, ԱՇԱԿԵՐՏՆԵՐԻ, ՔԱՀԱՆԱՆԵՐԻ
ԵՒ ԳՈՐԾԱԿԱՏԱՐՆԵՐԻ ՀԱՄԱՐ «ԼՈՒՄԱՅ»-Ի
ՏԱՐԵԿԱՆ ԲԱԺՆԷԳԻՆՆ Է 4 ՌՈՒԲԼԻ

ԱՊԱՌԻԿ ՈՉ ՈՔԻ ՉԻ ՈՒՂԱՐԿՈՒԻ

Հասցէն Թիֆլիս Պօլիցէյսկայա 7. Tiflis Polizeiskaja, 7.

ՏՊԻՈՒՄ Է

ԳԻՒԱՆ

ՀԱՅՈՑ ՊԱՏՄՈՒԹԵԱՆ

Գ Ի Ր Ք Թ.

Յովսէփ Արդուսեան